

K 7 196

2

კომ. პრეზიუმისა და
899.962.1-

09804 009900

8-32(081)

117.196
2

კ. პრეზიუმისა და

საბჭო ან ოთხბრ №	
საბჭო ან ოთხბრ №	264
საბჭო ან ოთხბრ №	4886

0300060

ქართ. წ. გ. ამბ. || ტელ. ელ. გ. ი. ტ-ვა.

1904

211

Дозволено Цензурою 26 декабря 1903 года.
гор. Тифлисъ.

სსსს-2000
სსსსსსსსსსსსსსსს

პატარა პეპელა



(ეტიუდი)

— მოიწი ჩემკენ, მოიწი!.. შენ კი არა გცივა?!.. მე კი, აი, სიცვივისგან მთლად დავიბუხე, ლამის არის გავშეშდე, სიცოცხლე შემიდგეს...— ეხვეწება პატარა, ფუნჩულა თეთრი პეპელა, რომელიც ყვითელ-ფოთლიან ჯაგს ამოჭფარებია, იქავე მჯდომ ქრელ პეპელას და იმოდენა არაქათი აღარა აქვს, რომ თითონ მიიწიოს იმისკენ...

წვრილი, ფეტვის-მარცვალა წვიმა კი დაჟინებით თავს დასდის, და თან სუსხიანი ქარი უსისინებს...

— ლამის არის მთლად ზედ შეგდგე!.. სადღა მოვიწიო?!

— არ გებრალეები?!. კვნესით შესძახა ფუნჩულა პეპელამ და ოდნავ პატარა ფრთები შეარხია...

— მებრალეები, მაგრამ რა ვქმნა, როდესაც მეც შენი დღე მადგას?!.— გულმხურვალობით უპასუხა ქრელმა პეპელამ და ცალი ფრთა ზედ გადაათარა.

— ჰოო, ეგრე, ეგრე!... ოხ, რა მადლობელი ვარ!..

— ეეებ, მართლა-და, რა სულელი გამოვდექი, იმათ რომ დავუჯერე?..— გულამოსკენით წამოიძახა ისევ ფუნჩულა პეპელამ რამოდენისამე წუთის სიჩუმის შემდეგ.

— რა იყო?!... როგორ?...— ეკითხება ქრელი პეპელა და გადაფარებულ ფრთას უფრო უქუქავს.

— ეხლა რომ მაგონდება, — კანკალით ამბობს ფუნჩულა პეპელა: — სირცხვილით ვიწვი...

— არ მეტყვი, რა იყო?...

— ჯერ ახლად თვალი რომ გავახილე, — დაიწყო ფუნჩულამ: — და არე-მარეს გადავაღლე, დავითვერი, სიმოვნების ჟრუანტელმა დამირბინა ტანში. ჩემ თვალწინ გადაშლილიყო... ბედ-შავს, ველარცკი გამომითქვამს იმისი სიმშვენიერე!... ათას-ფრად აყვავებული მდელიო, რომელსაც შიგ შუაში მიუჩხრიალებდა ანკარა, კამკამი წყალი და ნაპირებს აპკურებდა თავის გამაცოცხლებელ წინწყლებით,

გადაქიმილიყო ჩემ თვალწინ. ყოველ სა-
განს სინაზე, სიახლე ეტყობოდა. უთუოდ
ისინიც ახლად იყვნენ გამოწვეულნი, გა-
მოცოცხლებულნი, რომ პირველ მზის
სხივზე მათ ცრემლვა დაიწყეს. მათი ცრემ-
ლი მზის სხივზე კრთოდა, ეღვარებდა,
და ის ანკარა წყალიც უთუოდ იმისთვის
მოსთქვამდა ისე ნაზად და სასიამოვნოდ...
არემარე ჩემსავით დამთვრალი იყო სი-
ცოცხლის პირველი სხივით და სტიროდა
სიხარულით!..

„...ახ, რა კარგია!...“—გამოვერკვიე
თუ არა, უნებურად ეს წამოვიძახე და არ
ვიცი, როგორ და რად დავიწყე ნავარ-
დობა... მართლადაც, რა კარგი იყო?!
ხან ერთს ყვავილს დავაკვდებოდი ზედ
გულზე და ხან კიდევ მეორეს. მინდოდა
ყველას მივვალერსებოდი, ყველას გულ-
ში ჩავკროდი და ამისთვის არც ერთ ყვა-
ვილთან, არც ერთ მცენარესთან დიდხანს
არ გავჩერებულვარ.

„ასე ვნავარდობდი, ვიდრემდის ბინდმა
არ შემაყენა. ვიძახდი, რად დაბნელდა,
რომ კიდევ მენავარდნა...“

„გათენდა. ისევ ის ნავარდობა, ისევ ის სიამოვნება. ყოველ დღე ვსიამოვნებდი და სამწუხაროდ მხოლოდ ის მქონდა, რომ ღამეც არ შემეძლო სიამოვნება.

„ერთ ღამეს... ცოტა კიდევ ამომიქუქკე ფრთა!... ეგრე, ეგრე!... რა ნაირი სუსხიანი ღამეა!... ჰო!... ერთ ღამეს, მეტქი, ის იყო ბალახებში ჩავძვერი და ძილს ვაპირობდი, რომ უეცრივ რაღაც სინათლე თვალს მომაღვა. გავიხედე იქით, საიდანაც შუქი მოდიოდა და აღარც კი მიფიქრნია, მაშინვე იქითკენ გავეშურე. რას ვხედავ?!. ირგვლივ ისხდნენ... უთუოდ გენახვება საღმე; ისინი ხშირად დადიან მინდვრად და მათი მსგავსი პატარეები ჩვენს ძმებს კიდევაც დასაქერად დასდევენ! რა ვქნა?!.. რამ დამავიწყა მათი სახელი?!...

—ადამიანები?!!

—ჰო, ადამიანები!... არ გასაშვებმა მათმა პატარეებმა ერთხელ კინალამ დამიქირეს... შემოსხდომოდნენ მაგიდას და ვახშობდნენ... მაგიდას შუა იდგა რაღაც პატარა თეთრი, რომელსაც თავს დაჰსო-

ზოდა მოელვარე, მოციმციმე ენა. მისი
 შავი ძარღვი ცოტათი წამოხრილიყო და
 გაღვიებული წვერი გამოენაპირებინა...
 ახ, რა მშვენიერება რამ იყო?!.. ის, ის
 ჰფენდა არე მარეს მკრთალ ნათელს... ის
 ატკბობდა იმ საზიზღრებს!.. პირველი
 შეკრთომის შემდეგ გავსრიალდი და თავს
 შემოვევლე... მისი სიახლოვე ვიგრძენ...
 ფრთა შევახე და... ოხ, რა ნეტარების
 ჟრუანტელმა დამიარა ტანში!.. სიმწვავე
 ვიგრძენ, მაგრამ ნეტარი სიმწვავე!... ტანი
 მომეშალა და, დარეტიანებულმა, მსწრაფლ
 ძირს ფორთხიალი დავიწყე“...

„...რა სულელები არიან, ეს მწერე-
 ბი?!... სიცოცხლეს თითონვე ისპობე-
 ნო“. — წამოიძახა ერთმა მაგიდის გარს
 მსხდომ ადამიანთაგანმა და იატაკზე გადა-
 მანარცხა“...

„ძალიან მეწყინა... სატრფო მთლად
 დამავიწყდა... „სულელები... მწერები!...“
 ეს სიტყვები-ლა მიტრიალებდნენ თავში...
 მოვიკრიფე ძალ-ლონე და მედიდურად
 ავუფრინდი იმათ ცხვირ-წინ... „მე და-
 გიმტკიცებთ, რომ მწერები სრულებითაც

არ არიან სულელები-მეთქი“, თან ეს მი-
 ვაძახე, და ის იყო და ის, მას შემდეგ
 ყოველგვარ სიამოვნებას მოვშორდი; ვე-
 რიდებოდი... „იგინი ჭკვიანები არიან.
 სულდგმულთა მეფედ ითვლებიან. მაშა-
 სადამე, უთუოდ სიცოცხლე სიცოცხლის-
 თვის რაიმეს წარმოადგენს-მეთქი“, ვფიქ-
 რობდი და ყოველთვის, როდესაც კი
 შევნიშნავდი რაიმე სიმშვენიერეს, რო-
 მელიც მაფრთოვანებდა, მიზიდავდა და
 გულს მიტოკავდა, დღე იქნებოდა ეს, თუ
 ღამე, ვერიდებოდი, ვუფრთხობდი და, აი,
 სიცოცხლე დავიცევ ამ სუსხიანი ღამისთ-
 ვის; სიცოცხლე შევინახე, რომ იგი
 ტანჯვით მომსპობოდა!... ოოჰ, თუ გა-
 დავრჩი ამ სუსხიან ღამეს... მაშინ... მცი-
 ვა... მცივა... მაშინ...“ — შესწყვიტა ფუნ-
 ჩულამ ამბავი. ჭრელი სმენად იყო
 გარდაქცეული. დიდხანს ელოდა, ფუნ-
 ჩულა რას იზამდა, თუ ამ ღამეს გადარ-
 ჩებოდა, მაგრამ იგი მხოლოდ გაუგებ-
 რად წრიბინებდა. ჩქარა წრიბინიც
 შესწყდა....

— მაშინ რას იზამდი?!— ჩაეკითხა მოთ-
მინებიდან გამოსული ჭრელი პეპელა, მაგ-
რამ ფუნჩულა სდუმდა.

ჭრელმა პეპელამ შეარხია ფუნჩულა.
ფუნჩულა ძირს ჩაგორდა.

— ველარ გადარჩა ამ ღამეს!..— მწა-
რედ წარმოსთქვა ჭრელმა პეპელამ და
ღრმა ფიქრებს მისცა თავი.

ბუნების მეფენი

(ეტიუდი)

— ჰხედავთ, გეყურებაათ?! — თამადამ კეკლუცად მორთულ ტყე და მინდორზე და ტკბილად მოჩუხჩუხე ნაკადულზედ ხელი მიიშვირა.

— როდესაც ყოველსავე ამას თვალყურს ათხოვებთ, — განაგრძო თამადამ, — და როდეს არ ათხოვებ?!.. ყოველთვის. მაშინ, ვფიცავ!... მაგრამ რა დავიფიცო?!.. ჰმ!... ვფიცავ კაცობრიობას. კაცობრიობას ვფიცავ, მეთქი, რადგანაც ადამიანისთანა ამ ქვეყნად არა არისრა. ადამიანი მეფეა ბუნებისა. მისთვის არის ყოველივე დაბადებული; ყოველივე მისთვის არსებობს. იმას ვამბობდი: როდესაც ყოველსავე ამას თვალყურს ათხოვებ, ძალა-უნებურად შენ თავს, ესე იგი, ადამიანი თავის თავს მეფედ ჰგრძნობს. აბა შეხედეთ ამ მდელოს, ტყეს, როგორ თქვენს თვალს ნაზად ეტრფის, ვალერ-

სება; ან ყური დაუგდეთ მათ ოდნავ მოძრაობის ხმას, და ან კიდევ ამ ნაკადულის ჩუხჩუხს. რომელი უმაღლესი მუსიკა დაატკობს თქვენს სმენას, როგორც ეს?!. რომელი ხელოვნური დეკორაცია გააღიზიანებს თქვენს თვალს, როგორც ეს?!.. ესე: ეს ბუნებაა... — თვალი გადაავლო არემარეს და უეცრივ დაინახა იქავე ახლოს ვირი, რომელიც ყურებ წინ-წამობერტყილი ქანდაკებასავით უმოძრაოდ იდგა და გაშტერებული გაიცქირებოდა. ამ არსებამ მასალა მისცა კიდევ უფრო გაეფართოვებინა თავისი სიტყვა: განა მარტო უსულო ბუნება. მას ემსახურება ყოველი სულდგმულიც. აგერ, გეყურებათ ფრინველთ ჟღივილი?!.. ისინიც ადამიანს ემსახურებიან. თუ არ ემსახურებიან, შეუძლიან ადამიანს დაიმორჩილოს ყოველი სულდგმული და იმსახუროს, როგორც აგერ ის ვირი, რომელიც ფილოსოფოსი თავით ჩაფიქრებულა...

მოსადილეთ ყველამ გაიხედეს ვირისკენ და ხითხითი ასტეხეს. ყველას მოეწონა თამადისგან ვირის დახასიათება.

ვირმა ყურები აცქვიტა, როდესაც თამადამ იგი ახსენა, და, მის ხსენებას რომ ხითხითი დაატყდა, ისევ პირვანდებულად გაშტერდა.

— მაშ ყმაწვილებო და ქალებო, — გაგულადებულმა თამადამ ხმა-მალლით დაიძახა: — გაუმარჯოს ადამიანს, რომელსაც ემსახურება ბუნება, და მასთან ერთად ჩვენც გაგვიმარჯოს.

— გაუმარჯოს, გაუმარჯოს, ურაა! — ერთ ხმად დაიძახა ყველამ და სავსე ჭიქა გამოსცალა.

ამ სადღეგრძელოს შემდეგ ქალები გასასეირნებლად წამოიშალნენ. ყმაწვილები, თუმცა მათ კიდევ ბაასი და ღვინის სმუნდოდათ, რაღას იქმდნენ. იგინიც წამოდგნენ. ერთ მათგანს მოაგონდა, რომ თამადას სადღეგრძელო არ დაუღწევიათ. ამით ისარგებლა, რომ ერთი ჭიქა კიდევ გამოეცალა. შეივსო ჭიქა და დაიძახა:

— ყმაწვილებო, დაიცადეთ!... ეს ჩვენი თამადის სადღეგრძელო იყოს!

— ოოო, გაუმარჯოს ჩვენ თამადას! ურააა! — დაიძახეს თითქმის ყველამ ერთად.

— ურააა! — თავისებურად დაიყოყინა მათთან ერთად ვირმაც და ყველას ხმა დაჰტვარა.

— ურააა! — ხელმეორედ დაიძახა ერთმა მათგანმა ხარხარით. — ფილოსოფოსიც გვეთანხმება.

— ურააა! — ყველა ხარხარით ყვიროდა ურას.

ვირსაც ყოყინი არ შეუწყვეტია.

II

ცელქობენ, ხტიან, ნაზნი არსებანი ყვავილებში იფლობიან და ვინ ვის ეტრფის: ყვავილნი ქალთ თუ ქალნი ყვავილთ, ეს ძნელი გამოსაცნობია.

თითქოს თამადის აზრი მართლდებაო, ბუნება მათ სიამოვნებას და ამაყოფას ხელს უწყობს. აქნობამდის მოკრიალებული ცა წაიფერფლა და მზის მწვაფი სხივები გაანელა.

დასრიალობენ. დახტიან. მათმა სიცილისკასმა არე მოიცვა. ხან „თავ-დავლას“ თამაშობენ, ხან კიდევ „ნიშხა-ნიშხა, ვისი ქალის“ და ხან კიდევ რას არა...

თამადა თამაშობეებშიაც თამაღობს. იგი მეთაურობს. თამადას არც ვირი დაავიწყდა. იგიც ჩაურია ბოლოს ფერხულში. მოახტა და გაიჯირითა. თამადას სხვებმაც მიჰბაძეს. ქალი და ვაჟი ერთი ერთმანეთს აღარ აცდის. ყველა ვირის ტვირთად ხდება. მხიარულობენ. ვირი წარბ-შეუხრელად ემსახურებათ. ბევრი ვაი დასტეხია თავს, და ეს წვალება მისთვის სულ უბრალოა...

მეფობს ადამიანი. ყველა მისი მორჩილია, როგორც თამადამ სთქვა, და რად არ უნდა იმეფოს?!. არე-მარე ყველა სულდგმული მას ემორჩილება, მისთვის, მის სასიამოვნოდ არის დაბადებული და სულელი იქნება, თუ არ ისარგებლა და არ დაიმორჩილა მთელი ბუნება...

ბუნება!.. დიდებული ბუნება, მისი დიდებული კანონი ადამიანის ხელთ არის!.. „როგორც ადამიანს ჰსურს, ფიქრობს თამადა და მასთან ერთად მისი მოძმენიც: ისე დაატრიალებს ბუნების ჩარხს: უნაყოფო ნიადაგს გაანოყიერებს და სადაც ქვისა და რიყის მეტი არა

იყო-რა, იქ მშვენივრად შემკულ მცენარეულობას მოიყვანს, მოაშენებს ცხოველთ და აამოძრავებს ნაკადულს; იქ, სადაც არწივთაც უძნელდებათ მისვლა, ადამიანი გზას მიიტანს და აახმაურებს ბუნებას. სადაც სიმშვენიერია, სადაც გული სიამით გაიშლება, იქ ადამიანს შეუძლიან სიკვდილი დაჰბადოს, იგი გაანადგუროს და გააოხროს, თუ კი მისი გონება მოითხოვს. მაშ გაუმარჯოს ადამიანს—ბუნების მეფეს!..“

ისევ ის კასკასი, მხიარულება და ვირის მორჩილება...

III

არე-მარე მთლად ჩამოზნელდა. ბუნებამ სული გაკმინდა. ფოთოლიც კი არ იძვრის. აღგზნებული და სიამოვნებით გატაცებული ადამიანი არე-მარის ცვლილებას ვერ ამჩნევს, რომელიც თანდათან კუმეტდება და იქუშება... ხითხით-კისკასი მათი-ლა არღვევს არე-მარის სიღუმისს... თითქოს თავიანთ საქციელით ბუნებას უმკლავდებოდნენ და მის შუბლ-შეკრუ-

ლობას არად აგდებდნენ, სიცილიად არ ჰყოფნიდათ, რითაც ბუნება უფრო ბრაზდებოდა და მოთმინებიდან გამოდიოდა. არა, არ სცხრება ადამიანი. კიდევ ხითხითებს, კიდევ კისკასობს და თან ვირსაც დაარბევინებს...

„...ადამიანო, დასცხრი, დაწყნარდი!... — ყოველის მხრივ ეჩურჩულება არე-მარე: „გეყოფა სიჯიუტე. კმარა, მონახე შენი ბინა და...“

„მაშ კიდევ ჰჯიუტობ?!. აჰა, ჯერ ესა სცადე!..“ — უეცრივ გაირღვა ცა ცეცხლის ხაზით. დასქყვივლა ზევიდან და გრგვინვით განვლო კიდით-კიდე.

აილუფხა არე-მარე. თითქოს ცის ამ ნიშანს მოელოდაო, რომ მთლად არეულიყო და ახმაურებულებო...

გრიგალმა მოიცვა ყოველი არსება და შეუბრალებლივ ჰშხებავდა. მეტის-მეტად შეწუხებული დიდრონი ხეები, აგერ, როგორ კვნესით და გოდებით ერთი-ერთმანეთისაკენ იხრებიან, რომ ერთმანეთთან ჩახვეულნი გაორკეცებულის ძალით დაუხვდნენ მედგარ გრიგალს, მაგრამ გრიგალი

არ აცლის გადახვევნას. თითქმის ფოთ-
ლები შეახეს ერთმანეთს. ტოტების გახ-
ლართვასაც აპირობდნენ, მაგრამ ამ დროს
გრიგალმა შუაში გაუელვა და ისევ-ისე
კვნესა-ვაებით, წყევლა-კრულვით და სა-
სოწარკვეთილებითი გმინვით განშორდნენ
ერთმანეთს...

ჯერ ისევ პირველ გაელვებაზე და ცის
გრგვინვაზედვე ბუნების მეფენი შეჰკრთ-
ნენ. მათი უღარდელი კისკასი კივილით
შეიცვალა. ერთი მშვენიერთაგანი, რო-
მელიც ვირით მიჯირითობდა, გაელვება-
ზე, კივილით დედა-მიწას გაერთხო. მისი
კივილი არავის გაუგონია. მხოლოდ ვი-
ღი, როდესაც ქალი ჩამოვარდა, მიტ-
რიალდა მისკენ და მწარის ღიმილით
მზერა დაუწყო...

„სადაა თქვენი მედიდურობა, ბუნების
მეფენო?!... რატომ...“

გრიგალს წვიმა და ჩქარა ხშირი, სა-
შინელი ხშირი და თანაც მსხვილი სეტყვა
მოჰყვა... მაშინ ბუნების მეფეთ თავის
სორო სამშობლოზე უძვირფასესად უღირ-
დათ. სად წასულიყვნენ, აღარ იცოდნენ.

ვინ ვის ეფარებოდა, აღარ იცოდა. ეხლა ყოველ მათგანს აზრად მხოლოდ ის-ლა ჰქონდა, რომ ერთი-ერთმანეთს ამოჰფარებოდნენ და სხვისა გვერდები სეტყვისთვის მიეგებებინათ, იმის მიუხედავად, სუსტი არსებისა იქნებოდა ეს გვერდები ფარად, თუ მძლავრისა. სამარცხვინო მათი კივილი იფარებოდა არე-მარის გმინვით. ერთი ერთმანეთისა არა ეყურებოდათ-რა...

IV

დაწყნარდა ბუნება. ფოთოლიც აღარ ირხევა. მხოლოდ მოისმის ხეების ხრილი. მთებიდან მომსკდარი ნიაღვრები ქუხილით მიექანებიან ქვევით. მოშავ-ბნელეებულნი ცა დაიშაშრა და ნაშაშრებიდან მზემ გამოიქვრიტინა. ამოლუფხულ ბუნების მეფეთ გული მოეცათ, ისევ დაუბრუნდათ იმედი. სასო-წარკვეთილთ, მხდალთ, მზის სხივების დანახვაზე, მედი-დურობა ისევ დაუბრუნდათ...

— ახ, მიყვარს ბუნების ამგვარი ბო-ბოქრობა!..—დაიწყა თამადამ.

— მე გულ-ხელ-დაკრეფილი ვიდექი და ცას მაღალის ხმით შევძახოდი: „ჰა, უფრო სასტიკად, უფრო სასტიკად დასჯივლემეთქი...“ — ამბობს მეორე.

— ვერ წარმოიდგენთ, — ამბობს ქალი, — რომელიც ვირიდან გადმოვარდა: — რა მშვენიერი სურათი იყო!.. ნეტავი კიდევ დიდხანს ეგრიალა ცას, ნეტავი ჩქარა არ შეწყვეტილიყო!.. მე ჩემს დღეში არ დამავიწყდება ეს დღე. ამისთანა სიამოვნება ერთხელ არ გამომივლია...“

ერთი ერთმანეთს აღარ აცდიდნენ შთაბეჭდილების გამოთქმას. ყველა მათგანი კარგად ჰგრძნობდა, რომ სინამდვილეს არ ამბობდა. ნამდვილი შთაბეჭდილება იფარებოდა. ვერც ერთ მათგანს ვერ გამოეჩინა იმოდენა მოქალაქობრივი ძალა, რომ სინამდვილე ეთქვა, და ყველა მათგანი ცდილობდა, თავისი სიმხდალე და სილაჩრე გაექარწყლებინა...

ველარ მოითმინა ვირმა, რომელიც მოწამე იყო მათი მედიდური სიტყვებისა, სილაჩრისა და ცრუბენტელაობისა. ბრაზ-

მორეულმა ძლიერად დაიყოყნა, რომ
მათი საზიზღარი ბაქიობა შეეწყვიტა...

— ოჰ, ჩვენი ფილოსოფოსი რალაზე-
დაც გვიწყობა!... — უნებურად წამოიძახა
ქალმა, რომელიც ვირიდან ჩამოვარდა
პირველ გაელვებაზე და შუბლ-შექმუხვ-
ნილმა თავი ძირს დახარა...

„მ ი წ ა ა!...“

I

— ბედ-შავს, გული ასე რაიზე მიკვ-
ნესის? — ხმა-მალლივ დაიძახა ბერამ და
ყრუდ, სულ ყრუდ, ხველა აუვარდა.

— ბაბაი, რა უბრალოდ ფუჭდება ჩემი
სიყმაწვილე! — განაგრძო ხმა-მალლივვე ბე-
რამ, როდესაც ნახველი ამოიღო და ცივი
ოფლი ხელის მოსმით შუბლიდან მოიწ-
მინდა.

ბერამ თვალი გადაავლო-გადმოავლო გა-
მურულ შუშიან მხრჩოლავ ლამპრით
ბუნდად განათებულ კარგა დიდ ოთახს
და მწარის ღიმილით თავი გაიქნივ-გამოიქ-
ნია, როდესაც ძლივას გაარჩია ჭერახე-
ბივით დაყრილი დაბორკილი ტუსაღები,
რომელნიც უსუფთაობის შვილთა — სხვა-
და-სხვა მწერთა გამო — მოუსვენრად მოძ-
რაობდნენ. ხშირად იცვლიდნენ გვერდს,
ხელებს დაუღალავად ამოქმედებდნენ და
ზოგი ძილში, ზოგი კიდევ ცხადლივ თა-



ვის-და უნებურად კბილთა ღრქენით
ლოცვა-კურთხევას უგზავნიდნენ...

ვის?! მწერებს, ბუნებას, თავიანთ ბედს,
თუ სხვას ვისმეს?

თითონაც არ იცოდნენ, ვის? ისე გუ-
ლის მოსაფხანავად, შეგუბებულ ვარამის
წამოსანთხევად...

ბერა თავ-ჩაღუნული ისმენს კენესა-
ღრქენას, ბორკილთ ჩხარუნს, ლანძღვა-
გინებას და მწარე ღიმი ტუჩებიდან არ
ჰშორდება...

„...ასე არსად ამკვნესებია გული,—
უსიტყვოდ იძახოდა ბერა ხმაურობის
დროს: „რას მიქადი, გულო, რას?
ამაზე უარესი ხომ არა დამემართება-
რა; იყუჩე... უჰუ, უჰუ... იყუჩე,
გულო, დაწყნარდი, გულო!... უჰუ,
უჰუ!..“ — შეწყვიტა უსიტყვოდ ბაასი
თავის გულთან; ხველამ ნება აღარ მისცა
განეგრძო.

დიღხანს ახველა ყრუდ, ხმელად და
ძლივას ამოიღო ნახველი, რომელმაც
ტუჩები შეუღება.

ბერა არ შეშინებულა, რადგანაც სამი

თვე მეტია ეს ემართება; ეს სიკვდილს დიდი ხანია მოელოს.

დაატუსაღეს თუ არა, მაშინვე იმედ გადაწყვეტილმა შესდგა ფეხი: „მე ხომ ცოცხალი ველარ გამოვალო!“ — მაშინვე ესა სთქვა, და აღარც მიჰფენია მის გულს სიმხიარულის შუქი ამის შემდეგ.

ერთ წელიწადს გასტანა ამის საქმის გარჩევამ. წლის თავზედ გადაუწყვიტეს ციმბირის მადნეულობაში მძიმე მუშაობა.....

ბერა დაწყნარდა. ხველაც შეუდგა, თავი კედელს მიჰყუდა. ეგონა დაიძინებდა, მაგრამ გული ისევ აუფორიაქდა...

— დედავ, დედავ, შე ბედშავო, რა მოელოს შენს შვილს?! — სასოწარკვეთილებით წამოიკვნესა და სული ყელში მოებჯინა.

თვალეები ხელის გულით მიიქცლიტა, თითქოს ესენი იყვნენ დამნაშავენი მის მოუსვენრობაში. ისევ ის ღრჭენა, ისევ ის ლანძღვა-გინება, ბორკილების ჩხარა ჩხური მოისმის ოდნავ განათებულ ოთახში. ბერა კი თვალეებს იქცლევტს და სასო-



წარკვეთილებით ეკითხება თავის გულს:
რას მიქადი, გულო, რას?...

— სიკვდილს, ბერა, სიკვდილილს? — შე-
მოესმა ბერას უცნაური ხმა.

— ჰაა?! — საჩქაროდ წამოიქრა ფეხზედ
და გაბრწყინვებული თვალები სარკმელს
მიაპყრო.

— სიკვდილს, ბერა, სიკვდილილს! —
ისევ იმ ხმამ, იმავე კილოთი გაჰკივლა
გარედ და უკანასკნელი ხმა სადღაც შორს
მისწყდა.

შემოდგომის სუსხიანი ქარი კი გამა-
ლებული ებრძოდა რკინის უჯრედებით
დაცულს პატარა სარკმელს და უხვად
ასხამდა მის მინებს წვიმას...

— სიკვდილილს!

— არა, არა, ლომისის მადლმა, სიკვდი-
ლისა არ მეშინის, არა! — გულჩაწყვეტით
უპასუხა ხმას.

— ბერა, ვის ესაუბრები? — გაკვირვე-
ბით დაეკითხა მეზობელი, რომელიც ბე-
რას უკანასკნელ მოძრაობას თვალ-ყურს
ადევნებდა.

— გივარგი, გივარგი! იქიდან ვიღაც

მიკივის „სიკვდილს“, მაგრამ სიკვდილისა არ მეშინის! — საჩქაროდ გამოელაპარაკა გიორგის და ხელები დაუჭირა.

— ვინ უნდა...

— გივარგი, სხვა რამ უბედურებას მიქადის ჩემი გული. ასე არ უკვნესია, არა, არა!.. სიკვდილი ხომ ჩემი ხსნა იქნება, გივარგი!

— ბერა, რას უნდა გიქადოდეს ამაზე უარესს?! აბა რას უბნობ, შე ბეჩაეო? ცოტა ტანჯვა გაქვს, რომ შენც შენი თავი არ სტანჯო.

— არა, გივარგი, არა! სხვა...

— კარგი, იყუჩე!. უძილობა გიშვრება.

II

— ბერა, ბერა!.. საწყალს, რა მაგრა ჰძინავს. ბერა, ჰაი, ბერა! — გაღვიძება დაუწყო დილა ადრინად გიორგიმ, როდესაც მათთან ბრახა-ბრუხით დარაჯნი და უფროსი შემოვიდნენ.

— საცოდავს ძლივას ჩაეძინა განთიადისას და ისევ ჩქარა კი უნდა გამოვალვიძო...

ტუსაღები საჩქაროდ წამოიშალნენ. უარესი ჩხარა-ჩხური ასტყდა ბორკილებისა, რასაც ტუსაღების ხმა-მალღივ ბუზღუნნი და ყაყანი უერთდებოდა.

— გაჩუმდით!..— დაჰყვირა ერთმა დარაჯთაგანმა, რის შემდეგაც სწრაფ სიჩუმე ჩამოვარდა.

— პეტროვ, გალკინ, მამად-ოღლი!.. — ამოიკითხა უფროსმა.

სამი ტუსალი ახლოს მივიდა და იმის წინ თავებ ჩალუნული დადგა.

— გაჩხრიკეთ, — უბრძანა თანამხლებლებს უფროსმა.

საჩქაროდ გააძრეს ტანისამოსი; სულ ერთიანად გაახლოლდნენ და ტანისამოსის ყოველი ნაჭერი გაჩხრიკეს. მერე პირი და ყურებიც კი გაუჩხრიკეს იმ აზრით, ვითომ იქაც შეეძლოთ რისამე დამალვა. თითონ უფროსი სასტიკად ადევნებდა თვალ-ყურს.

— ბერა, გაიღვიძე! — გაბედვით შეარხია გიორგიმ და ხელი გამოსწია.

— რაია, გივარგი?! — გამოღვიძების

უმაღლესი განცვიფრებით დაეკითხა ბერა და
ფეხზე წამოდგა...

— მაგათი ბარგიც გაჩხრიკეთ! — უბძანა
უფროსმა, როდესაც მოჩინენ ტანისამო-
სისა და სხეულის გაჩხრეკას.

— ბერა, ხომ არა გაქვსრა? თუ
გაქვს რამე, დამალე, თორემ წაგართმე-
ვენ.

— რაი უნდა მქონდეს, შენი კვნესა-
მე?! — ნაღვლიანის კილოთი უპასუხა ბე-
რამ.

— როგორც ეტყობათ, დღეს გაგვე-
ზავნიან აქედგან. იმისთვის გეჩხრეკენ, —
ცოტა სიჩუმის შემდეგ ჩაილაპარაკა
გიორგიმ.

— სადღა უნდა გაგვეზავნონ?. უჰუ,
უჰუ! რით ვერ მიველით?..

— უჰ, ჩემო ბერავ, ჯერ შორსა ვართ.
ციმბირამდის ჯერ დიდი გზაა.

— ეჰ, სადაც უნდა გამგზავნონ! მე
ხომ სამი პარასკევი აღარ მიღვეს წინ.

— ბერა, ბერა, გული რისთვის გაგ-
ტეხია?! მე, აი, მეორედ გგზავნიან და
გულს არ ვიტეხ. შენ კი, შვილად შემ-

ფერი, ისე ყმაწვილი ხარ და ეხლავე იმედი დაგიკარგავს!

— რაღა იმედი მექმნების! ნახევარი კაცი დავილიე ამ ორ წელიწადს.

— ობლაიძე, შუბინ, ბუქური! — გამოიძახა უფროსმა ახლა სამი კიდეც. წინანდელები კი თოფებით შეიარაღებულ ჯარის კაცებს გარდასცა. წარუდგნენ უფროსს წინ ბერა, გიორგი და შუბინი.

თანამხლებლებმა უფროსს ბრძანება აღარც კი აცადეს, მაშინვე ჩხრეკა დაუწყეს. ბერას უბიდან ქრელი ცხვირსახოცი ამოაცალეს, რომელშიაც რაღაც ფხვიერი იყო გამოკრული. იქით გადადეს. მთლად გაჩხრიკეს. ისევ ჩააცვეს. ახლა ბარგი უნდა გაესინჯათ. ამ დროს უფროსმა ხელი წამოავლო ბერას ცხვირსახოცს, გამოხსნა და ცნობის მოყვარეობით მზერა დაუწყო.

— ეს რა არის? — ცოტა სიჩუმის შემდეგ დაეკითხა უფროსი ბერას.

— მიწაა!..

— რა მიწა?

— ჩემი ქვეყნის მიწა. ანანურს რომ

ამოვიარე, იქიდან წამოვიღე; ჩემი სოფელი იქავეა.

— მერე რად გინდა!...

— მე, შენი კვნესამე, ამ ქვეყანაში მოვკვდები. გული ამას მეუბნება. მინდა სიკვდილის წინად გულზედ დავიყარო, რომ ჩემი ქვეყნის მიწა თან ჩამყვეს, — ბერამ თითქმის ცრემლ-მორეულმა უბასუხა და ლმოზიერად დაუწყო მზერა უფროსს.

გიორგისაც თვალეზზედ ცრემლები მოადგა, როდესაც უფროსს ბერას სიტყვებს უთარგმნიდა.

— სისულელეა! გიცნობთ, რა შვილებიცა ხართ. თქვენ...

— ნუ იზამ მაგას, შენი კვნესა მე! — შეჰბლავლა ბერამ და სწრაფ უფროსს ხელიდან ცხვირსახოცი მიწით წაჭგლიჯა, როდესაც იმან მიწის გადასაყრელად ხელის გაქნევა დააპირა.

— რაია, შე დალოცვილო, მიწაა სხობო არა არი-რა?! — ევედრებოდა ბერა და თან მიწას გულზედ იკრავდა.

უფროსს არ მოეწონა ბერას ამ გვარი

საქციელი, თვალები აენტო, სახის ძარღვები საშინლად დაეჭიმნენ და ბრაზ-მორეულობა იქეჭა:

— ეხლავ გადაყარე!

ყველა იქ მყოფთ ყურადღება მიიქცია უფროსის გრგვინვამ. ყველამ სული გაკმინდა და ცნობის-მოყვარეობით თვალების ცეცება დაიწყო.

— ლომისის მადლობა, მიწაა!..

— გადაყარე, მეთქი! — უფრო მკვახედ დაუყვირა.

უფროსის მეორე დაყვირებაზე მხლებლები მისცვივდნენ ბერას; უნდოდათ ცხვირსახოცი წაერთმიათ, მაგრამ უფროსმა შეაყენა.

— თავი დაანებეთ!.. ეგ ეხლავე წამოაქციეთ და იმდენი ურტყით წკებლები, რომ თითონვე გეხვეწებოდეთ გადაყარას.

გიორგის ტანში ჟრუანტელმა დაურბინა. კარგად იცოდა გიორგიმ, თუ რას ჰნიშნავდა გაწკებლვა და მისთვის ხმის კანკალით შეევედრა ბერას:

— ბერა, ბერა, თავს ნუ იკლავ!...
 მიაშავე და მორჩი!...

— გივარგი...

სიტყვის გათავება აღარ დააცადეს. ბერა საჩქაროდ წამოაპირქვავეს: თავი და ფეხები ოთხმა კაცმა დაუჭირა, ორმა კი რიგ-რიგობით რაც ძალი და ღონე ჰქონდათ კარგა მოზრდილ გრძელ წკებლების კონებით ცემა დაუწყეს.

პირველ დარტყმაზედ ბერამ შეჰკივლა; მერე კი მხოლოდ გმინავდა, ვიდრემდის ხმა სულ არ მიუწყდა.

მთლად დაეფლითა რბილი ნაწილი, წკებლებს ხორცი თან ასდევდა. სისხლი კი სჩქეფდა და სწუწავდა ახლო მყოფთ, რამდენიმე წვეთი უფროსსაც მ ხვდა...

„უ! უ! უ!“ — გუგუნებდა ტუსაღთა ბრბო და ტალღად იწევდა წინ, მაგრამ შეიარაღებული დარაჯნი მკაცრად არღვევდნენ ტუსაღთა ტალღას...

ბერას ხმა მისწყდა. ლეშად-ლა ეგდო ბერა.

— მოკვდა, მოკვდა! — სასოწარკვეთილებით გაიძახდა გიორგი და ცრემლად-

ლა იღვრებოდა, რადგანაც მეტი აღარა შეეძლო-რა.

— კიდევ რო არ უშვებს!—გაკვირვებით წამოიძახეს მხლებელთ, როდესაც გონება მიხდილი ბერა გადმოაბრუნეს და ხელსახოცის განთავისუფლება დაიწყეს.

— ამისთვის რასა ჰკლავთ?! აჰა!— გიორგი მიჰვარდა ამ სიტყვებით, საჩქაროდ გახია ცხვირსახოცი და სულ ერთიანად გულზე დაუბნია მიწა.

— ყოჩაღ, ბუქური!— მოუწონა უფროსმა, რომ მისი სურვილი ამან მოიყვანა აღსრულებაში.

„უ!.. უუ!.. უუ!“— გმინავდა მაინც ტუსაღთა ბრბო.

— ვინც ურჩობას გამოიჩინს, ამ დღეს დავმართებთ!— მრისხანედ მიჰმართა ტუსაღებს უფროსმა.

„უუ!... უუ!“— უფრო უარესად წაიგმინეს ტუსაღებმა.

— ეს კი ცალკე ოთახში გაიტანეთ, მერე გაფხრიკოთ დანარჩენები.

— მეც ამასთან მომათავსეთ, შენი კვნესაზე, იქნება მობრუნდეს, მოვეხმარები...

— კარგი!.. ესეც იქ შეიყვანეთ!—
 უბრძანა დარაჯებს გიორგიზედ თითის
 მიშვერით და გარედ გავიდა...

III

— ბუქური; გონს არ მოსულა?— შე-
 მოალო თუ არა კარი, დაეკითხა დაბალის
 ხმით უფროსი და იქავე კარებთან შედგა,
 რადგანაც ოთახის სიპატარაის გამო
 ადგილი აღარ იყო წინ წამდგარიყო.

— თქვენ ჰბძანდებით?!— განცვიფრე-
 ბით დაეკითხა ბუქური, რადგანაც სრუ-
 ლებით არ მოელოდა უფროსის შემოს
 ვლას.

, ამ ერთი საათის წინად უწყალოდ
 გააწკებლინა — უეცრივ გაურბინა თავში
 გიორგის— და ეხლა კი კითხულობს: „გონს
 არ მოსულაო? თუ შეინანა?!“

— როგორ არის? - ჰკითხა ხელმეორედ
 უფროსმა, რაკი პირდაპირი პასუხი ვერ
 მიიღო.

— ჯერ გონება არ დაჰბრუნებია. უაზ-
 როდ რაღაც სიტყვებს გაიძახის.

— აბა, რა კარგია სიჯიუტის გამოჩე-

ნა?! ერთი მუქა მიწისთვის რაზე იკლავდა თავს?—იმ კილოთი უთხრა უფროსმა, თითქოს გამართლებას სთხოვს გიორგისო.

— ეჰ, შე დალოცვილო...

— უუ!... ჰ! ჰ!...—უეცრივ წამოიკვნესა ბერამ და ქვითინი მოართო...

— ბერა, ბერა, რა გატირებს?!—მაშინვე მიუჯდა გვერდით გიორგი და ჩაეკითხა.

— წაიღეს, წაიღეს?!—ქვითინებდა ბერა და თან ცალიერა ცხვირსახოცს ჰფლეთდა.

— ბერა!...

— გივარგი, რად მიეცი, რადა?—მოკრიალებული თვალები მიაშტერა გიორგის და, თუ კი რამ-ღა შეეძლო, მაგრად დაუჭირა ხელები.

— ბედ-შავო, როგორ დავანებებდი?!

— მაშ რა უყავი?

— გულზედ გაყრია!

— ჰა?!—სწრაფ ხელი გულზედ მოისო ბერამ, უბეში ჩაიყო და მიწა შეაგროვა.

— გივარგი! — აღტაცებით წამოიკვნესა და გიორგის ხელს დაეკონა.



— რაღა ტიროდა?— შეეკითხა უფროსი, როდესაც ბერამ თვალეზი მილულა.

— მიწა მოიკითხა.

— მიწაა?! შემოვატანინებ; უთხარით, ის მიწაა-თქო.

— არას უშველის. ეხლა აღარ უნდა.

— რო კიდევ მოიკითხოს?

— აღარ მოიკითხავს? იპოვა მიწა.

— როგორ?...

— წელან გულში ჩავუბნიე. ამის სურვილი ავასრულე. მეტიც არა უნდოდა-რა.

— მერე მაგან რა გაიგო? უგონოდ იყო.

— ეხლა ვუთხარი და ამისთვის დამწვიდდა.

— ბუქური, შენ ეშმაკი კაცი ჰყოფილხარ. მეგონა, ჩემი სურვილი შეასრულე, თურმე მაგისი შეგისრულებია.

— ორივესი. ეგრე რომ არ მექნა, მომაკვდავს კიდევ დასტანჯავდით.

— ჰაა, ბუქური ექიმისთვის გავგზავნი, იქნება მოსულიერდეს!

— არა, არა, შენი კვნესამე, ტყუილად

დასტანჯავს. ამას სააქაოს პირი აღარ უჩანს. აბა, ამას დაჰხედე! — გიორგიმ ამ სიტყვებით კარგა ბლომად ნახველში შე-
რეულ სისხლზედ მიუთითა.

— ეგ რა არის?

— ნახველი!

— ეხლა მოუვიდა? — განცვიფრებით ჰკითხა უფროსმა და განცვიფრებითვე განაგრძო კითხვა: — გულში ხომ არავის უცემია?

— არა, ეს კარგა ხანია სისხლს იღებს.

— საწყალი, ქლექი ყოფილა!.. მერე რა ახალგაზდაა!.

— ახალგაზდაა, საწყალი!...

— ეხლავ, ეხლავ წამოვალ!... თვალე მბილულულმა წაილაპარაკა.

— რას ამბობს?

— ბოდავს თავისთვის.

— მაშ, საწყალი, ჩქარა მოკვდებოდა, თუ ქლექია?

— ორი პარასკევი აღარ ედო წინ.

— საწყალი! რო მცოდნოდა, არ ვაცემინებდი... რძეს გამოგიგზავნი, დააღე-
ვინე.

— კარგი იქნება.

— მაშ ნახვამდის, რძე თუ შინ არა მაქვს, მოვატანიანებ და ჩქარა შემოგიგზავნი.

— ეგრე.

უფროსმა კარი გაიხურა; გიორგი კედელს მიეყუდა და უმწეოდ მხერა დაუწყობ ბერას, რომელსაც ტუჩები ხან ღიმილად ეშლებოდნენ და ხან კიდევ მრისხანედ ეკუმვოდნენ...

— გივარგი, ჰხედავ მამა-ჩემს?!

— მამა-შენს აქ რა უნდა? უფროსი იდგა ეხლა და წავიდა.

— ეეეჰ! მამა-ჩემს ვერა ვცნობ, თუ?! მიდის!.. მამი! — სასოწარკვეთილებით წაიკვნესა და თვალები ისევ მილულა.

გიორგიმ პირი მოარიდა და უჩუმრად ცრემლები ცერა თითით მოიწმინდა...

— ბერა, ბერა, საით მიექანები?

— აუუ, შენი კვნესამე, საიდან გამომეცხადე?! რამდენი ხანია, გოგოვ, დაგეძებ და ეხლა კი მოულოდნელად წინ დამხვდი!

— რაისთვის დაგჭირვებივარ, რო და-
მეძებ?!

— თინავ, თინავ, ლამის არის დავი-
ლიო, და შენ კი მკითხავ, „რაისთვის
დაგჭირვებივარო“.

— ხა, ხა, ხა, ბერა, ეგ რა გაცვია?!

— ეს, რაი ვიცი, მგონი, სამგზავროა,
აი თანა მაქვს ტანისამოსი. შენთვინაცაა.
აი, ბოხჩაში გამოკრულია... შენ აქ ჩაი-
ცივი; მე კი არაგვზედ ჩავალ, ვიბანავებ,
თორემ ნამგზავრი ვარ, მტვერითა და
ვაი-ვაგლახით გაგუნგლული...

— ჩემო ბერა, რა მშვენიერი ხარ მაგ
ტანისამოსში!.. მე როგორღა მიხდება
შენი მოტანილი კაბა?.

— დახატული ხარ, თინავ, დახა-
ტული!... აი, მზე როგორ შეგედრე-
ბის!

— უი, ბერა, ცხორი დამრჩება გადმო-
სალალი!

— საითაა შენი ცხორი?...

— აიმ მთის იქით!

— ჩემი ცხორიც იქით იქნების, წავი-
დეთ.

— ბერა, 'შავი ხილი არ გინდა? აჲ, ქამე!

— შენი ხელით მოწყვეტილი შხამიც მიამების! რატომ არ მინდა?

— მოიცა, მოიცა, შენი ხელები უკან წაიღე. პირი დააღე, ჩემი ხელით გაქმევ!

— თინავ, შენი თოლები მწვავენ. შავ ხილზედ უშავესნი არიან შენი თოლები.

— ბერა, გაჩუმდი, თორა აღარ გაქმევ!. ჰა, თითი არ მამკენიტო!.

— ქალავ, ნუ მაცინებ?!

— უი!.. ეს რააა?!

— ქალავ, რამ შეგაშინა?!. მამეკარ, მამეკარ, ნუ გეშინიან?! რანაირად თრთი?!

— გავიქცეთ, ბერა, გავიქცეთ!... აგერ ჩვენკენ მოქშუის...

— სადაა?

— აგერ!

— უჰ, წმიდა გივარგი, შენ დაგვიფარე!.. შევედრე, თინავ, შევედრე წმიდა გივარგის!...

— ბერა, რა არის?

— გველაშაპია!..

— ლომისავ!...

— ლომისავ!..

— თინავ, მივეგებნეთ, მივეგებნეთ!..
 აი, იხაროს შენმა მარჯვენამ!..

— ბერა, წმიდა გივარგია, რა მარჯვედ
 ჰკრა გულში...

— უჰ, რა სისხლის ღვარი მიდის!..

— გავიქცეთ!..

— წმიდა გივარგი, ნება გვიბოძე, შენ
 ფეხთა მტვერს ვემთხვიოთ!..

— ადექით, ადექით, შეიღებო, აგერ
 იმან გამოგზავნა! წავიდეთ იმასთან.

— დედა ღვთისაა, თინავ!...

— ის გაკურთხებთ!.. მუქაში რა გაქვს,
 ბერა?

— მიწა!.. მამა-პაპის საფლავის მიწა.
 დედა ჩემს მოვატანინე.

— გაუფრთხილდი, გაუფრთხილდი, წა-
 ვიდეთ!..

— რა მემართება?!.. თინავ!.. გული
 მინათლდება!.. უჰ, რა ბრწყინვალეებაა?!.
 აღარას ვხედავ!.. ბრწყინვალეება, ბრწყინ-
 ვალეება! თინავ, შენც ბრწყინვალეებაში
 იბნევი? სადა ხარ? ველარა ვხედავ,
 სადა ხარ? ჩემ თავსაც ველარა ვხედავ,

აღარა ვგრძნობ თავს!.. ვიზნევი ბრწყინ-
ვალებაში? ჰაააჰა?!.

— ეს რძე უფროსმა გამოგზავნა და
შემოგიტვალა: დააღვივინე, და მეც ჩქარა
მოვალო! — კარები შემოაღო თუ არა
დარაჯმა უთხრა დაპირქვავებულ გიორგის
და ტოლჩით რძე გაუწოდა.

ამ სიტყვების გაგონებაზედ გიორგი
შმაგივით წამოვარდა, თვალები მიანათა
დარაჯს; წამს უნდოდა მიჰვარდნოდა და
მიეღრჩო დარაჯი, მაგრამ უეცრივ სხეუ-
ლი მოუდუნდა, ისევ ბერას უსულო გვამს
დაემხო და ხმა-მალლივ ქვითინი დაიწყო.

„ჩემი სამოგბლო ჩემი ბულია!...“

I

— ააა, რას მივაწეროთ, ზდის, რომ მოგგონებივარ?! — გაკვირვებით შევეკითხე ზდისლავ პშივალსკის, როდესაც იმან კარი შემოაღო.

მე და პშივალსკი რუსეთში სწავლის დროს პირველ კურსზედვე დავმეგობრდით, და ჩვენ დამოკიდულებას სწავლის გათავებამდის ერთხელაც ფერი არ უცკლია. ერთმანეთის აზრი, სული და გული კარგად გვქონდა აწონილ-დაწონილი და თითქმის, ოთხი წლის განმავლობაში, სულ ერთად ვიყავით, ერთადვე ვმეცადინობდით და ჩვენს საიდუმლოს უტყუვრად ერთმანეთს ვუზიარებდით...

ექვსმა თვემ განვლო, რაც მე და პშივალსკი გავშორდით სწავლის დამთავრების შემდეგ. ჩვენ ერთმანეთისა აღარ ვიცოდითრა. მე ტფილისში ვიყავი, ის კი, არ ვიცოდი, იმავე ქალაქში დარჩა თუ

გაემგზავრა საითმე. ვფიქრობდი კია, რომ იქავე უნდა დარჩენილიყო. ყოველ დღე წერილის მიწერას ვაპირობდი, მაგრამ დღეს-ხვალიაობით ექვსმა თვემ გაირბინა, და მე კი ერთი წერილიც ვერ მივწერე.

ექვსი თვის შემდეგ ქუჩაში უეცრივ სისინი შემომესმა დაძახების ნიშნად. თუმცა დარწმუნებული ვიყავი, მე არავინ დამიძახებდა, მაინც უნებურად მივიხედე და ჩემ თვალს არ დავუჯერე: ზღისი მოეჩქარებოდა ჩემკენ. სიხარულით გადავკოცნეთ ერთმანეთი. თითქმის ისევ ძველებური მეგობრობა დამყარდა ჩვენ შორის. თითქმის ყოველ დღე ვხვდებოდით. ხან ის იყო ჩემთან, ხან კიდევ მე მივიდოდი იმასთან. ერთად დავიარებოდით, ვშინჯავდით ყოველივეს, რაც კი საყურადღებო იყო ტფილისში. რასაკვირველია, მე ვწინამძღვრობდი, ვუამბობდი წარსულს, აწმყოს ამა თუ იმ საგნის შესახებ. ყველაფერს გაფაციცებით ათვალთვრებდა და დიდის აღტაცებით მისმენდა...

ერთი წლის განმავლობაში თითქმის ყოველ დღე ვხვდებოდით და ხშირად

სული და გული ერთმანეთისათვის გადა-
გვიშლია.

ზღისი მოხდენილი ვაჟ-კაცი იყო, კარ-
გი მოსაუბრე, და, რასაკვირველია, ვი-
საც კი გავაცანი, ყველაზედ, ნამეტნავად
ქალებზედ, სასურველი შთაბეჭდილება
მოახდინა. როგორც ქინკლა ზაფხულის
ღამეს სანთლის შუქს, ისე ეხვევოდნენ
ქალები. ჩვენმა ქალებმა რომელიმე ყმაწ-
ვილისა „მოდაში“ იციან შემოღება. ყვე-
ლანი იმაზედ ლაპარაკობენ, ყველანი
ცდილობენ იმასთან იბაასონ, იმასთან
ერთად დრო გაატარონ და...—ზღისიც
„მოდაში“ იყო ამ ერთ წელიწადს...

— იცი, ჩემო მეგობარო, — დაიწყო
ერთ საღამოს ამ ტაციობის შემდეგ:
„უბედური ადამიანი ხარ!“

— რაო?!—განცვიფრებით შევეკითხე
და თვალები მივაცეცე.

— უბედური ხარ, მეთქი!..—გაიმეორა
და ოთახში სიარული დაიწყო.

— სრულებითაც არა ვთვლი ჩემ თავს
უბედურად!.. მე... ჩემ სამშობლოში ვარ
და ამით ვარ ბედნიერი!—ცოტა არ

იყოს წყრომით ვუბასუხე და პირი მო-
ვარიდე.

— კიდევაც მაგისტვის ხარ უბედუ-
რი!.. — ჩემდა საუბედუროდ კიდევ ახსენა
სიტყვა „უბედური.“

— რატომ ყვავივით დამჩხავი?!. გთხოვ,
აღარ ახსენო ეგ სიტყვები! .— ეხლა კი
მთლად მოთმინებიდგან გამოსულმა ხმა-
მალლა წამოვილაპარაკე და სიარული
დავიწყე.

— ჩემო მეგობარო, ჩემო გაბრო!—
შემომეხმაურა ზღისი და წინ დამიდ-
გა: განა შენ გასაჯავრებლად გეუბ-
ნები: „უბედური ხარ.“ დაკვირვება
მაიძულებს ეს გითხრა. აგერ ერთი
წელიწადია შენთან ერთად ქართველ
საზოგადოებაში ვტრიალებ და, მგო-
ნი, საკმარისია ჩემი შეხედულება ვი-
ქონიო?!. .

— მერე მაგის წინააღმდეგი ვინ არის?

— შენი წყრომა.

— „ყვავსავით ნუ დამჩხავი!!!“ — ამას
გეუბნები მხოლოდ.

— ყვავობისაგან ღმერთმა დამიფაროს!..

ცოტა მომისმინე და შემდეგ გინდა ყალ-
ბზე შედექი.

— ცოტათი კი არა, გინდა მთლად
სმენად გარდვიქმნები. დაიწყე!

— მასხრობაც დაიწყე, მაგრამ მაინც
გეტყვი!

— გისმენ.

— ბედნიერად გთვლიდი იქ, როდეს
შენს ალტაცებულ სიტყვებს შენი ერის
შესახებ ვისმენდი და ვუმზერდი ამავე
დროს შენს თვალებს. ვთვლიდი ბედნიე-
რად იმ ერსაც, რომელსაც შენ
ეკუთვნიდი. დღეს კი, სამწუხაროდ, ძა-
ლა-უნებურად წინააღმდეგი უნდა გითხრა.
რა უნდა გაარიგოს ადამიანმა იმ ერში,
რომელსაც ჯერაც არ შეუგვნია ის უბრა-
ლო ქეშმარიტება, რომ თავის დედა-ენით
უნდა ილაპარაკონ, უნდა...

— ეგ შეუგნებლობით სრულებითაც
არ ემართებათ! — შევაწყვეტინე ბაასი: —
შეგნება კი აქვთ, მაგრამ გარემოების ბრა-
ლია, არ ეხერხებათ, რადგანაც სასწავ-
ლებლებიდან თითქმის განდევნილია ჩვე-
ნი ენა... სკოლები კი...

— ვიცი, ვიცი, რაც გინა სთქვა!..
ოჯახები ვილას ხელშია?!.. იქიდან ვილამ
გასდევნა?..

— არავის გაუდევნია და ლაპარაკობენ
კიდევაც.

— გაბრო, რას მოასწავებს შენგნით
განგებ თვალებისა და ყურთა დახშობა?!.
ან რა გაიძულებს ჩემთან სიტყვის გადა-
ბრუნებას?! ვინ ეცმის ხოლმე ჯვარზე
თითქმის ყოველ ნაცნობის ოჯახში ენის
შესახებ?! მე, თუ შენ და რამდენიმე შენი
მეგობარი?. ენა ვის გაჰხდომია ერთად
ერთ სალაპარაკო საგნად ნაცნობებთან?.
და ეხლა კი იძახი: „ლაპარაკობენო“. რომ
ლაპარაკობდნენ, მაშ რაღა ტყუილად
თავს იხეთქავთ ენის შესახებ ბაასით?

— ეგ სულ მცირედი ნაწილია ჩვენი
ერისა, და მაშასადამე ერზედ აქ ლაპარაკი
არ შეიძლება.

— ეგ მცირე ნაწილი, ჩემო გაბრო,
განათლებული ნაწილია. თუ ყველა უმაღ-
ლეს სასწავლებელში არ ყოფილა, სა-
შუალოში, დაბალში მაინც ყოფილა.
ერთი სიტყვით, ვისაც ეს ცოტა რამ

სწავლა მიუღია და ნასწავლ საზოგადოე-
ბაში გარეულა, ყველას დედა ენაზედ ხე-
ლი აუღია. კარგა იცი, შენი ერი ეხლა
 სწავლა-განათლებას ძალიან ეტანება. მო-
 სალოდნელია, უმრავლესობა შენი ერისა
 ისწავლის, და სწავლა კი, როგორც ჰხე-
 დავ, უკულმა მოქმედობს შენს მოძმეებზე.
 მაშინ მცირედი ნაწლი ლა დაგრჩება დე-
და ენაზედ მოსაუბრე...

— ის ერი, რომელსაც წარსული დი-
 დებული აქვს, რომელსაც თავისი ლიტე-
 რატურა აქვს, არ მოისპობა! — გაბრაზე-
 ბულმა კიდევ შევაწყვეტინე სიტყვა და
 აჩქარებულის ნაბიჯით დავიწყე სიარული
 ოთახში.

— თუ წამკითხველი არა ჰყავს, თუ
 ხელის შემწყობი არა ჰყავს ლიტერატუ-
 რას, მალე მოისპობა. ორ მილიონამდის
 ხართ და ორი მილიონი რვაასიდან ათას
 ხუთასამდის მკითხველს იძლევა. ნუ თუ
 მართლა წერა-კითხვის მცოდნე ათას ხუთ-
 ასზე მეტი არა გყავთ? არა, ბევრია
 მცოდნე, მაგრამ სულ მცირედი-ლა ეტა-
ნება თქვენ ჟურნალ-გაზეთობას. ისიც,

მგონი, მომეტებული ნაწილი ამათგან
ძალდატანებით ხელის მომწერია. მე დარწ-
 მუნებული ვარ, რადგანაც ბევრჯელ
 მქონია შემთხვევა თვალ ყური მედევნე-
 ბინა, ვინც იწერს, არა კითხულობს და
 არც სურვილი აქვს წაიკითხოს. რაა ამის
 მიზეზი?! თუ შენ გეძნელება ამის თქმა,
 მევე გიპასუხებ. თქვენ ჯერ ეროვნული
თვით-შეგნება არა გაქვთ...

ვგრძნობდი მის სიმართლეს; ყოველი
 მისი სიტყვა გულს მისერავდა, მაგრამ მე
 მაინც ვცდილობდი როგორმე გამექარ-
 წყლებინა...

— იცი, გაბრო, ერთად-ერთი თანა-
 მგრძნობელი გყავს, შენი აზრები მოს-
 წონს. ეს — მართლა. მართლა, რა კარგი
 ადამიანია!... — უეცრივ შეცვალა ლაპა-
 რაკის კილო და მეგობრულად ხელი გა-
 დამხვია.

თავისუფლად ამოვისუნთქე. გამეხარდა
 ლაპარაკის კილოს შეცვლა. თვით მე
 ბევრჯელ მიფიქრია ამ საგნის შესახებ და
 ყოველთვის სახე დამღრეჯია, მწარე ფიქ-
 რები მომწოლია მომავლის შესახებ. გა-

დავწყვიტე მომავალზედ აღარ მეფიქრნა და მხოლოდ აწმყოში ოდნავ მბეჭუტავ ცეცხლის აღით გული მომეთბო და შეძლებისა და კვალად მეკეთებინა რამ მომავლის ასაცდენად.

ზდისის მართალმა სიტყვებმა სუნთქვა შემიყენეს, და არ ვიცი, რითი გათავდებოდა ჩემი და მისი დამოკიდულება, რომ ლაპარაკის კილო არ გამოეცვალა.

— მართალი ხარ, ჩემო ზდის, მარო კარგი ადამიანია. ნამდვილი ქართველი ქალის ტიპია. — გაბრწყინვებულმა ვუბასუხე და პირდაპირ თვალებში მხერა დავუწყე.

— მგონი, არც მაროსა აქვს ეროვნული თვით-შეგნება!

— არა, ზდის, მაროს კი ცილსა სწამებ!!

— ნეტა არ იქნება! მაგრამ აი რას გეტყვი. მარო მხურვალე მიმდევარია ეროვნულის საქმეებისა მხოლოდ იმისთვის, რომ შენ ხარ მიმდევარი. შენ კი, როგორღასაც ვატყობ, მოსწონხარ მაროს.

— ერიჰააა, ეხლა კი სინამდვილეს ძალიან შორს გაუსხლტი, ჩემო ზდის!..

ამ ბაასის შემდეგ ზდისი დავკარგე. რამდენჯერმე მივედი იმასთან, მაგრამ შინ არ დამიხვდა. ის კიდევ ჩემთან აღარ მოდიოდა. ერთი ორჯელ ქუჩაში შევხვდი. შევეკითხე: „რატომ მოსპე სიარული?“ „საქმეები მაქვს, საქმეებიო“ — მიპასუხა მოკლედ და გამშორდა. რა გაეწყობოდა. ძალა-უნებურად შევწყვიტე ზდისთან მეგობრობა და ჩქარა სულ გადამავიწყდა..

რასაკვირველია, გავცვიფრდი, როდესაც ერთი წლის შემდეგ ზდისი შემოვიდა ჩემთან.

— რა ვიცი, რას უნდა მიაწერო!.. — მიპასუხა მოკლედ და მოწყვეტით სავარძელზედ დაეშო.

ლოდნა დავუწყე, რას მეტყოდა, რადგანაც ჩემ კითხვაზედ პირდაპირ არ მიპასუხა.

ზდისმა კი რამდენჯერმე შუბლზე ხელი გადისო, ერთი ორჯელ ღრმად ამოიოხრა და უცნაურად ბორგვა დაიწყო...

— გაბრო! — კარგა ბორგვის შემდეგ

წამოდგა და ხელი დამიჭირა:—პატარა გავიაროთ, აქ ჰაერი არ მყოფნის!..

ცოტა არ იყოს, ზდისის უკანასკნელმა საქციელმა მაწყენინა და ჩემდა უნებურად გამაფიქრებინა; „გაჰქირებია რამ და ამისთვის მოუნახივარ, თორემ რატომ ამ ერთი წლის განმავლობაში, თუ კი მეგობრად მთვლიდა, ერთხელ მაინც არ მიკითხა!?“ მინდოდა უარი მეთქვა, მაგრამ მისმა ბორგვამ გამაბედვინა და ცოტა ყოყმანის შემდეგ ვუპასუხე:

— კარგი, გავიაროთ!...

II

ქალაქის განაპირას ვცხოვრობდი და ჩემი გასართობი იქავე ახლოს სასაფლაო იყო. ხშირად, ხშირად, თუ კი ამინდი ხელს მიწყობდა, იქ ვათენებდი ღამეს და იქ ვეძებდი სულის სიმშვიდეს. ასეც იქმნება. მხოლოდ იქ ვპოვებ სიმშვიდეს, საუკუნო სიმშვიდეს.

მე და ზდისს ბევრჯელ გაგვივლია იქით და ეხლაც სახლიდან გამოსვლის უმაღლეს ორივემ პირი იქით ვიბრუნეთ.

გაჩუმებულები მივდიოდით. ის არ ვი-
ცი, რაზედ ფიქრობდა; მე კი თვალს
ვადევნებდი ჩამავალ მზის სხივებს, თუ
იგინი როგორ ეალერსებოდნენ არე-მა-
რეს, როგორ ენანებოდათ მასთან დაშო-
რება...

ჩქარა დავიწყებულ სასაფლაოს ავუ-
დექით... მინგრეულ-მონგრეული საფლა-
ვები, ზოგან კიდევ გადათხრილი, აქა-იქა
მიყრილ-მოყრილი საფლავის ქვები სახი-
ფათოდ ჰხდიდნენ სასაფლაოზედ სიარულს.
სასაფლაოს გვერდით გავუარეთ და ხევის
პირას მდგომ ხისკენ, რომლის ქვე-
შაც ერთი საფლავის ქვა მოჩანდა, წა-
ვედით.

ზღისი ჩამოჯდა საფლავის ქვაზედ, მე
კი იმის ახლოს მხარ-თეძოზე მწვანეზე
წამოვწექი და პირდაპირ ხევის მეორე
ნაპირას დაბინავებულ, საზაფხულოდ მთე-
ბისკენ მიმავალ თათრის ოჯახობას და-
ვუწყე მზერა.

ურმები, საქონელი, ძაღლები, ადამიანი
ორივე სქესისა სხვა-და-სხვა ფერად ტა-
ნისამოსით არეულიყვნენ ერთმანეთში და

ფუთფუთებდნენ; მოისმოდა ყმუილი, ბლავილი, ყეფა, ყვირილი...

სულ მიმავიწყდა ზღისი. დამავიწყდა, რომ ზღისმა წამომიყვანა აქ, და რაღაც უნდა ეთქვა ჩემთვის.

მთლად ჩამნთქა უბრალო, შეუხამებელმა ცხოვრებამ, ფრინველსავით ზამთარ-ზაფხულ შესათერ ჰავის მაძიებელთა ცხოვრებამ.

„ვინ იცის“, ვფიქრობდი ამ დროს: „რამდენი ვაი-ვაგლახი ატყდებათ თავს, რა ნაირად სჯის ბუნება ამ ბუნების შვილთ, მაგრამ, ვეგონებ, ბედის ისე მომდურავი არავინ იქნება მათგან, როგორც ჩვენ, ვითომ და უკეთეს პირობებში ჩაყენებულები, რთული ცხოვრების შვილნი... მცირე ოდენ შეფერხებას სასოწარკვეთილებამდის მივყევართ, სასოებას ვკარგავთ, და ესენი კი სიკვდილსაცა და სიცოცხლესაც სიხარულით ეგებებიან. ჩვენ წყვილიაღში დავფათურობთ, დავეძებთ, მაგრამ რას? არ ვიცით. ესენი კი გარკვეული გზით მიდიან და იციან კიდევაც საით...“ მაგრამ ამ დროს უნებუ-

რად მიიქცია ჩემი ყურადღება ჩარჩების, მერძვევების და სხვა ქალაქის მცხოვრებთ ქალთა თუ მამაკაცთა ტაციობამ, რომელნიც ამათ შორის ირეოდნენ და ყიდულობდნენ ყველს, ქათამს, რძეს, კერცხებს და სხვა ნაწარმოებს, და უეცრივ გულს ჩამწყდა. „ჩაითრევენ, ჩაითრევენ ამათაც წყვილიადში, და ესენიც ჩვენსავით ხელების ფათურს დაიწყებენ. ამათი მომავალიც ისევ ის...“ ველარ დავათავე, თვალები მაგრად მოვიფშვნიტე, თავი გავიქნიე, რომ იქიდან იმათ ხვედრზედ წარმოდგენა გამომედგენა, და ზდისს მივხედე, რომელიც ისევ ერთ წერტილს მიჰჩერებოდა...

— ზდის, რატომ მაგრე საიდუმლოების ბურუსში გაჰხვეულებარ და არას იტყვი?!..— დავეკითხე, რაკი ზდისი დავინახე, მომაგონდა მისი აღელვება და აქეთ წამოსვლის მიზეზი.

— რა საიდუმლოების ბურუსში?! ისე!— ხელები გაასავსავა ჩემ შეკითხვაზედ და დაბნევით მიპასუხა.

— ხომ სიყვარულის ბადეში არ გაები?!



— ვინ გითხრა?!— გაოცებით დამე-
კითხა.

— ვის უნდა ეთქვა?!. შენი გამომეტ-
ყველება მეუბნება.

— ვითომ რაზედ მატყობ?!.

— ისე ხარ გაბუებული, რომ ძალა-
უნებურად ეგ უნდა ვიფიქროთ.

— როგორღა ისე? მგონი ჩვეულებრი-
ვად ვარ!

— ინდოურსავით გაბუება — ჩვეულებ-
რივი მოვლენაა შეყვარებულთათვის.

— დაგლახვრა ღმერთმა; რაღა ინდოუ-
რებს შეადარე შეყვარებულები! — ღიმი-
ლით შემომეხმაურა.

— მე კი არ შევადარე, თითონ ედრე-
ბიან.

— იმის დასამტკიცებლად, რომ შენ
ჰსცდები, ეხლავე გეტყვი, რისთვისაც
მოვედი შენთან.

— ვნახოთ.

— ხვალ სამშობლოში მივდივარ.

— დროებით?!.

— არა, სამუდამოდ.

— ჩემ მოსაზრებას უფრო ამტკიცებ.

— სრულებითაც არა.

— როგორ თუ არა? ეგ მოვლენა უნდა გახარებდეს და არ გალონებდეს. შენ კი...

— სულ სხვა აღელვება მეტყობა, არა?..

— დიალ, უთუოდ გული აქა გრჩება!

— თუ არას მათქმევეინებ, როგორ გაგაგებინო ჩემი აღელვების მიზეზი.

— მაშ გისმენ.

— ეს ერთი წელიწადია, — დაიწყო ზდისმა, რაც ჩვენ, არ ვიცი რად, ერთმანეთთან სიარული მოვსპეტ. ეხლა კი, როცა გამიჭირდა, შენთან მოველი, და იე ეს გარემოება მალელვებდა?..

— მერე რა გაგიჭირდა?!

— საგზაო.

— ხა, ხა, ხა!.. — გულიანად გადვიხარხარე და ხარხარითვე განვაგრძე: არა, ჩემო კარგო, საგზაო მაგრე არ აგაღელვებდა! ცოტათი მაინც სცრუობ.

— მართალს გეუბნები და ეხლა, შენიცი — გამიმართავ ხელს თუ არა?! ხვალ კი უეჭველად უნდა გავიდე, — ცოტა დარცხვენით მიპასუხა და თვალი ცის სივრცეს გააყოლა.

უკვე დაღამებული იყო. ცა ციავი ვარსკვლავებით მობნეულიყო და ქალაქს ადევნებდა თვალ-ყურს, რომელიც თითქოს ეხლა იწყობს ცხოვრებასო, ისე ხმაურობდა. ჩვენ პირდაპირ ბინები ღრმა ძილს მისცემოდნენ და მხოლოდ დრო-გამოშვებით ძაღლის ყეფა-ლა გამოისმოდა იქიდან.

— ხელს გაგიმართავ, მაგრამ სცრუობ კი!..

III

სწორედ ერთი თვის შემდეგ, რაც მე და ზდისი უკანასკნელად ერთმანეთს გავშორდით, ფოსტიდამ ფულის შესახებ უწყება მომივიდა. თუმცა სულ გადავიწყებული მქონდა ეს გარემოება, მაშინვე მივხვდი, ვისი გამოგზავნილიც იქმნებოდა, რადგანაც უწყებაში აღნიშნული რაოდენობა ფულისა ეთანხმებოდა, რამდენიც ზდისს მივეცი საგზაოდ.

ბევრი ვაი-ვაგლახის შემდეგ ძლივს მივიღე ფულით წერილი და იქვე გავხსენი. ხელში ბლომად მომხვდა წერილის ფურც-

ლები და მაშინვე წერილის კითხვა და-
ვიწყე. „უკაცრავად, ძვირფასო მეგობარო გაბრო, რომ ფულის გამოგზავნა დაგიგვიანე“, — ასე იწყებდა ზდისი წე-
რილს: — „მართალია, მეორე დღესვე შემეძ-
ლო ფულის უკან დაბრუნება, მაგრამ არ
დაგიბრუნე, რადგანაც არ მინდოდა ისე
სწრაფად სიცრუე გამოემქლავნებინა...
„ხელს კი, — თუ გახსოვს შენი სიტყვე-
ბი, — გაგიმართავე, მაგრამ სცრუობ კი“,
მითხარი, როდესაც გემშვიდობებოდი.
მართალიც იყავი. როდესაც შენთან წა-
მოველ, სრულგებით ფული არ გამხსენე-
ბია. არც მიჭირდა. ფული ბლომად მქო-
ნდა. სულ სხვა განზრახვით მოვედი შენ-
თან და ფულზედ კი მოვჩმახე. რა იყო
მიზეზი?... რა ვიცი. მგონია კი, ისევ ის,
რის თქმაც მინდოდა შენთვის. მაშინ ძა-
ლიან აღელვებული ვიყავი და უთუოდ
ამან შემეშალა ხელი. ეხლა კი, ცოტა
არ იყოს, დამშვიდებული ვარ, სულ სხვა
გარემოებაში ვარ და თავისუფლად შე-
მიძლიან მოგიტხრო ყველაფერი, თუმ-
ცა სასიამოვნო იქმნებოდა ჩემთვის ამ

წუთას ჩვენ შუამავლობას ქალღმერთი არ გვიწევდეს...

„უეჭველია, გაგიკვირდებოდა ჩემი დაკარგვა იმ დღის შემდეგ, როდესაც მე შემომწამე ვითომ-და „ყვავივით დაგჩხაოდი“. გამიწყერი კიდევაც. გახსოვს, განა? ამ დღეს ერთი ადამიანიც ვახსენეთ, რომელიც ლმობიერად დაახასიათე და სთქვი: „ნამდვილი ტიპია ქართველი ქალისაო“...

„ვერ წარმოიდგენ, ჩემო მეგობარო, რა ნაირად მიზიდავდნენ მისი კვიმეტი, დიდრონი, საიდუმლოებით სავსე თვალები! ბევრს ვიცნობ, და მაგ-გვარი თვალები მხოლოდ ქართველებში შემხვედრია. მაროს მართლა და ტიპიური თვალები აქვს. დანარჩენ მის სილამაზეზე აღარას ვამბობ, რადგან მარო იშვიათის სილამაზისაა. რას გეუბნები, როდესაც შენ თითონ კარგად იცნობ და ჩემზე ადრეც გყავს გაცნობილი.

„მე ყოველთვის ცნობის მოყვარეობას მიძრავდა მისი საიდუმლოებით მოცული თვალები, და, აი, სწორედ იმ დღიდან შევუდექი გამოცნობას. მინდოდა შემეც-

ყო, რა იმარხებოდა იმის თვალების სიღრმეში. მეგონა, შენ მოსწონდი და ამისთვის გერიდებოდი და ვცდილობდი როგორმე ისიც არ შეგხვედროდა, რომ ხელი არ შეგეშალა ჩემთვის. როცა გიყვარს ვინმე გულ-წრფელი მხოლოდ იმასთან ხარ. მეც პირველადვე შევეცადე, რომ მაროს შეგყვარებოდი. მე ხომ გაღვირიე, ისე შემიყვარდა. ერთხელაც აღარ გამხსენებია ვანდა, რომელსაც პირობა მივეცი ცოლ-ქმრობისა. წერილებსა მწერდა ვანდა, მე კი პასუხსაც აღარ ვწერდი. თუ მივწერდი, იმასაც ამინდზედ.

„ჩქარა დავრწმუნდი, რომ შენ მაროს სრულებით არ მოსწონდი. შენ ხომ ხუთშაბათობით დაიარებოდი იმათსა? მე მხოლოდ ხუთშაბათობით არ მივდიოდი იმათსა, რომ შენ არ შეგხვედროდი...“

აქ შევდექი. შუბლზედ ხელი გადავისვი და მძიმედ ამოვიხვნეშე. საშინლად მეწყინა. მაროს რამდენჯერმე შევეკითხე: ზღისი ხომ არ გინახავს მეთქი და იმან ყოველ ჩემ შეკითხვაზედ უარი მითხრა. ერთხელ კიდევაც დამავალა მარომ მიმე-

ყვანა ზდისი. „სულ დაჯარგეთ, აღარ გვეჩვენება, გეთაყვა, გაბრო შემდეგ ხუთ-შაბათს უეჭველად მოიყვანეო“. მე განგებ ზდისთან წავედი და რაკი შინ არ დამიხვდა, ბარათი დაფუტოვე, რომ მაროსთან მოსულიყო. მაგრამ ის არ მოვიდა. მე ბოდიში მოვიხადე მაროსთან და დავძინე, რომ ზდისი მეც მემალება.

„ცბიერი!“ — წამოვიძახე, ეს რომ მომაგონდა და ბრაზით ავივსევი.

მართლა და რა გულ-უბრყვილობა იხატებოდა იმის თვალებში მაშინ!.. მე ჩემ დღეში ვერ წარმოვიდგენდი, რომ იმას ცბიერობა შეეძლო. მაგრამ...

„დანარჩენი დღეები“, — დავიწყე ისევ წერილის კითხვა და თან სიბრაზით კბილებს ვუჭერდი: „სულ ჩემ ხელთ იყო....“

— „ზდის, ხვალ საღამოს უეჭველად მოდი! — მითხრა მარომ რამდენიმე თვის შემდეგ, რაც დაგშორდი.

— „ხვალ რომ გაბრო მოვა? უთუოდ დაგავიწყდა, რომ ხვალ ხუთშაბათია.

— „არა, მე არ დამვიწყებია. გაბრო

მოვა, მაგრამ ავადმყოფობის მიზეზით არ მივიღებ.

„იმ დღეს კი დავრწმუნდი, რომ შენ სრულებით არ მოსწონდი მაროს. შენს მაგივრად ერთს წამს გული მომეწურა, მაგრამ ამავე დროს აღფრთოვანდი კიდევაც.

„უთუოდ გეხსოვება ეს საღამო?!“

„მახსოვს, მახსოვს მეორე ხუთშაბათიც, როდესაც „შინ არავინ არისო“ მიპასუხეს! მახსოვს ის დღეც, როდესაც მაროს შემთხვევით ქუჩაში შევხვდი და დავეკითხე: რატომ ხუთშაბათობა მოსპვეი მეთქი, და იმან მიპასუხა: „საღამოობით საქმე გამიჩნდა და ამისთვის თავისუფალი დრო აღარა მაქვსო“! უნებურად წამოვიძახე ხმა-მალლივ და ისევ წერილის კითხვა დავიწყე: „ამის შემდეგ ყოველი დღე ჩემ ხელთ იყო...“

„მე განზრახვა მქონდა ამომეკითხა მის თვალის სიღრმიდან ყოველივე საიდუმლო, მაგრამ ისე დავბრმავდი, რომ ზედა კანსაც ველარ ვარჩევდი; ზედა კანიც საიდუმლოებით მოიცო....“

„ჰხედავდა ის ჩემ გადარევას თუ არა, არ ვიცი. მე კი მეგონა მარო ვერ ამჩნევდა ჩემ გრძნობას და, აი, გადავწყვიტე, სწორედ იმის წინა დღეს, როდესაც შენ ფული გამოგართვი, გამომერკვია ჩემი მდგომარეობა. გარემოებამაც ხელი შემიწყო.

„სტუმრად ვიყავით. ღამის თორმეტი საათი იქნებოდა, რომ მარო მე გამოვაცლიე სახლში. გზაში ჩემდა უნებურად შევეკითხე: „მშვენიერი ღამეა, ეტლით ხომ არ გაისეირნებთ?“ სიამოვნებდა დამთანხმდა მარო.

„ი, ი... მარო!.. ხმის კანკალით მივმართე მაროს, როდესაც ჩვენ უკვე საბურთალოს გავცდით, და ხელი დავუჭირე.

„მარომ თავი ჩემკენ მოიღო და ისეთი თვალით შემომხედა, რომ მეტი აღარა მინდოდა რა. მისი თვალები სიღრმე-სიგანით დავინახე. რასაც ვეძებდი, ვბოვე-აღარ იყო ჩემთვის დაკარგული მისი საიდუმლოებით მოცული თვალები. ეხლა ყოველივე ცხადი იყო ჩემთვის. მხოლოდ

„მისი არსება ჯა სხვა
 ჰქონდა. ყოველიფერს
 აღიანდ გულის თქმისთვის
 მის თვალებში პირუტყვი და-

„აკვირდები, იმ წამსვე რა წამსაც
 მარო ჩემთვის ცხადი შეიქმნა, უეცრივ
 ცივი წყალი გადამესხა და გამოფხნილდი,
 გამოვერკვიე. სად გაჰქრა ჩემი აღტაცება,
 აღფრთოვანება ასე უეცრივ?!... რად გა-
 მაგრდა ჩემი მთრთოლვარე სხეული?! ასე
 უეცრივ მჩქეფარე გულმა დონეზედ ცემა
 რად რამიწყო?!

„ასე გულ-ცივი ჩემ დღეში არა ვყო-
 ფილვარ, როგორადაც იმ წამს გარღვიქ-
 მენ...

„—სოაბრუნე ცხენები!.. — ვუთხარი
 შეეტლეს, რომელმაც მყისვე შეასრულა
 ჩემი სიტყვა.

„მაროს ისევ შევხედე; მინდოდა ჩემი
 კანა ისევ ამოცანად დარჩენილიყო,
 ისევ წინანდელ მაროდ მჩვენებოდა,
 რა, არა და არა!.... მის თვალებ-
 უტყვი დაცურავდა...

— „ზღის, ჩემო კარ
დაიწყო მარომ და ხელი
თვალები კი პირდაპირ თვალ
ყარა...

„—მარო, — ცოტა დარცხვენით
ყე და ხელი წელზე შემოვურკალე: —
მთლად გადარეული ვარ სიყვარულით,
მაგრამ ვერა ვბედავდი აქნობამდის ცო-
ტაოდნავ მაინც მეგრძნობინებინა თქვენ-
თვის ჩემი სულის კვეთება. დღეს კი სრუ-
ლიად დავრწმუნდი, რომ ყოვლად შეუძ-
ლებელია ჩვენი შეუღლება...

„— მერე რამ დაგარწმუნა? — ლმობიე-
რად დამეკითხა მარო და უფრო ძლიე-
რად მომეკრა.

„მინდოდა ზრდილობიანად შემეწყვიტა
მაროსთან კავშირი. მინდოდა არა ეგრძნო-
რა, ისე დავშორებულიყავ მას, მაგრამ
ეხლა გვიან-ლა იყო. მარო მევე გამოვი-
წვიე გრძნობის გამოსათქმელად და ეხლა
ჩემ მხრივ უკან დახევა ძნელი იყო. .
დევ ჩავაშტერდი თვალებში, იქნება პი-
უტყვი სადმე განქრა მეთქი, მაგრამ
პირუტყვი ისევ დაცურავდა...

რალო გარემოე-
 იძულებული ვარ
 .. თუ გითხოვე, მა-
 უხდა მქონდეს მოგაშო-
 ა სამშობლოს. ეს კი თქვენ-
 როგორადაც გიცნობთ, ძნელი
 სება, მართალიც ხართ...

— ზღის, უთუოდ კარგად ვერ მიც-
 ნობთ, რომ მაგას მეუბნებით!..

„— არა, მარო, ძალიან კარგად გიც-
 ნობთ და ამისთვის გეუბნებით!..

„— ნუ თუ გგონიათ, მე გაბროს დამ-
 ჟავებულ აზრების მიმდევარი ვიყო?! თუ
 ასე ჰფიქრობთ, სცდებით...

„— დამჟავებულ აზრებზე არას მოგახ-
 სენებთ. მე მწამს, რომ სამშობლო ყო-
 ველისფერზე უძვირფასესია და ამისთვის
მოგახსენებთ, ..

„— ჩემი სამშობლო ჩემი გულია და
 სადაც მე ვიქმნები, სამშობლო იქ იქმნე-
 ბა! — აღზნებით წამოიძახა და თავისი
 მთრთოლარე ტუჩები ჩემ ტუჩებს შეახო.

„— ხვალე, ხვალე!.. კოცნის დროს
 ვცდილობდი ჩამეგონებინა, რომ ხვალ

გადავწყვიტოთ

რამ ვერ შევაგნეს

„— სადაც გინდა

ლაფერს დავიფიწყებ!..—

ვოდა და თან ამას გაიძახოდ

„— მარო, ხვალ მოვალ და

ფერზედ მოვილანარაკოთ!.. — მკვა

ვუთხარი და შევაყენე ეტლი იმათ კარებზედ. თან კი მის თვალებს თვალს არ ვაშორებდი...

„მეგობარო, ერთ წამსაც არ მოჰშორებია მის თვალებს პირუტყვი! დავალწიე თუ არა თავი, მაშინვე გადავწყვიტე, თვალით აღარ დავნახვოდი და მეორე დღეს შენთან წამოვედი ამის საამბობლად. მაგრამ ველარ მოვახერხე და საგზო მოვიგონე. სამაგიეროდ ეხლა გწერ...“

შენი ზღისი.

წ. კ. მინდოდა კიდევ მომეწერა, მაგრამ წერილი ისეც გაგრძელდა. თითონ შენ დასკვნი და ამისთვის მე აღარას გწერ. მხოლოდ ამას გეტყვი, რომ ჩვენი ქალეზი სულ სხვას იძახიან ამ შემთხვევაში:

168

„ჩემი გული ჩემი სამშობლოსია და თუ
ჩემი სამშობლო არ იქმნება, ნურც ჩემი
გული იქმნებაო“... აი ჩვენი ქალების
წმიდათა წმიდა და თავიანთ გულს კიდე-
ვაც ანაცვალებენ სამშობლოს... მგონი,
თქვენი ვაჟებიც ეთანხმებიან მაროს აზრს.
ჰოოო?!

ზდისი.

100
105

ყოჩის გოდება

(ეტიუდი)

I

— წამო, წამო აქეთ და ყველაფერს
გიაშობ!.. — ეუბნება ყოჩი თავის სატრ-
ფოს და თან წინა მარჯვენა ფეხს გვერდ-
ში უბრაგუნებს.

— სად წამოვიდე?!. აქ მიაშბე! — უბა-
სუხებს დედა-ცხვარი და ეურჩება.

— არა, ჩემო კარგო, მოვშორდეთ ამ
ფარას. აქ დაგვიშლიან. აგერ, იქით ჯაგს
მოვეფაროთ. იქ არავინ შეგვაწყვეტინებს
ლაპარაკს. იქ გულ დამშვიდებით გიაშობ
ყველაფერს, — ეხვეწება ყოჩი და ახლა
ფეხის მაგივრად ცხვირის შეხებით იწვევს
ფარის კარგად მოშორებით ჯაგისკენ.

— კარგი, წავიდეთ!.. — დასთანხმდა
დედა-ცხვარი და შემდეგაც ორივე ერთმა-
ნერთს გაეკვრნენ და თავ-ჩალუნულები
ტუსტუსით ჯაგისკენ გაეშურნენ.

ფარა კი, თითქოს ზღვა ოდნავ ირყე-
ვაო, ზევით და ზევით ოდნავის მოძრაო-
ბით მიღის მთის წვერისკენ, სადაც მწვანე
ხავერდში ჩაფლული მწყემსი სალამურს
გულ-საკლავად აკვნესებს და ამ კვნესით
თავის მწირ ცხოვრებას აუწყებს ცას და
თავის ცხვრის ფარას...

— ხომ გახსოვს, გუშინ წინ რომ წა-
მიყვანეს აქედან?! — დაიწყო ყოჩმა,
როდესაც ჯავს ამოეთარნენ და წამოწვ-
ნენ მწვანეზე.

— როგორ არ მახსოვს!... იცი, მერე
რანაირად ვიტყვით, როდესაც შენ წაგიყ-
ვანეს?! მეგონა, აღარ დაბრუნდებოდი,
როგორც ჩვენი საწყალი ბატკუნა...

— მართლა, მისი გზა და კვალი სულ
დაიკარგა!... მაგრამ... — მწარედ დაილ-
რიჯა ყოჩი, შუბლის კანი სიმწარით
შეექმუხვნა, რომ იმ ბატკუნას ხვედრის წარ-
მოდგენა თავიდან გაედევნა, მოეშორე-
ბინა და თან ამას უსიტყვოდ გაიძახოდა:
„ნეტავი შენ, რომ ბატკუნას ხვედრი
წარმოდგენილი არა გაქვს, თორემ მაშინ
უფრო ბევრს იტყვებდიო...“

— ჰო, დავანებოთ ბატკუნას ხვედრს თავი და, აი, რას გეტყვი, — ცოტა კმუნვის შემდეგ განაგრძო ყოჩმა...

— თქვი, თქვი, ყურს გიგდებ!

— გული თუმცა მეთანაღრებოდა, — მოჰყვა ყოჩი: — როდესაც ფარას გაგვაშორეს ათამდის ყოჩი, მაინც მხიარულად ჩავიარეთ ეს გვერდა. შევედით სოფელში და ვინც შეგვხვდა, ყველა ამას გაიძახოდა: „საწყალი, დაიღუპა, დაიღუპა!.. მერე, რა ახალგაზდა იყოვო“!.. „იქ მიგიდის?!“ ამ სიტყვების შემდეგ უეჭველად დაეკითხებოდნენ ჩვენს... იმას კი არა, აგერ, იქ რომ უკრავს გულის საკლავად!.. ოო, რა მწვავედ მოსთქვამს?! ხომ გეყურება? მაგრამ ეხლა მაგისი მოთქმა გულს მიმღვრევს... ეგ რაა?.. უარესი სიმწარე, უარესი ტანჯვა და ვაება უნდა ჰხვდეს, რომ მაშინ მიჰხვდეს სხვის ტანჯვასაც! მაგათ ჰგონიათ, მარტო ეგენი იტანჯებიან და ჩვენ კი ყურს აღარ გვათხოვებენ, ჩვენი კვნესა, კვნესად არ მიაჩნიათ... ეგენი ცდილობენ თავიანთ სასარგებლოდ სხვას ყოველ-გვარი უსა-

მართლობა მიაყენონ, ამას კანონიერად სთვლიან, და, თუ მაგათ სულ ცოტა უსამართლობა რამ მიაყენეს, სასოწარ-კვეთილებით გაიძახიან: „ღმერთო, ჩამოიქცეს შენი სამართალიო!..“ ღმერთსაც კი ჰგმობენ. რად მოსთქვამს მაგრე მწარედ, აგერ ის, მთის წვერზედ რომ წამოსკუპულა?! რა აწუხებს? რა და ის, რომ რად გვყარაულობს ჩვენ, დღე-ღამე რად გვივლის, წვიმა-ქარიშხალში გარედ ყოფნა რად უნდება... იმას კი არა ჰხედავს, რომ ჩვენ, ჩვენ მოკლებული თავისუფლებას, წელიწადში ორჯელ გვკრეჭავს, გვწველავს და ყველაფერი თავის სასარგებლოდ მიაქვს. ჩვენ სამაგიეროდ? ჩვენ თავისუფლების მოკლება და ზედ დამატებით...

„მაგრამ ზედ დამატებით რაც მოგვდის, ამაზე მერე ვიტყვი. ეხლა კი, ცოტა არ იყოს, გავები იმისთვის, რომ გული მომივიდა, ტანჯვის ფიალა ამევსო, და საუბარმა გადაუხვია...

„იმას ვამბობდი: ეგ კი არ იყო, რომელიც კვნესის, მეორე, ჩიტუას რომ

ეძახიან, ის მოგვდევდა უკან და სოფლებს უპასუხებდა იმათ კითხვაზედ: „ჰო, იქ მიმიდისო“...

„კითხვა-პასუხი მეყურებოდა და იმას კი ველარ მივხვედროდი, თუ სად და რისთვის მივუდიოდით. ცოტა არ იყოს ამ კითხვამ შემაფიქრინა, და დამავიწყდა, რომ უკან ჩიტუა მოგვდევდა. თურმე შევმდგარიყავი, ფიქრში გავრთულიყავი, და სხვა ყოჩებს ჩამოვრჩი.

— აი, შე ვერანავ, შენა!. — შემომესმა ჩიტუას ქყივილი, და ამავე დროს კომბალი ისე ძლიერად მომხვდა, რომ თვალისიდან სიმწვავით ნაპერწკლები წამომცვივდა.

„ცუხცუხით მოვეწიე სხვებს და შიგ შუაში შევერიე. მეტს რას ვიზამდი?! ჩქარა წამოგვისინა და ერთ სახლის წინ ბაკში შეგვლალა. საღამოს ხანი იყო. ხალხი ბევრი ირეოდა. ყველას თავ-პირი ჩამოსტიროდა. სახლში? სახლში კი არ ვიცი რა ხდებოდა, და იქადან კი გულსაკლავი ხმა გამოისმოდა: ტირილი, გამწარებული კივილი, სასოწარკვეთილებითი

ოხვრა და გმინვა, აი, რა მოისმოდა სახლიდან. ამის გამგონს მეც თვალი ამიჯრემლდა და ბაკის კუთხეში მივიქუქე.

II

„მიწყნარდა ფეხის ხმა. ბინდი წყვდიაღმა შესცვალა. იმოდენა ღრიანცელის შემდეგ ისეთი სიჩუმე, როგორიც იქ ჩამოვარდა, ტანში ჟრუანტელს მგვრიდა.

— აქნობამდის განაპირას მწოლარეს, შიშის ზარი თავს დამეცა და მაშინათვე უნებლიედ სხვების შუაში ჩავერიე. ისინი მომესალმნენ და ისევ ძილს მიეცნენ.

„შუალამე მოტანებული იყო. ოთხფეხის ყეფა-ყმუილიც კი არ მოისმოდა...

„წინად, ვიდრემდის ხალხის ფეხის ხმა მისწყდებოდა, სახლის სარკმლებს კაშკაში გაჰქონდა, ისეთი ძლიერი შუქი გამოდიოდა. ეხლა კი ოღნავად იყო გაშუქებული. უეცრივ სახლის კარის ქრიალი შემომესმა. იქით მივიხედე და მოხუცებული, ძაძებში გახვეული და თმა გაშლილი მანდილოსანი სწორედ აჩრდილსავით სარკმლის შუქზე გაჩერდა. დიდხანს უძრა-



ვად და ხმის ამოუღებლივ იდგა და პირდაპირ საყდარს გაშტრებული გასცქეროდა.

— ჩამოიქცეს უენი სამართალი, ღმერთო, რომ მე ცოცხალი დამტოვე და ჩემი ვაჟკაცი კი, ჯერ სიცოცხლით გაუხარელი, ამ წუთი-სოფელს მოაშორეო! — ბოლოს სასო-წარკვეთილებით წამოიძახა და ქვითინით იქავე ჩაეხვია.

„მეც ავცრემლდი დედაბრის ქვითინზე. მხოლოდ მაშინ მივხვდი, რა ამბავიც იყო იმ სახლში, იმ დედაბერს უვილი მოჰკდომოდა, და ამ შემთხვევას გამოეწვია მწუხარება, რომლის მოწამეც მე ვიყავი.“

„მართალია, იმ უშალამეს მეც ავცრემლდი. საშინლად შემეცოდა ის დედაბერი; მაგრამ ამავე დროს უნებლიედ თავში კითხვა დამებადა: „ჰო, ყველა ეს კარგი: დედაბერს უვილი მოუკვდა, ხალხი მოვიდა და სწუხს, მაგრამ ჩვენ რაღად მოგვლალეს, მეთქი?“ — ვეკითხებოდი მალი-მალ ჩემ თავს, და პასუხი კი არსად იყო. რად? ვერ გავიგე კია და რა წამსაც კი გავიგე, თუ იმ სახლში რაც მომ-

ხდარიყო, შიშმა ამიტანა. თან-და-თან ისე გამიძლიერდა შიში, რომ ტანმა თახ-თახი დამიწყო. თითქმის ადგილზე ვხტოდი, ჩემ თავს ველარ ვიმორჩილებდი. ჩემ დღეში არ შემცვივნია ისე, ზამთარშიაც კი, როგორც იმ ღამეს. კინალამ გადავირიე. არ ვიცოდი, რა მექნა. რისთვის დამემართა ეს?!. ოჰ, რანაირი ტანჯვა გამოვიარე იმ ღამეს, ჩემო კარგო!... დედა-ბერი დამშვიდდა, სახლში შევიდა. მე კი ვთრთოდი, ბეწვიც კი მიხტოდა, და რაც დრო გადიოდა, თრთოლა, სხეულის წვა და ჩხვლეტა უფრო მემატებოდა...

III

„მტრედის ფრად გათენდა თუ არა, ხალხის ფეხის ხმა ისევ ასტყდა. ჩქარა ეზოში ხეების ქვეშ ცეცხლი რამდენსამე ადგილას გააჩაღეს, გვერდით დიდრონი ქვები მოუწყეს და ზედ წყალით სავსე ქვაბები შემოსდგეს. მე ყოველივე ამას თრთოლით თვალ-ყურს ვადევნებდი და გონს ვერ მოვდიოდი...

„ახმაურდა სოფელი: მოისმა ხალხის ლაპარაკი, საქონლის ზღავილი, ძაღლების ყეფა, და სადაც ჩვენ ვიყავით, იმ ეზოდან ფრთოსანთ რუკ-რუკ-კურ-კური. იქ მამალს გარს ქათმები შემოეხვია და ერთის ამბით და კიჟინით ნაგავს გამაღებელი ჰქექავდა, აქ ინდოურს თავი მალა აელო და „ყიავ-ყიავს“ უღარდელად გაიძახდა, იქით კიდევ დედალი სეირნობით „კააა-კა-კას“ ინდოურსავეთ უღარდელად მოსთქვამდა და დრო-გამოშვებით შეაყენებდა თავის გალოზას და გაშტერებით ძირს დედა-მიწას დააცქერდებოდა, ფეხს გაუს-გამოუსვამდა და ისევ თავის გალოზას აგრძობდა...

„თანდათან ცაც ფერადდებოდა და...

— მოიცა, — უეცრივ გააწყვეტინა ყოჩის სიტყვა დედალმა ცხვარმა: — მთელ ღამეს ტანის თახ-თახი არ შეგწყვეტია?..

— არა, მაშ!.. მთელ ღამეს — კბილს კბილზე მაცემინებდა და მხოლოდ, ხალხის ფეხის ხმა ნამეტნავად ინდაურისა და დედლის მოთქმა რომ ასტყდა, ცოტა არ იყოს, გავერთე და, არ მახსოვს,

მაშინაც მითახთახებდა ტანი, თუ არა.

— მაშ მთელ ღამეს არა გძინებია?!

— ერთ წუთს რომ თვალი მომეხუქნა, რაღა მინდოდა!..

— საწყალი, რანაირად დაიტანჯებოდი!..

— დავიტანჯებოდი?!. დავიტანჯე კი არა, მეტიც მომივიდა. მთლად დავდნი, დავდნი, მეტქი; გონება სულ ამიხდა... აკი გეუბნები, ცოტათი ხმაურობამ გამართო განთიადისას. მაგრამ, როდესაც სახლის კარი გაქრიალდა და ისევ მანდილოსანი გამოჩნდა, რომლის ხილვის შემდეგ შუალამისას ტანის თახთახი ამივარდა, და მთლად ჩაფუფქული ოდნავის ნაბიჯით წინ წამოდგა და იქავე ხეების ქვეშ მოფუსფუსეთ მიაძახა: „გეთაყვათ, მეზობლებო, ყველაფერი წესიერად დაიქირეთო“, უარესად ცეცხლი მომეკიდა. სად ვიყავ და სად არა, აღარა მეყურებოდა-რა. ჯერ არა მენახა-რა იმისთანა, რასაც უნდა შევეშინებინე, მაგრამ მე შიშმა უკვე მომითავა. რაც მაშინებდა,



ჩქარა ისიც ვიხილე. თურმე ჩემ სხეულს წინადვე უგრძენია, რაც მომელოდა, მაგრამ შემთხვევით გადავრჩი და, აი, ეხლა შენს გვერდით ვარ. იმავე ბაკში, რომელშიაც ჩვენ ვიყავით გამომწყვდეული, ერთი ისეთი უშობელი ება, რომ თვალს ვერ მოაშორებდი. მშვენიერი ტანი, მთლად ჩარგვალეებული სხეული, მშვენივრად დაწმენდილი ბეწვი, მშვენიერი რქები, მსხვილი, მორღვეული, გონივრული თვალები, აი, რა ამკობდა უშობელს და რა იტაცებდა მაყურებლის თვალს!

„სულ არ გაუვლია რამდენსამე წუთს, რომ ბაკის კარი შემოაღეს და უშობელი წამოაყენეს. მძიმედ, სულ მძიმედ გონივრული თვალები გადაატრიალ-გადმოატრიალა და წელში გაიზნქა. გაზმორება არც კი დააცადეს, დაუნდობლივ საშინლად სახრე გადუჭირეს ბეჭებში და, საცოდავი, საჩქაროდ ბაკიდან გაიყვანეს. „გაგინმეთ ხელები!“ უვნებლივ დავწყევლე სახრის გამრტყმელი. მგელიც კი შედგებოდა იმის სილამაზის წინ და იგი ხომ აღამიანი იყო, რომ ისე გამომეტებით

გაარტყა სახრე. მაგრამ შემდეგ ნახულმა სახრის დარტყმა დამაფიწყა. წამოაქციეს საცოდავი და, ოხ, ნეტავი არ გამეგონა იმისი სასოწარკვეთით წაბზმუვლება, ყელში ხანჯალი გაუყარეს!.. სისხლმა ჩქეფა დაიწყო, იქაურობა შეღება. მოისმა ხრიალი. ვხედავდი, როგორ თრთოდა მისი სხეული. ამის მნახველს ტანი მომელეშა; უგრძნობლად გარდმექმნა. მაშინ კი მივხვდი, რისთვისაც მიგვლალეს, რისაც მეშინოდა...

„სახლში ისევ ტირილი, ღრიალი ასტყდა. სტიროდნენ ვაჟკაცს, რომელსაც სიცოცხლე მოესპო, რომელიც უდრო-უდროდ ამ წუთი-სოფელს გამოესალმა და გარედ კიდევ თითონვე უდრო-უდროდ სიცოცხლე წარბ-მოუხრელად მოუსპეს უუმშვენიერესს ქმნილებას... ოჰ, რა ნაირად გულს მისერავდა სახლიდან ტირილის ხმა!... ვიძახდი: „რატომ სახლი არ ჩამოინგრევა და ყველას არ ამოგჟღეტავთ, რომ ერთის სიცოცხლის მოსპობას სტირით და მეორეს კი თქვენ განგებუსპობთ?! რას ემგზავსება თქვენი ტირილი?!“

„დედა-ბერი საშინლად შემებრალა, ღამე რომ აჩრდილსავით გამოვიდა და ღმერთს სამართალი უგმო. ეხლა კი შემეზიზნა, და სწორედ საგმობელია ადამიანთა სამართალი და არა ღვთისა...“

„აკაფეს უშობელი!... მგლებსავით დაჰხვევოდნენ და ზოგი ბარკალს მიარბევინებდა, და ზოგი კიდევ მკერდს და ზოგი კიდევ სხვა ნაჭრებს.“

— ბიჭებო, — დაიძახა ერთმა მათგანმა: — ე ცხვრებიც გამოლალეთ და დაკალით!...

„წამოგვესივნენ ჩვენც. წაგვაველეს ზოგს ქეჩოში, ზოგს კიდევ ფეხში და თრფვით გაგვიტანეს.“

— ეგ ორი ყოჩი გაუშვით, ნუ გამოჰქრით ყელს. ხალხი ცოტაა და ხორცი ტყუილად გაფუჭდებაო... — ამას ღა მოვკარი ყური და გამოვერკვიე. მანამდის ვერცარას ვგრძნობდი და ველარც რას ვხედავდი. მხოლოდ მაშინ დავინახე, რომ მე და ყომრალა რვა ყელ-გამოლადრულ ჩვენ მოძმეს დავცქეროდით...

— ვაი უენ დედასა ჩემო ბატყუ-

ნიაფ, იქნება შენც ეგრე ყელი გამოგ-
ლადრეს!... — მწარედ წამოიკვნესა დედა-
ცხვარმა, და ცრემლები წამოსცვივდა.

— მაშ არა და...

— აი, თქვე ვერნებო, თქვენა!..

„უეცრივ მოესმათ ჩიტუას ხმა და ნერ-
წყვი გაუშრათ.

— თქვე სამგლეებო, ფარას რას ჩამო-
რჩენილხართ!.. — დაჰკვივლა ჩიტუამ და
კომბალი მოუქნია, მაგრამ ცხვრებმა
დროით უშველეს თავს.

ისინი დაეშვნენ ქვევით, და ჩიტუასგან
მოქნეული კომბალი ჯაგში შეიქედა“.

„ბაღლი ჰყოფილხარ!“

(ეტიუდი)

I

სასიამოვნო სჯა-ბაასისა და ნარდის თამაშის შემდეგ ვახშმად მიგვიწვიეს მე და არჩილი. შევედით სასადილო ოთახში, და კოპწია დიასახლისის კოპწიადვე გაეწყო მაგიდა. სიმდიდრით ვერ გაგაკვირვებდათ, მაგრამ სიფაქიზით—კი. ყოველისფერს დიასახლისის მშვენიერი ხელი ეტყობოდა...

— ცოტაზედ კი ნურას უკაცრავად!— ღიმილით წამოიძახა დიასახლისმა და გვიჩვენა, ვინ სად უნდა დავმსხდარიყავით.

— რას მიბრძანებთ, ბატონო. ჩვენთან...

— ელო, ამხანაგები არიან ჩემი! ამათთან ბოდიშს არ მოვიხდი. არჩილი ხომ წინათაც ყოფილა ჩვენსა. ეს ხამი არ არის და ელიზბარც, იმედია, დღეის შემდეგ ხშირად გვეწვევა...

— მეც ელიზბარის წინაშე ვიხდი ბო-
დიშს. ძლივას გავაბედვინეთ მოსვლა, და
ეხლაც ესე მცირე ვახშამზე. მგონი, ღღეის
შემდეგ სულ ამოიკვეთოს ფეხი!

— გინდათ, ქალბატონო, ვახშამი შე-
გიქოთ, მაგრამ არა. მაგი ისეთი მოუხე-
შავია, რომ ქათინაურს ვერ მოახერხებს...
ქართლელია მაგი!...

— თუ მე მკიცხავ, ჩემო არჩილ, ე
მასპინძლებმა რაღა დაგიშავეს?! ესენიც
ხომ ქართლელები არიან! — ვუპასუხე
არჩილს ღიმილით.

-- კარგია, ეგ შაინც მოახერხე. ესენი
კორტოხის ახლო არიან და სხივი ზრდი-
ლობისა...

— თუ ეშმაკობისა?!..

— სხივი ზრდილობისა, მეთქი, — მედი-
დურის კილოთი განაგრძო არჩილმა, —
კორტოხის მახლო მცხოვრებთაც ეფინე-
ბათ... მგონი, — მიუბრუნდა დიასახ-
ლისს, — თქვენი მამა-პაპა კორტოხის იქი-
დან არიან გადმოსულნი!

— მამა-პაპისგან ეგ მე არ გამიგონია, —
ღიმილით უპასუხა დიასახლისმა.

— როგორ არა, თქვენი გვარი იმერეთისაა.— დაჟინებით დაიწყო დავა არჩილმა.

— კარგი, მაგრე იყოს! — უპასუხა დიასახლისმა...

მე აღარა მითქვამს-რა. მხოლოდ უჩინრად დიასახლისს ვადევნებდი თვალ-ყურს და შეენატროდი გივის, რომ ასეთი მეუღლე შეეძინა. ყოველ მის მიხვრა-მოხვრას, მოძრაობას, სიტყვას ემჩნეოდა გრძნობა, გრძნობა და გრძნობა. ძალა-უნებურად ვფიქრობდი, ძალიან სასოწარკვეთილიც რომ იყვეს გივი, უნდა გამოირკვას და ცხოვრებას სიამოვნებით მიეგებოს, როდესაც ამას დაინახავს.

დიასახლისი ჩემ გვერდით იჯდა, არჩილი იმის პირდაპირ, გივი კი არჩილის გვერდით ჩემს პირდაპირ. მაგიდის თავსა და ბოლოს ორი ხნიერი მანდილოსანი იჯდა. არ ვიცი, რა დამოკიდებულება უნდა ჰქონოდათ გივის ოჯახთან, მაგრამ მახლობლები კი უნდა ყოფილიყვნენ...

უბრალო ბაასით, დიასახლისის კეკლუცობით, გივის ღია გულით და მანდი-



ლოსნების სიმუნჯით ყველას სადღეგრძელო გამოვათავეთ...

თამადად გივი იყო და ღვინოს, როგორც კიდევ მასპინძელი, გვაძალებდა. ცოტა არ იყოს, გივის ღვინო გაუჯდა, აალაპარაკა. არჩილი ხომ ჩვეულებრივად ორი-სამი ჭიქის შემდეგ აცულლუტდა; თვალებმა ეშმაკურად კრკალვა დაუწყო...

— მრავალ-ჟამიერ, მრავალ-ჟამიერ!.. ეს, მეგობრებო, გაუმარჯოთ ჩვენს მოღვაწეებს!.. მრავალ-ჟამიერ, მრავალ-ჟამიერ... — წარმოსთქვა სადღეგრძელო ჩვენის მოღვაწეებისა და მრავალ-ჟამიერითვე განაგრძო.

არჩილმა და გვიმ მეგობრულად ხელი გადაჰხვიეს ერთმანეთს და, ნაღვინეებს როგორც შეჰფეროდათ, ხმა შეათანხმეს. მეც, რაკი დიასახლისთან საბაასო მასალა შემომმელია, ხელი სავარძლის უკან გავაცურე, მის ზურგს მივესვენე და დაბალი, თითქმის შეუმჩნევი ბანი დავიწყე. ამავე დროს დიასახლისს თვალს არ ვაშორებდი, იგი ნიდაყვებზე დაყრდობილი დაბლა დაიცქირებოდა, და დრო გამოშვებით

სახე ვნებით უთრთოდა, მთელი ტანი უხტოდა. დაბალ ბანს ვამბობდი, და დიასახლისის ამ გვარი დროგამოშვებითი ცვლილებათ განცვიფრებაში მოვყვანდი.

გივი და არჩილი კი არ ისვენებდნენ. არჩილი ხმას ძალას ატანდა, ჯმუჯნიდა გივის და თითქმის ნახევრობამდის მაგიდის ქვეშ ჩაძვრა,

დიასახლისმა სავარძელი მაგიდასთან უფრო ახლოს მიითრია და შევამჩნიე დიასახლისიც ძირს-ძირს მიდიოდა. აღარა სცხრებიან გივი და არჩილი, სხვა-და-სხვა სიმღერებს ამბობენ, — „შაშვი-კაკაბი“, „ჩავუხდეთ და ჩავუხდეთ“, „ალაზნის პირას“ და მრავალი სხვა სიმღერა ერთიმეორეს მოჰყვია...

სავარძელი უფრო განზე გავწიე, ამავე დროს ხელსახოცი იატაკზე დავაგდე.

არც არჩილს, და არც დიასახლისს ჩემი მოძრაობა არ შეუმჩნევიათ. ჩემში აღძრულმა ცნობის მოყვარეობამ მოსვენება აღარ მომცა. მინდოდა, შემეტყო, მაგიდის ქვეშ რა დრამა ხდებოდა; ისე კი,

რომ ჩემი ცნობის მოყვარეობა არ გამო-
 მქლავნებულიყო.

ამისთვის დავაგდე ძირს ხელსახოცი და
 ცერად გადავიხარე ხელსახოცისაკენ და
 თან მაგიდის ქვეშ შევიხედე...

მთლად ავენთევი. გველ-ნაკბენისავით
 უეცრივ წელში გავიმართე და რომ სა-
 ხის ცვლილება არავის შეემჩნია, ორივე
 ხელები პირზე მივიფარე და ნიდაყვზე
 დავეყრდე. ტანი შემისველდა, სუნთქვა,
 ცოტა არ იყოს, გამიძნელდა.

აღარ მეყურებოდა არჩილისა და გივის
 სიმღერა. თვალ-წინ მხოლოდ ორი წყვი-
 ლი ერთმანეთში ჩახლართული არჩილისა
 და დიასახლისის ფეხი მითამაშებდა...

ამ სურათმა ჩემზე რად იმოქმედა ასე?!.
 არ ვიცი. ეხლაც ვერ გამომიბრკვევია, ის
 მეწყინა, რომ არჩილს მეგობრულად გი-
 ვისთვის ხელი გადაეხვია და ამავე დროს
 კი მის მეუღლეს ფეხებით ეარშიყებოდა,
 თუ...

მაგრამ ამის გამორკვევა შორს წაგვი-
 ყვანს.

ერთ წამს დავაპირე წამოვმდგარიყავ და

მიმეფურთხა არჩილისთვის. მაგრამ თავი შევიმაგრე...

— ჰუუ!..— ჩემდა უნებურად მაგრად ამოვისუნთქე, ჭიქა წყალით ავავე და ხარბად მოვეწაფე.

— ღვინო მიირთვით, წყალს რად მიირთმევთ.— პირველად გავიგონე მაგიდის ბოლოს მჯდომ მანდილოსნის ხმა.

არ ვიცი, რამ აიძულა მანდილოსანი, დაერღვია თავისი გულმოდგინე სიჩუმე. იქნება ჩემი აღელვების უნებური მოწამე იყო...

— რა ვქნა, ბატონო, თამადა ღვინოს აღარ გვასმევს და უიმისოდ კი წყალის მეტს ვერას გიახლებით.— ხმა-მალლა ვუპასუხე, რომ გივის გაეგო და სიმღერა შეეწყვიტა.

— უკაცრავად, ელიზბარ, უკაცრავად! მართლაც, სიმღერას აღარ ვათავებთ და ღვინოს ველარა ვსვამთ.— გივი წამოდგა, ჭიქა ღვინით გაივსო და განაგრძო:— ყმაწვილებო, დავლიოთ ჩვენი ქალების სადღეგრძელო. ვუსურვოთ მათ, მოიგონონ ჩვენი წარსული დედები და იმათსა-



ვით პატროსნურად ემსახურონ სამშობ-
ლოს. და თავიანთ ოჯახს!..

— კაცო, რატომ არ დაცოლშვილდე-
ბით?!— უეცრივ მოგვიბრუნდა მე და
არჩილს: ვერ წარმოიდგენთ, ყმაწვილე-
ბო, რა ბედნიერებაა დაცოლშვილიანე-
ბა!.. ღმერთს გეფიცებით, — გულ-წრფე-
ლად დაიფიცა, როდესაც იმის უკანასკ-
ნელ სიტყვებზე თავი დაბლა დაეხარე, —
გამოცდილებით გეუბნებით!..

— ქალებიი... ოოო... მაინც ვსვამ მათ
სადღეგრძელოს! კარგები არიან!.. თვალ-
თა ბზინვით დიასახლისს გადაჰხედა და
სწრაფ ჭიქა გამოცალა არჩილმა...

II

ბარბაცით გავიარეთ რამდენიმე ქუჩა.
ქუჩები მიყრუებული იყო, მოძრაობა
სრულებით შეწყვეტილიყო. აქა-იქა ჩვენ-
სავით შეზარხოშებულნი ბარბაცით თუ
გვხვდებოდნენ, თორემ სხვა კი არავინა.

მე და არჩილი გაჩუმებულები მივდიო-
დით. არ ვიცო, ის რაზე ფიქრობდა და
მე კი გონებიდან რომანი მაგიდის ქვეშისა

არ მშორდებოდა. რაც ორ წყვილ ჩახლაკნილ ფეხს თვალი მოვკარი, მინდოდა არჩილისათვის როგორმე მეგრძნობინებინა და გამეკიცხა ჯერ ვახშმის დროსვე, მაგრამ იქ ვერ მოვახერხე. ამისთვის ღვინოს ძალა დავატანე და კარგადაც შევზარხოშდი.

აი, ახლა რამოდენა ხანია მარტონი მოვდივართ, ყოველ ნაბიჯზე ვემზადები და ამ მზადებას ბოლო აღარ ეღირსა.

აგერ, გამოვიარეთ რამდენიმე მიხვეულ-მოხვეული ქუჩა და უმთავრეს ქუჩაზე გამოვედით, რომლიდანაც სხვა-და-სხვა ქუჩებით უნდა წავსულიყავით...

— აბა, ღამე-მშვიდობისა, ელიზბარ, — მითხრა და ხელი გამამიწოდა.

— არჩილ!.. — წამოვიღლოლულე და ხელი მაგრა დავუჭირე.

— რა იყო, რატომ მაგრე ტრაგიკულად მომაპყარ თვალნი შენნი?!.

არჩილის ამგვარმა კილომ გაბედულობა მომიმატა და მკვახედ ვუთხარი:

— უნდა გრცხვენოდეს, რომ იმ კაცს მეგობარს ეძახი, მეგობრულად ხელს

ჰხვევ და ამავე დროს კი იმის ცოლს
ფეხებს ფეხებში უხლართავ და ვნებით
თრთი!..

— ხა, ხა, ხა, ხა!..—გულიანად ისე
მაგრად გადიხარხარა, რომ ქუჩებმა ბანი
მისცეს... - დაინახე?!—ხარხართვე მკით-
ხა არჩილმა.

— კიდევაც ჰხარხარებ?!—განცვიფრე-
ბით დავეკითხე.

— ეჰ, ჩემო ელიზბარ, ბალღი ჰყო-
ფილხარ!..—სიცილით მიპასუხა და საჩქა-
როდ თავის გზას გაუდგა.

— „ბალღი ჰყოფილხარ“!—მწარის ღი-
მილით გავიმეორე არჩილის სიტყვები და
თავის ქნევით სახლისკენ დასაძინებლად
წავედი.

„ღირსი ვარ ამისა, ღირსი!...“

(ეტიუდი)

საშინლად მინდოდა ზღვაზედ მზის ამოსვლა მენახა და, მომეცა თუ არა ზღვით მოგზაურობის შემთხვევა, სიხარულით წამოვიძახე:—„ეხლა კი ვნახავ!...“

მთელ ღამეს კურდღელსავით მეძინა. წამ-და-უწუმ საათს დავყურებდი და ისევ ბალიშზედ მივდებდი თავს...

— დროა! — გავიფიქრე, მეოთხე საათი რომ დაიწყო და წყნარად წამოვდექი, რომ მეზობელი არ შემეწუხებინა, რომელიც გულიანად ხვრინავდა, და ფეხაკრებით გემის ბანისკენ გავეშურე.

ჯერ ისევ ბინდ-ბუნდი იყო. ნაწყვეტ-ნაწყვეტი ღრუბლები აქა-იქ უძრავად მიჰკროდნენ ცას და გაცრიაგებული ვარსკვლავები კი ოდნავ-ღა ბუბუტავდნენ.

ცოტა არ იყოს, კიდევაც ციოდა და ამის გამო პალტო შემოვიჯუჭვე, ხელე-ბი სახელოებში დავმალე და პირდაპირ

გემის ცხვირისკენ გავწიე, რადგანაც პირი აღმოსავლეთისაკენ ჰქონდა.

— ოჰო, ჩემს მეტს, სხვასაც სდომნია მზის ამოსვლის ნახვა! — უსიტყვოდ წამოვიძახე, როდესაც თვალი მოვკარ გემის ცხვირთან ყმაწვილს.

გაიგო თუ არა ჩემი მისვლა, არ ვიცი. გაშტერებით სივრცეს გასცქეროდა; ჩემს მისვლაზედ არც კი განძრეულა. კიდევაც გამიკვირდა, რომ ამ სიცივეში პალტო-გადაღებული იყო და შუბლოც ცივ რკინის ბოძისთვის მიეხუტა. იმის ახლო დახვეულ თოკზედ ჩამოვჯექი; ერთი კიდევ შევხედე უცნობს და მეც ფიქრებში გამიტაცეს.

„რა არსებაა ადამიანი, — ვეკითხებოდი ჩემს თავს, — რომ ამისთანა უფსკრულს ებრძვის, უშიშრად ენდობა თავისგან მოგონილ მანქანას, რომელიც ასე გულად, უდარდელად მთარღვევს ზღვის ტალღებს და უდარდელადვე ქვითქვითვიწვიწებს?...“

მაკვირვებდა ადამიანის გონება, გამჭრიახობა, მაგრამ...

„ოხ, რა შესაბრალოდია იგივე მედი-
დური გონება ადამიანისა ბუნების სილია-
დესთან შედარებით!.. რა სიმცირეს, უა-
რარაობას და მასხარაობას წარმოადგენს
ეს მედიდურება, ამაყობა ადამიანისა!..
ხომ საკმარისია სულ ერთი წამი, რომ
მიფშენიტოს, მილეწოს ეს ამაყად მიმცუ-
რავი და ზღვის ტალღების მიმარღვევე-
ლი გემი და...“

„განქრა ადამიანის ოცნება, ამაყობა
და მედიდურება!..“

„რალაც მლილი, რალაც საცოდავი
მატლი, რომელსაც ადამიანი ეწოდება...
ეწოდება... ეწოდება... ე...“

უცნაური ამბავი დამემართა: აზრთა
მიმდინარეობა შემეწყდა, მხოლოდ სიტ-
ყვა „ეწოდება“-ლა დაცურავდა ჩემს გო-
ნებაში და ისიც კვალს ვერა სტოვებდა;
გული, აქნობამდის ბოლმით ავსილი,
უნებურად შეზავდა სიამოვნებით და, ბო-
ლოს, სულ სარკესავით გადამეწმინდა,
ტუჩები კი ღიმად, ვარდსავით, გადამე-
შალნენ...

განქრნენ, მიიფანტნენ მწარე ფიქრები
ად..

ახ, მეც განვიბნე, დავკინდი, ჩემი არსება დანაწილდა, გაეთეოვანდა და შეეუერთდა იმ ბურთს, რომელსაც ცა და ზღვა, კიდევებით ერთმანეთს მიწებებულნი, წარმოადგენდნენ!.. გავფართოვდი. ჩემი პიროვნება აღარ არსებობდა. მე ბუბუნებამ ჩამნთქა და მე კიდევ—ბუნება, რომელსაც სიმხიარულე შეჰპარვოდა და სულ უნებურად ჩემი არსებაც აეყოლია.

ცა და ზღვა ერთმანეთს ეცილებოდნენ. ზევით და ქვევით ნაწყვეტ-ნაწყვეტად მოფანტულ ღრუბლებს და მათს გარსს ცელქად ეცვლებოდათ ფერი, და ეს ფერი, თითქო საპნის ბურთიაო, ისე გამოჰკრთოდა. აგერ პირველი ნაპერწკალიც ამოვარდა ზღვიდან! პირველს მეორე მოჰყვა, მეორეს—მესამე და სულ შეუმჩნევლად ის ადგილი, საიდგანაც ნაპერწკალი ამოვარდა, ცეცხლად აინთო. ბურთს ფერი უფრო გაუსპეტაკდა, გაუნაზდა. ცეცხლი კი უფრო და უფრო დიდ ადგილს იჭერდა, ცეცხლის გარსი თავისს ფერსა ჰკარგავდა, ცისფერს უერთდებოდა. და ამ დროს მზემაც ზღვიდან

თავი ამოჰყო. ამოიქყუპალავა, წინწკლები ისევ ზღვას უბრუნდებოდნენ და...

ფერადიანი ბურთიც გასკდა. ცაბა და ზღვამ თავისი ფერი მიიღო და მეც...

— ააახ! — შემომესმა შესაზარი ხმა ამ დროს, და ტანი შემითამაშდა.

მივიხედე იქით, საიდანაც ხმა შემომესმა, და...

თვალეbs აკვესებდა, თითებს იკვნეტდა და ფეხს აბრაგუნებდა ის ახალგაზდა ყმაწვილი, რომელიც მზის ამოსვლამდის ვნახე.

შემეშინდა. ისე შესაზარი სახე ჰქონდა, რომ ტანში ჟრუანტელმა გამირბინა.

— მაფურთხონ, მაფურთხონ, მათ-ფურთხონ!.. — წამოიხრანტალა საცოდავად და ქვითინი მოართო...

— ყმაწვილო, ყმაწვილო! — ტანის ძრთოლვით ვანძრევდი, რომ გამომერკვია. მაგრამ ის მაინც ქვითინებდა და უაზროდ გაიძახდა: — „მაფურთხონ, მაფურთხონ, ღირსი ვარ!...“

— გამოერკვიეთ, გეყურებათ?! — და-

ვუყვირე და ხელები ძირს მაგრად ჩამოკვრით ჩამოვგლიჯე.

— ჰაა!.. ვინა ხართ, რა გინდათ?!— დაბნევით მიპასუხა და მოელვარე თვალები წელში-გამართულმა მომაპყრო.

მე ვერ გავუძელ იმის თვალების მზერას და შევკრთი; ცოტა არ იყოს, დავიბენ.

— რა უნდა მინდოდეს?— ცოტა ხნის შემდეგ ვუპასუხე, როდესაც გონება მოვიკრიფე: — თქვენი სასოწარკვეთილებითი ხმა შემომესმა, და მე ჩემი თავი მოვალედ ვცან, თუ კი რითიმე შემეძლება, სამსახური გაგიწიოთ.

— თქვენ?!. ხა, ხა, ხა!.. თქვენ გინდათ სამსახური გამიწიოთ?!. ხა, ხა, ხა!.. თქვენც გინდათ მაფურთხოთ?!. გამშორდით!..

— ყმაწვილო, ვინც თქვენი ამ უკანასკნელ წამების მოწამე იყო, არა მგონია, იმას მაფურთხება შეეძლოს...

— რის მოწამე?!.

— თქვენის სულის-კვეთებისა, ზნეობრივად ტანჯვისა...

— მე ვიტანჯები?!

— მგონი..

— მართალს ამბობ, უცნობო, მართალს ამბობ.— ცოტა ხნის სიჩუმის შემდეგ მიპასუხა,— მართალს ამბობ: მე ვიტანჯები და მინდოდა კიდევაც გავქცევოდი ამ ტანჯვას. სულ რამდენისამე წამის წინ მინდოდა გამოვსალმებოდი ტანჯვას, სამუდამოდ მომეშორებინა თავიდან, მაგრამ...

„— ყმაწვილო, ხომ სიმხდალეთა თავის მოკვლა?! არა?..

— თავის მოკვლას სხვა-და-სხვა მიზეზი იწვევს. ზოგი მიზეზი შესაწყნარებელია და ზოგი...

— ევებს!... რა მიზეზიც უნდა იყოს?!.. აბა გარჩიე: მე განვიზრახე თავის მოკვლა იმისთვის, რომ საზოგადოებამ მიცნო, რა კაციც ვიყავი, და ამისთვის შევზიზღდი, ფურთხება დამიწყო...

— თქვენ მაგითი მაინც ვერა გამაგებინეთ-რა.

— აახ!.. რად არის ადამიანი ისეთი, რომ უთუოდ ყოველისთვის უნდა გაიგოს?..

— თუ ყველაფერი არ შეიტყო, თავის მსჯავრს ვერ იქონიებს.— ვუპასუხე მე დამის მთრთოლარე სახეს დავაცქერდი.

— მსჯავრი, მსჯავრი... ხა, ხა, ხა!..— გაღიხარხარა ხელის ჩაქნევით და საჩქაროდ გამშორდა.

თვალი გავაყოლე. მთვრალივით მირაცრაცებდა და თან ხელებს იქნევდა. ცოტა ხნობით გემის ბანის მოაჯირს მიეყრდნო და ზღვას დააშტერდა.

შემეშინდა. „მართლა თავი არ დაიხრჩოს“, — მეთქი, — გავიფიქრე და გავიზრახე მიპარვა, რომ შემძლებოდა დაქერა, თუ, ვინიცობაა, ზღვაში ჩავარდნას მოისურვებდა. მაგრამ ყმაწვილი მოტრიალდა და ისევ აჩქარებული ნაბიჯით ჩემსკენ წამოვიდა.

— ყმაწვილო! — მომმართა მწუხარე სახით, როდესაც მოვიდა ჩემთან და მკლავში ხელი წამავლო: — ნუ მკითხავთ, „ვინა ვარ“. ეს ხომ სულ ერთია თქვენთვის!..

— მართალს ამოობთ, და არცა მსურს გავიგო თქვენი ვინაობა.

— მაშ ყური დამიგდეთ. რა მხეციც



გინდა აიღო, რა ცხოველიც უნდა იყოს, რა სულდგმულიც უნდა დაასახელოთ, ყველა თავის თავს ემგზავსება ყოველთვის. მგელი კრავობას ვერ გასწევს, დათვი ძაღლობას და ღორი კიდევ—მტრედობას. ადამიანი კი წარმომადგენელია ყოველგვარის ცხოველისა. მასში ყოველგვარი მხეცია მოთავსებული, და შეუძლიან ყოველგვარი მხეცობა, სისაძაგლე ჩაიდინოს. რა მხეცს დამისახელებ, რომ ადამიანი, თუ კი გარემოება ნებას აძლევს, არ დაემგზავსოს?! არა?! ჰა!..—აღზნებული თვალები თვალეში გამიყარა და მკლავზე ისე მომიჭირა ხელი, რომ მინდოდა ხელი გამეშვებინებინა, მაგრამ თავი შევიმაგრე და პასუხად თავი დავუქნიე.

— ჰო-და მაშ რა არის ადამიანი... მხეცთა-მხეცი... მაგრამ ამ მხეცთა-მხეცობას, თავისს სისაძაგლესა ჰმაღლავს, ჭმუჭუნის და უფრთხილდება ამის გამომჟღავნებას, როგორც თვალის სინათლეს, თვალის ჩინს... თვალის ჩინს კი არა... რა გითხრათ?.. რას დავადარო?.. თითქო

წმიდათა - წმიდას შეადგენდესო, ისე უფთხილდება ამ საიდუმლოთა საიდუმლოებას... ბევრ სისაძაგლეს, ბევრ საზიზღრობას ჩაიდენს, მოიმოქმედებს კაცი, რომლის მოწამეც მხოლოდ თითონ არის და სხვა არავინ... შეიძლება, თავის ცხოვრებაში არავითარი სისაძაგლე არა ჭაედიწოს-რა, მაგრამ განზრახვით კი, მერწმუნე, ბევრი სისაძაგლე განუზრახავს, და ეს ხომ სულ ერთია! აბა ერთ წამს ჩაჰხედეთ თქვენს გულს და... მგონი, შეგეშინდეთ კიდევაც!..

— ყმაწვილო, შეუაცხუოფის ნება არა გაქვთ!— წყრომით მივმართე და ხელი გავაშვებინე.

— ააახ!.. განა თქვენზედ ვამბობ?.. მე სრულებით თქვენ არა მყვანდით სახეში... მაგრამ თქვენი წყრომა კი იმას მიმტკიცებს, რომ ადამიანი საშინლად უფროთხის იმის გამომჟღავნებას, რის მოწამეც მხოლოდ თითონ არის...

მინდოდა კიდევ მეპასუხნა, მაგრამ თავი შევიმაგრე, რომ არ გამეჯავრებინა და თავისი ლაპარაკი არ შეეწყვიტნა.

— ნუ კი იფიქრებთ, — განაგრძო, — ვითომ კარგი რისამე მოწამე ი ყოხ?!. არა. კარგს ისე არას მოიქმედებს, რომ სხვა მოწმად არ დაისწროს, ან კიდევ არას განიზრახავს, რომ ქვეყანა არ შეჰყაროს. არა. მხოლოდ სისაძაგლეს უფრთხილდება, მხოლოდ თავის მხეცობის გამომჟღავნებას უფრთხის და არა სხვა რასმე... აბა ახლა თქვენ აიღეთ და რომელიმე ადამიანი გადმოაბრუნეთ, ფქვილის ტომარასავით გამობერტყეთ, ყოველი მისი საიდუმლოთა საიდუმლო გამოამჟღავნეთ და მაშინ, მერწმუნეთ, არა-სასიამოვნო სურათს დაინახავთ... არა-სასიამოვნოს არა, საზიზღარს, შესაზარს!...

„მე საზოგადოება პატიოსან კაცად მიცნობდა. მეც ვაფასებდი ამას და ვცდილობდი, რომ ეს სახელი შემრჩენოდა. თუ კი რაიმე მხეცობა ჩემში არსებობდა, ვმალავდი; მეშინოდა, რომ არ გამოამჟღავნებულყო და პატიოსან ადამიანის სახელი არ შემეებლალა, მაგრამ ფეხი გადამიბრუნდა; სულ უბრალო შემთხვევამ გადმომაბრუნა, და ყოველივე ჩემი და-

ფარული გამომჟღავნდა. რაც კი მხოლოდ მე უნდა მცოდნოდა, ყველამ შეიტყო და, რასაკვირველია, ზიზღით დამიწყო ცქერა; თითოთ საჩვენებელი გავხდი... ხა, ხა, ხა!.. აღარც ერთი ხელს არ მიწვდიდა და იმანაც კი, გეყურებათ, იმანაც კი, რომელსაც თაყვანს ვსცემდი, ვაღმერთებდი, რომელიც მარწმუნებდა:— „მიყვარხარო“, —აღარ მიმიღო! ხა, ხა, ხა, გეყურებათ, აღარ მიმიღო!.. სულ უმნიშვნელო ჩემი მოქმედება და განზრახვაც კი გადიდდა, მთად გარდიქმნა, და საზოგადოებამ ყიჟინა დამცა... იყიჟინე!.. მაფურთხე!.. ჩამქოლე!.. მაგრამ ერთ წამს შენი ზიზღი შეაჩერე და ოდნავ თვალი გადაავლე შენს ჯურღმულს! შენც უმანკოების ღვთაებავ, აგრე მოიქეცი და მხოლოდ მაშინ, თუ უცოდველი ხარ, ჩამქოლე... ხა, ხა, ხა!.. განა მაგას გაჰბედავ?!. არა მგონია!..

„მაგრამ რაებსა ვბოდავ?!. არ გეგონოთ, ყმაწვილო, ვითომც მე ამითი თავის გამართლება მინდოდეს. არა. საზოგადოება მართალია. ღირსეულად მათურ-

თხებს, მიყიჟინებს და ზიზლით მექცევა. სხვას რომ ჩემი საქმე დაჰმართნოდა, პირველად მე ვესვროდი ქვას და ყიჟინას დავცემდი, თუმცა კი, შეიძლება, იმაზედ უარესი ვყოფილიყავი. ყველასაც უნდა უყიჟინონ, თუ კი შეატყეს ვისმე. ყველა ღირსი იქნება ამ სასჯელისა. ამ სასჯელს არავინ არ უნდა გაექცეს. მე კი გაქცევას ვაპირობდი. აი, ხომ მხედავ, ეხლა ზღვით ვმოგზაურობ, იმ საზოგადოებას მოვშორდი, რომელმაც გამკიცხა სამართლიანად. თავის მოკვლაც განვიზრახე. მინდოდა სამუდამოდ მოვშორებოდი, გავქცეოდი ტანჯვას, მაგრამ ამ მშვენიერმა დილამ გონს მომიყვანა და დამანახვა ჩემი სიმხდალე. დამნაშავე ვარ და ამისთვის, რა სასტიკი სასჯელიც უნდა იყოს, მოვალე ვარ ავიტანო და არა ვცდილობდე იმის თავიდან აცილებას. განა გამამართლებს თავის მოკვლა?!. არა. ეგ უფრო გამამტყუნებს, ჩემს სიმხდალეს დაამტკიცებს. დამნაშავედ ვცნობ ჩემს თავს, და ამისთვის სასჯელის ატანაც უნდა შევსძლო... მე საზოგადოებაში

ვცხოვრობდი, იმის აზრს ვაფასებდი,
 მინდოდა იმ საზოგადოებაში პატიოსან
 კაცის სახელი მეტარებინა და ამავე დროს
 კი, გეყურებათ, უპატიოსნოდ ვმოქმედობ-
 დი. სიკეთეს სათვალსაჩინოდ ვაკეთებდი
 და იმას, რაც პატიოსან კაცის სახელს
 შეჰბღალავს, ვმალავდი. ეს ხომ უპატიოს-
 ნობაა, არა?!. სულითა და გულით უნდა
 პატიოსანი ვყოფილიყავი, დაფარული არა
 უნდა მქონოდა-რა, ჩემი ყოველივე უნდა
 ცხადი ყოფილიყო ყველასთვის და მაშინ
 ეს აღარ დამემართებოდა. ამისთვის, ღირსი
 ვარ სასჯელისა. დეე, მაფურთხოს საზო-
 გადოებამ, მიყიჟინოს საზოგადოებამ!..
 ღირსი ვარ!.. მე უკანვე დავბრუნდები!..
 უკანვე დავუბრუნდები იმავე საზოგადოე-
 ბას, აი ამ ნავთსადგურში. მოვუცდი მეორე
 გემს და უკანვე დავბრუნდები, რომ ყო-
 ველ ნაბიჯზედ მაფურთხოს, მიყიჟინოს
 ამ საზოგადოებამ. ღირსი ვარ ამისა,
 ღირსი!..

...სულ ერთია!...

(ეტიუდი)

I

— თეკლე!...— დაბნევით შესძახა კიკომ და თეკლეს ორივე ხელები თავისკენ მიიზიდა.

— კიკო!...— თეკლემაც იმავე კილოთი უპასუხა და კიკოს გულს მიესვენა.

წისქვილის ბორბალი კი სჩქეფდა წყალს, არღვევდა, ანაწილებდა, აქაფებდა და საამურად უმღერდა შეყვარებულებს...

— მაშ გიყვარვარ, გიყვარვარ, ჩემო, ჩემო?! ჩვენ სამუდამოდ ერთმანეთისა ვიქნებით!...— ხმის კანკალით ჩასძახოდა კიკო და თან თეკლეს გულზედ იკრავდა.

— მე... შენ... ჰო...— კვნესით, მეტი-მეტის აღელვებისგან მისუსტებულის ხმით გაიძახოდა უაზროდ თეკლე, და თვალები ელულებოდა.

— უყვარხარ!.. უ...ყვარ...ხარ!... ემო-
წმებოდა წისქვილის ქვა, ბორბლის მხუილ-
თან ერთად.

— ოხ, რა ბედნიერი ვარ!...— გულ-
ამოსკვნით წამოიძახა კიკომ და თავ-
დავიწყებით შეეურთა თავისი ტუჩები
თეკლეს მხურვალე, ფუნჩულა მარწყვის-
ფერ ტუჩებს.

თეკლემ ტუჩები თავის უნებურად სია-
მოვნებით შეაჩუჩუნა და, თითქოს მთლად
სულში ჩაძვრენა უნდაო— უნებურადვე—
კბილებამდის პირში შეეწოდა...

— ახ, რა კარგია!.. ახ... რა... კარ-
გია!.. ახ-რა-კარ-გია!..— წისქვილის ქვა
და ბორბალი გაიძახოდნენ ერთად და
ამცნობდნენ არეს ამ ნეტარ წამს... მთვა-
რეც, — მუდმივი მოწამე შეყვარებულ-
თა, — ალერსით დასცქეროდა თეკლეს და
კიკოს ზევიდან და თითქოს ცოტათი კი-
დევაც ჰშურდა იმათი ბედნიერება...

წისქვილის ახლოს ორი არსება ერთ
არსებად გარდაქცეულიყო და ეს კი ზე-
ვიდან, ეულად, ყოველთვის მარტოდ, —
ოხ, რა ძნელია, რა მწარეა, — მოცურავი

დასცქეროდა... რა ვუყოთ, რომ მნათობია?!. ოხ, რა დიდის სიამოვნებით სამუდამოდ დაუთმობდა თავის მნათობობას, თუ კი ვინმე ერთ წამს დაავიწყებდა თავის მარტოობას და მეორე არსებას შეეუერთებდა!... მაშ თეკლესი და კიკოს ეს წამი არ შეჰშურებოდა?!.

— ჩემო თეკლე!... ჩემო კარგო, ხომ სამუდამოდ ასე ბედნიერები ვიქნებით?!.

— ჰა?!. კიკო, შენ?!..—თეკლე შეერთა კიკოს ხმის გაგონებაზედ და ხელიდან გაუსხლტა.

— თეკლე, გონს მოდი!.. რა დაგემართა?!. განა არ გიყვარვარ?!—განცვიფრებით დაეკითხა კიკო და მიუახლოვდა.

— მე შენი?!. არა!.. წავიდეთ შინ!.. მერე... მერე!..—არეულად უპასუხა თეკლემ და სახლისკენ პირი იბრუნა.

კიკოც დაუმხარდამხარდა და გაჩუმებული, დაღვრემილი გაჰყვა..

II

„...წავიდა!... დაღონებული წავიდა!... ოხ, რა გულ-ნატკენი გამომემშვიდო-

ბა?!.“ — გაიძახოდა თეკლე და აზრი აზრისთვის ვერ დაეკავშირებინა.

რამდენი ხანია, რაც თეკლემ თავის საწოლს ოთახის კარი შეიხურა... თითქმის მაშინვე, კიკო რომ სახლის კარებთან გამომშვიდობებისას დაეკითხა: „რას მიპასუხებო“? აგერ, შუა-ღამე თითქმის გადავიდა, სულ ამ პასუხს ეძებს და ეხლაც ვერა მოუგვანებია-რა...

„ღმერთო!...“ — ღმერთს-ღა შეევედრა, რომ იმას მაინც ჩაეგონებინა პასუხი, რაკი თავის გონებით ვერა მოეხერხებინა-რად და გარედ გავიდა.

გაიარა ერთი ხეივანი, მეორე, მესამე. აჩრდილსავით მიაბიჯებდა და თავის საყვარელ ადგილს მიაღწა. რამდენჯერ უოცნებნია ამ ხევის პირას, დიდ ქვასთან და ეხლაც უნებურად იქ მივიდა...

ახ, რა ტკბილად მოსთქვამდა ხევი... რა სასიამოვნოდ გრძნობებს უღვიძებდა წყლის ჩანჩქარი!... ეხლა?..

ოხ, ის მთვარეც დასცქერის!.. წყალიც ისევ-ისე მოჩანჩქარებს და, ღმერთო, წისქვილის ხმაც მოისმის!..



— კიკო, კიკო, მიყვარხარ!..— ლმობიერად წამოიძახა თეკლემ და თავი მოგონებას მისცა...

წყალი კი მოჩანჩქარებს, ტკბილს, სასიამოვნო ხმებს ასმენს; მთვარე ხომ აფრთოვანებს, და თეკლეც...

კიკოს ეხვევა, ფიანდაზად ეგება...

— ღმერთო, ხომ მიყვარს და მაშ რატომ მაშინვე არ ვუბასუხე: „შენი ვარ!.. სამუდამოდ ასე ვიქნებით“, როდესაც ის ჩამჩურჩულებდა: „ხომ სამუდამოდ ასე ბედნიერები ვიქნებითო?!“ რამ დამიშალა მაშინვე „ჰო“ მეთქვა? ან ეხლა რატომ არ მინდა გადავსწყვიტო, რომ მე იმისი ვიყვე, რატომ, რატომ?!. ხომ მიყვარს, და მაშ რაღა მიშლის ხელს?!. მამა-ჩემი მეწინააღმდეგება?!. ახ, რა სისულელეა!.. დეე, იყვეს წინააღმდეგი!.. მე...“

აგერ თეკლე თავისს გრძნობას თავდავწყებით მიეცა. მამას და ყველასაც მეწინააღმდეგა და კიკოს გაჰყვა. ეს კიკოსია და კიკო ამისა... ცხოვრობენ... კიკო ისევ ის კიკოა. დრო არა სცვლის. უყვარს თეკლე, გაგიჟებით უყვარს. უფრო

ძლიერად, ვიდრე პირველში. ბევრი ისეთი კარგი თვისება გამოიჩინა შემდეგში, რაც პირველად თეკლეს ვერ შეემჩნინა. თეკლესაც უყვარს კიკო. თითქმის თაყვანსა სცემს, მაგრამ,—ოხ, ღმერთო,— მაინც კმაყოფილი არ არის!.. რა ემართება?!. რატომ კმაყოფილი არ არის, როდესაც კიკო ხეველის მეუღლეა?!. იმ კაცის მეუღლეა, რომელიც უყვარს, რომელსაც თითქმის თაყვანსა სცემს?!. კიკო ხეველის მეუღლე?!. ოხ, რა უცნაური გვარია!.. ხეველი... ხეველი... ახ, რატომ ეს გვარიც ისე ბრწყინვალეობით არ არის შემოსილი, როგორც იმის მამისა!.. რა ნაირ პატივით ექცეოდნენ, როდესაც თეკლე ხეველის მეუღლე არ იყო!.. ეხლა?!. ეხლა კი,—ღმერთო,—ზედაც არავინ უცქერის. ყვალა ტუჩის აშვერით ყურში აგონებს: „თავადიშვილის ქალი ვილაც ხეველს, უბრალო მასწავლებელს გაჰყვა ცოლადაო“!—ესეც იმალება, აღარავის უნდა ეჩვენოს. ჰრცხვენიან თავის გვარისა. მდიდარი მაინც იყვეს, რომ თავის სიმდიდრით ჩააჩუმოს, ყველანი ალაგ-

მოს... მაგრამ,—ოხ,—სიმდიდრეც არა აქვს!...

— კიკო, კიკო!—დამიხსენ!..—გულის საკლავად შეევედრა კიკოს ცრემლების ფრქვევით ყელზედ ჩამოეკიდა...

— თეკლე, ჩემო, ჩემო, მითხარ, რა გაწუხებს, რომ თავს შემოგველო და გიშველო რამ, რომ ცრემლები შეგიშრო... იქმნება, ჩემ სიყვარულში დარწმუნებულნი არა ხარ, ეჭვი გაქვს რამე... ოხ, თეკლე, მითხარ, მითხარ, რაც გინდა დამისახელო, რითი გინდა დაგიმტკიცო ჩემი სიყვარული?!

— კიკო, კიკო!—გაიძახოდა თეკლე და ქვითინებდა.

— ჩემო კარგო, მითხარი, მითხარი რითი დაგიმტკიცო ჩემი სიყვარული და...

— სიყვარული!.. სიყვარული!.. მარტო სიყვა...

— იპოვნე?!..—ამ დროს მკაფიოდ ჩამოსძახა ჭოტმა და სიტყვა შეაწყვეტინა თეკლეს.

— ვერა!...—შემოესმა შორიდან მეორე ჭოტის ხმაც.

— ჰაჰა! — ტანის ჟრჟოლით აქეთ-იქით შიიხედა და... ისევ იმ წყალის ტკბილი ჩანჩქარი, წისქვილის საამური ხმა შე-
მოესმა...

— ღმერთო!.. — სამადლობელოს კი-
ლოთი წამოიძახა და თვალის ქუთუთოები
ღმობიერად ზევით ასწია. თითქოს ის
დიდი ქვა, რომელზედაც თითონ იყო
მისვენებული, გულზედ დასწოლოდა და
სუნთქვას უხუთავდა, მოსწყდაო, ისეთი
შვება იგრძნო, როდესაც გამოერკვია და
ამისათვის ღმერთს მადლობა შესწირა,
რომ ყოველივე ოცნების ნაყოფი იყო
და არა სინამდვილისა.

ჰხედავს თეკლე, რომ ისევ ის წყალი
მოჩანჩქარებს, ისევ ის წისქვილის ხმა
მოისმის; ისევ თავის მამის ბაღშია და
არა კიკოს პატარა, სულის-შემხუთავ
ოთახში... ისევ თავის მამის გვარი აქვს
და არა კიკო ხვევლისა. უხარიან თეკ-
ლეს!.. თავისუფლად სუნთქავს, რომ
ლაფერი ისევ ისეა, როგორც ამ რამდენ-
ნისამე წუთის წინად... მხოლოდ ერთი
რამ-ღა აღონებს. ეს ის, რომ მთვარე,

თითქოს თვალს არიდებს თეკლეს და მთის იქით დასამალავად მიეჩქარება...

III

„...ღმერთო!...“—შედგა ოთახის შუა კიკო და შუბლი ისე ძლიერად შეიქმუხნა, რომ თმა და წარბები ერთმანეთთან მიიტანა, მხრები კი ყურებამდის აიწურა. უნდოდა ამ მოქმედებით თავიდან ყოველივე აზრი გამოედევნა, რომ ერთ წამს მაინც სულ არაფერი ეფიქრნა; ერთ წამს მაინც თეკლეს სახე მოეშორებინა, მაგრამ...

„ღმერთო, ღმერთო?...—თითქმის ტირილით გაიძახდა ასე შუბლ-შეიქმუხნილი და მხრებ-აწურული თითებს იმტვრევდა...

„რამ გაგაკადნიერა ისე, შე სულელო, ჩემო თავო, რომ... ხა, ხა, ხა!.. რომ სიყვარული გამოუცხადე!..—მწარედ გაღიხარხარა, და აწურული მხრები ჩამოეშალა, თმა და წარბები ერთმანეთს დაჰშორდნენ, და კიკო ისე გაიშალა ტანში, ისეთი სისუსტე იგრძნო, რომ

ძლივს-ლა მიბარბაცდა სავარძლამდის და მოწყვეტით დაეშო...

— რად მოვაწერინე ეს, რად?.. — შეს-
ძახა გულ-ამომჯდარმა კარგა ხნის შემ-
დეგ, და ტანში საშინელი ჩხვლეტა
იგრძნო...

„...ისე გავკადნიერდი, რომ ხვევნა-
კოცნაც დაფუწყე... ხა, ხა, ხა!.. ცო-
ლადაც მინდოდა... ცოლობის პირობა-
საც ვსთხოვდი, მინდოდა სიტყვა დამეტ-
ყუნა... სადამდის მივიდა ჩემი თავზე-
ლობა!..“ — დარცხვენით იძახდა, და თა-
ვის თავს მჩვარში ჰხვევდა.

„...ოხ, თეკლე, თეკლე, ასეთ სათნო-
იან სიტყვების ხმარებას ის არა სჯობდა,
გაგელანძღე, თავზედ ლაფი დაგესხა ჩემ-
თვის!... მაგრამ შენ ისე კარგი, ზდილო-
ბიანი ხარ, რომ...“

„ჩემო კიკო, — დაიწყო თითქმის ეს
მეათედ თეკლეს წერილის კითხვა: — მე
ჩაფუკვირდი ჩემს თავს, ჩემს გრძნობას
და, ვფიცავ ზეცას...“

— რად ჰფიცავ, რად, წმინდა თეკ-
ლევ!.. განა დაუფიცებლივ კი არ დაგი-

ჯერებდი?!.— შეწყვიტა წერილის კითხვა და ხელი თვალებზედ მიიფარა.

„... ვფიცავ ზეცას, — განაგრძო ცოტა ხნის სიჩუმის შემდეგ კითხვა: — მთელ ღამეს არა მძინებია. სულ ჩემ გულს ვუკვირდებოდი. მინდოდა წამიერი გულის თქმა ძლიერ გრძნობად გარდამექმნა, რომ შენს უკანასკნელ კითხვაზედ „ჰო, შენი ვარ სამუდამოდ“ მეთქვა, მაგრამ...“

„დაივიწყე, ჩემო კიკო, ყველაფერი, რაც ჩვენს შორის მოხდა, და ჩვენ ისევ ისე კარგი მეგობრები ვიყვნეთ...“

„ჩვენ ისევ ისე კარგი მეგობრები ვიყვნეთ!..“ — განიმეორა უკანასკნელი სიტყვები და თავის ქნევით მწარედ ჩაიღიმა...

„მე ღირსი არა ვარ შენის მეგობრობისა, წმიდათა-წმიდავ, უმანკო თეკლევ... სად მე და სად კიდევ — შენ!.. მე...“ — შეწყვიტა უეცრივ სიტყვა და წერილის კუდად მონაწერი სიტყვები ამოიკითხა: „ეს წერილი, გთხოვ, უკანვე გამამიგზავნე, თუ შესაძლებელი იყვეს შენთვის... კი არა იფიქრო-რა...“

„ფუი, ამოდენა ხანია, ხელში მიჭირავს და ეს მცირედრ თხოვნაც ვერ ავუსრულე. კარგის თვალით რად უნდა მიყურებდეს...“ — გადააფურთხა და მაშინვე კონვერტი აიღო ხელში...

— მშვიდობით, მშვიდობით!.. შენს მაგივრად წერილს ვემშვიდობები... — მაგრად, მაგრად აკოცა წერილს, კოცნის დროს რამდენიმე ცრემლი ზედ დააგდო და შემდეგ, თითქოს საყვარელ არსებას ჰმარხავდესო, ცრემლის ფრქვევით დაკრძალა კონვერტში...

IV

— დღეს მოვა და ჯერ თეკლესთვის კი არა მითქვამს-რა, — ჩაილაპარაკა ვახტანგმა და თეკლეს ოთახისკენ გასწია.

— სად არის თეკლე? — დაეკითხა ვახტანგი გოგოს, რომელიც წინ შეეფეთა, როდესაც თეკლეს ოთახისკენ მიდიოდა.

— ჯერ ისევ სძინავს...

— აქნობამდის?... საცაა, სადილად დავსხდებით და...

— მგონი, წუხელის არა სძინებია...

დილას განთიადისას გამაღვიძა, წერილი გადმოძრა და მითხრა: „კარგად რომ მომზევდეს, ეს წერილი კიკოს წაუღევიო. მე კი დავიძინებ ეხლა და სანამ მე არ გავიღვიძო, ნუ გამაღვიძებთო?!.“

— მერე წაუღევი წერილი?..

— დიად, ბატონო.

— არა გითხრა-რა?..

— ვინა?

— ვინა და კიკომ.

— არა. ისევ ეძინა, რომ მივუტანე.

— მაშ ვის მიეცი?

„რას მისწერდა?!.“ — უსიტყვოდ დაეკითხა თავის თავს და ოთახისკენ წავიდა.

„კი არა იყოს-რა?!. იქნება, დაგვიანდა და საქმე კიდევაც გაათავეს!.. ეს შეუძლებელია!.. მე თეკლეს ნებას არ მივცემ, რომ იმ ვიღაც მასწავლებელს, კიკო ჰქვიან თუ მიკო, მისთხოვდეს. ეს...“ — უეცრივ აზრები შეუწყდა. სულ ერთიანად განებნივნენ, როდესაც კარი შეაღო და მძინარე თეკლე დაინახა.

კარგა ხანს იდგა კარებში. ლმობიერად გულზედ ხელი დაიკრიფა, თითქოს წმინ-

დანის წინ სდგასო სალოცველად, და მზერა დაუწყო თავის ქალს, თავისს ერთად-ერთ ასულს, თავისს შვენებას, რომელიც გულ-აღმა იწვა ოდნავ წაფარებულ ფარჩის საბნის ქვეშ; საბანი არ ჰფარავდა მის გამოქანდაკებულ მკერდს, ყელს, მკლავებს. ვინ იტყოდა, რომ ამ ოთახში, ამ საბნის ქვეშ მოთავსებულა ამ ქვეყნის ასული და არა ციური?!

ვახტანგი იდგა კარებში და ეშინოდა განძრეულიყო, რომ მძინარის ნაზი სუნთქვა არ აეშფოთებინა...

„ღმერთო,—გაიძახდა უსიტყვოდ ვახტანგი:—სად ვიყავი აქნობამდის, რომ არ ვიცოდი, თუ ამისთანა მშვენიერი იყო თეკლე?!.. ჩემი თეკლე, ჩემი სისხლ-ხორცი!..“—სიამაყით აევსო გული, რომ მისი სისხლ-ხორცი ასეთი მშვენიერი იყო, და ველარ მოითმინა; ფეხ-აკრებით მივიდა საწოლთან და გვერდით მიუჯდა.

„თეკლე, ჩემო თეკლე!.. შენი ადგილი დედოფლის ტახტია... შენ უნდა სკიპტრა გეჭიროს ხელთ და განაგებდე სამეფოს... და არა—ვილაც უგვარტომო



კიკო ხეველის ცოლობა... ყოველ დონეს ვიხმარ, რომ ეგ არ მოხდეს, არა და არა... ჯერ შენ გამოუცდელი ხარ, ჩემო კარგო, და მე უნდა საფრთხეს აგაცდინო...“ — გარდაწყვეტით წარმოსთქვა ვახტანგმა უკანასკნელი სიტყვები ხმა-მაღლა და სასოებით ტუჩები თეკლეს მკერდისკენ საკოცნელად წაიღო...

— ჰა?! — უეცრივ შეფორთხილდა თეკლე, როდესაც ვახტანგი იმის მკერდს ტუჩებით შეეხო, და იმის ღაწვების ნაზ სპეტაკ ფერს მორცხვობის აღმულმა გაჰკრა...

— ნუ გეშინიან, მე ვარ, შეილო!..

V

— მართალს ამბობ, მამი, კარგი ცხოვრება აქვს, კარგი გვარიც აქვს, თავადი-შვილობით, ჩამომავლობით საქართველოს თავადებში თითქმის პირველი ადგილი უჭირავს, მაგრამ, რა ვქნა, თითონ არჩილი სულელია, უშნო, ულამაზო... — ღიმილით ეუბნებოდა თეკლე სადილ შემ-

დევ მამას და თვალს არ ამორებდა ვახტანგის სახის მოძრაობას...

— შეილო, — დაიწყო ვახტანგმა ცოტახნის სიჩუმის შემდეგ: — გონიერი ხარ, შენ თითონ მიჰხვდები ჩემის რჩევის სიკეთეს. თორემ შენი ნებაა, მე ძალას არ დაგატან. იქნება, შენ კიდევაც ამორჩეული გყავს ვინმე!.. — უკანასკნელი სიტყვები გაგრძელებით წარმოსთქვა და თეკლეს თვალი თვალში გაუყარა.

— მამი, არა გრცხვენიან, რომ მაგას მეუბნები!.. ამორჩეული რომ მყვანდეს ვინმე, განა შენ არ გეტყოდით?!.. — საყვედურით უპასუხა და თავი ძირს დახარა.

— რა ვიცი, შეილო, ეხლანდელ დროში...

— კიკოს გამოუგზავნია ეს წერილი!.. — ამ დროს შემოვიდა გოგო წერილით და ვახტანგს ლაპარაკი შეაწყვეტინა.

— შენთან იქნება! — შუბლ-შეკმუხვნით მიჰმართა ვახტანგმა თეკლეს.

— ჰო, ჩემთანაა! — უპასუხა თეკლემ და



მაშინვე კონვერტს თავი გაუხია, საიდგანაც წერილი ამოიღო.

სახქაროდ გადაატრიალ-გადმოატრიალა: ხან თავს დაჭხედა და ხან კიდევ ბოლოს, მაგრამ ..

— ერთი სიტყვა მაინც დაეწერა ზედ!..— წამოიძახა სასოწარკვეთილებით და მკლავები ჩამოსცვივდა.

— რა მოგივიდა, შვილო! — თანაგრძნობით დაეკითხა ვახტანგი და ხელი მოჰკიდა...

— არაფერი, არაფერი!.. — შუბლზედ ხელი გადისო და ისევ ისე გონება მოიკრიფა.

— რა იყო?! — თუ არა ყოფილიყოს-რა, ფერი მაგრე რად წაგივიდოდა?!

— აი, თუ გინდა, წაიკითხე!.. — წამოდგა და წერილი მიაწოდა...

ვახტანგმა წერილის კითხვა დაიწყო. თეკლე კი ოთახში დადიოდა ამ დროს...

— მამა არ წამიწყდება, ვერა გამიგია-რა!.. ეს წერილი შენია.

— ეგრეა, მამა-ჩემო! ეგ წერილი ჩემია და, როგორც ბოლოში ამოიკიხამდი, მე

ვთხოვ უკანვე დაბრუნებას, იმასაც ჩემი თხოვნა შეუსრულებია და, აი, უკანვე მომივიდა.

— ეგ ყველაფერი კარგი, მაგრამ მე მაინც ვერა გამიგია-რა...

— ეხ, მამა-ჩემო, მაგას რა დიდი გაგება რამ უნდა. აი, საქმე რაშია.— მიუჯდა გვერდით და წინა-დღის ამბავი ყოველივე უტყუვრად უამბო...

— როგორც გატყობ, კიკო გიყვარს და ძალიანაც.— უთხრა ვახტანგმა, როდესაც თეკლემ თავისი საუბარი დააბოლოვა.

— მიყვარს და მაგრე?!. არ ვიცი, ესე შეეძლება ვისმე კაცი შეიყვაროს, როგორც მე კიკო მიყვარს!..

— მაშ რას ნიშნავს შენი წერილი?... ან უარი რად უთხარი, ან კიდევ რად ატყუებ: „არ მიყვარხარო“?!.

— როგორც გატყობ, მამა-ჩემო, შენ ბავშვი ჰყოფილხარ, ჩემზე გამოუცდელი. „არ მიყვარხარ“ იმისთვის მივსწერე, რომ უარის თქმა მინდოდა. რომ მიმეწერა: „მიყვარხარ, მაგრამ მაინც ცოლად ვერ

გამოგყვები“, მაშინ კიკო, ხომ შემიზიზ-
 ლებდა, შემიძულებდა?... რას იფიქრებ-
 და?... ეს კი არ მინდოდა, რომ კიკოს
 შეევძულებოდი და ჩემზედ ცუდი აზრი
 შეეყენებინა. ცოლად კი, აჟუმცა მიყვარს
 კიკო, რატომ არ მინდა გავყვე, ამაზედ
 კი, არ ვიცი, რა გიპასუხო. იქმნება იმი-
 ტომ, რომ შენი ქალი ვარ და... მამა-
 ჩემო, რა დაგემართა?!.—უეცრივ შეს-
 წყვიტა ლაპარაკი და მამას მოეხვია, რო-
 დესაც თვალი შეასწრო, რომ იმის ლა-
 პარაკის დროს ვახტანგი მთლად გაფით-
 რებულიყო და გამოშტერებული თავის
 ქალს შესცქეროდა...

—ჰო!.. არაფერი... განაგრძე... ცო-
 ტა წყალი კი დამალევენე!..—შუბლზედ
 ხელი გადისო და გრძლად ჩაისუნთქ-
 ამოისუნთქა. თეკლე კი წყალისთვის
 გაიქცა.

სულ რამდენისამე საათის წინად ამა-
 ყობდა თეკლეთი. თავი მოჰქონდა, რომ
 თეკლე მისი სისხლ-ხორცი იყო. ეხლა
 კი, როცა თეკლე უამბობდა თავის საყვა-
 რელზედ, თითქმის გულიდგან მოიგლიჯა.

ძნელი იყო ამისთვის დარწმუნებულიყო, რომ თეკლე უმწიკვლო არ არის, რომ ის ვისაც შეიყვარებს, თავდავიწყებით არ მიეცემა, მაგრამ, დახე, თურმე თეკლე რანაირად მოქმედობს!... „კიკო შეუყვარდა, — ფიქრობდა ვახტანგი და თან მწარედ იღიმებოდა — „არ ვიცი, ესე შეეძლება ვისმე კაცი შეიყვაროს, როგორც მე კიკო მიყვარსო“ იძახის და თან უარსაც ეუბნებოდა!..“

— არ მოველოდი ამას, არა!.. არ შეგონა, თუ თეკლე ასე მოიქცეოდა და თავისს გრძნობას შეჰბლაღავდა! — წამოიძახა ვახტანგმა და წამოდგა. „მართალია, მე ვეწინააღმდეგებოდი, ძალას დავატანდი, რომ კიკოს არ შეუღლებოდა, მაგრამ, ოხ, რა ბედნიერი მამა ვიქნებოდი, რომ მე... ჩამეფუშა ეგ ქორწინება და არა თითონ თეკლეს. მაშინ თეკლე... ღმერთო, რა დღე დაგვიდგა, რომ აღარც გრძნობა, აღარც გულ-წრფელობა არ არსებობს!.. — მწარედ წამოიძახა და ცრემლებიც კი ჩამოუგორდა ქალარა წვერზედ...“

— მამი, რა მოგდის?! სტირი კიდევაც?!. აჰა წყალი!..—გაოცებით დაეკითხა თეკლე, რომელმაც ამ დროს ჭიქით წყალი შემოიტანა და ძალად დააღვეინა.

— ხომ მხედავ, მამი, მე შენი წინააღმდეგი არა ვარ?! ხომ არა გაწყენინე-რა, რადა ხარ მაგრე დაღონებული, ეგ ცრემლები რას ნიშნავენ?!—აღერსით უთხრა თეკლემ და ხვევნა დაუწყო მამას.

ვახტანგმაც ვერ გაუძლო ქალის აღერსს, თითონაც მაგრად, მაგრად ჩაიკრა თეკლე გულში და ქვითინით მხურვალედ ეხვეოდა. ცრემლები კი ლაპა-ღუპით ჩამოსდიოდა და თეკლეს ლოყებს ეწვეთებოდნენ...

უნდოდა ვახტანგს დილანდელი თვკლე დაებრუნებინა, უკანასკნელი დაჰვიწყებოდა, მაგრამ თეკლეს წყეული სიტყვები: „მიყვარს, მაგრამ უარს ვეუბნები“ საჭკრეთელივით ტვინს უხვრეტავდნენ და ერთ წამსაც არ ჰშორდებოდნენ...

— ეს სიხარულის ცრემლია, შვილო, რომ შენ მაგისტანა ჭკვიანი, გონიერი ქალი მყევხარ,—უთხრა ვახტანგმა ცივად, როდესაც გონს მოვიდა და დარწ-

მუნდა, წინანდელი თეკლე სამუდამოდ დაჰკარგა.

ეხლა ერთი-ლა აწუხებდა: რაც შეიძლება, მალე მოეშორებინა თავიდან...

— მგონი, სამგზავრო მატარებელი ჩქარა მოვა. წადი, ეტლი შეაბმევინე და გაგზავნე, რომ არჩილს იქ ცდა არ მოუნდეს.

— ეხლავე...

— თქმა აღარ გინდა, როგორც უნდა მოექცე არჩილს...

— ჰნახავ, მამი, შენს არჩილს ი სულელ თავს როგორ გამოვუსულელებ!.. მგონი, ამაღამვე ნიშნობა მოვახდინო... — ღიმილით უბასუხა თეკლემ.

— კიკოსაც დაუძახე!.. — ეშმაკურად უთხრა ვახტანგმა თეკლეს, რომ წმიდა გრძნობა მოეგონებინა, რომ ამ მოგონებით არჩილის ცოლობაზედ ცოტა ყოყმანობა მაინც გამოეწვია და შეესყიდა თეკლეს თავისი საქციელი, მაგრამ...

— კიკო ქალაქს უკვე წასულა! გოგომ მითხრა: „კიკო წელან ცხენით სადგურისკენ მიდიოდაო“...

VI

— რაო, რაო?! აღარ გაჰბედოთ მაგის გამეორება, თორემ!.. — გული ყელში მოებჯინა, სიბრაზით ნერწყვი შეუშრა და ველარ განაგრძო ლაპარაკი ალექსიმ.

— გავბედავ კი არა, დაგიმტკიცებ ყოველსავე ჩემ სიტყვას და ცხადად დაგანახვებთ, რა ზნეობის ადამიანია იგი! — უფრო ბეჯითად წამოიძახა ნიკომ, და თვალები სულ აენთო.

— უი, უი!.. თქვენ ილიაზედ ამბობთ, ბატონო ნიკო, მაგას?!. ვანოს მომხრეებს კი ხმა არ ამოედებათ ზნეობაზედ!.. — გარდაწყვეტით მიუგო ქ-მა ქეთევანმა ნიკოს.

— დადიან და ავრცელებენ ტყუილ ხმებს. ხან რას იგონებენ და ხან რას?!.

— ვინ, ვინ?!. — თითქო დასაკრავად მიდისო, ისე წაეტანა ალექსის გაბრო და გონება-დაბნეული გაიძახოდა: „ვინ, ვინ?“

— ეს რა კაცობაა, რომ ჯერ უარი განაცხადა, ისე მედიდურად გამოგორდა და დაიძახა: „აღარ მინდა, აღარ შემიძ-

ლიან ბანკში სამსახურიო“, და მეორე დღესვე კი შესკუბდა და ისევ ისე განაგებდა.—ზიზღით წარმოსთქვა მიშომ.

— გაგიხარდებოდათ კია, რომ მართლა გასულიყო და ვანო დედა-ბუდიანად ბანკში დასახლებულიყო!.. ხა, ხა, ხა!.. თავ-მჯდომარემ როგორ მაშინვე დაურიგა ადგილები!.. „შენ, როგორც მოადგილე, დირექტორების თავ-მჯდომარედ იქმნები, შენ კიდევ მეორე დირექტორად და შენ კიდევ“... ხა, ხა, ხა!.. სასაცილო არ არის ამისთანა საქმე!—ისე ცოცხლად გააჯავრა თავ-მჯდომარეს ანდრომ, რომ თ. ილიას მომხრეებმა სიცილი ასტეხეს. თ. ვანოს მომხრეებს კი ბრაზი მოერიათ და...

ვერც თავს გაუგებდა და ვერც სიტყვებს აღარ ზოგავდნენ, ერს და აღარავის ერიდებოდნენ, ავდნენ ერთმანეთს უშვერის სიტყვებით და კაცი ერთმანეთს აქარნ...

ამ საათს დაჰხედა და თავი გაიქნია. ამე გამხდარიყო. „საქველ-მოქმედო

განზრახვით შეიყარნენ აქ, უნდოდათ რაღაც საქმე გამოერკვიათ და ესენი კი რას გაებნენო“.— გაიფიქრა კიკომ და წასვლა დააპირა.

პირველად იყო კიკო ამ სახლში. მთელ საღამოს ხმა არ ამოუღია და თავსა და ბედს იწყევლიდა, რომ ამ დღეს აქ მოვიდა. აგერ ორი წელიწადი გავიდა, რაც თეკლეს წერილი მიიღო და მას შემდეგ სულ იმის მეცადინეობაში იყო, რომ თეკლეს პირდაპირ არსად შეჭხვედრიყო. ბანკის კრებაზედაც კი არ დადიოდა, რადგანაც ფიქრობდა: „თეკლე უთუოდ ესწრობა და წინ რომ შევეფეთო, მაშინ...“ „ვერიდებოდი ღოღოსსა, დამხვდა ორღობის ბოლოსაო“, სწორედ ეს დაემართა კიკოს. სადაც არ მოელოდა, იქ შეჭხვდა. ამ საღამოს ლევანი შეჭხვედრიდა: „უეჭველად უნდა წამოხტე, მეც იქ მივდივარ. ღარიბ სტუდენტ ფონდზედ იქმნება ლაპარაკი. ან უეჭველად უნდა დავაბოლოვოთ, თი მეტის-მეტად გაჭიანურდო“.

კიკოს არ უნდოდან, მაგრამ უარი

ღარ უთხრა. დანიშნულ ადგილს მივიდნენ; ჯერ რამდენიმე მოსულიყო. დიასახლისმა კიკო გააცნო, ვინც არ იცნობდა და შემდეგ ისევ სხვებთან ბაასი განაგრძო.

არ გასულა ნახევარ საათი, რომ თითქმის ყველანი მოვიდნენ და ყველაზედ ბოლოს თეკლემ შემოაღო კარი. დიასახლისი მიეგება და სათითაოდ ყველანი გააცნო, ვისაც კი არ იცნობდა...

— ღმერთო! — უსიტყვოდ შესძახა კიკომ, და ჭირის ოფლმა დაასხა.

უნდოდა დამალულიყო, მაგრამ როგორ, როდესაც თეკლე დიასახლისმა იმასთან უკვე მიიყვანა.

— კიკო ხეველი! — უთხრა დიასახლისმა თეკლეს...

— ძლიერ სასიამოვნოა ჩემთვის თქვენი გაცნობა. ბევრი კარგი გამიგონია თქვენზე!.. — უთხრა თეკლემ და ხელი გაუწოდა.

კიკომ თავი დახარა, რომ მღელვარება არავის შეემჩნია და თეკლეს გამოწვდილ ხელს ხელი მიაგება...

ხელი დაეწო. ტანში ჟრუანტელმა დაურბინა და მუხლები მოეკეცა.

თეკლეს გაბრუნებას ველარც კი მოუცადა, რომ მოდუნებული სავარძელზე დაეშვა...

— რატომ მაგრე ჩაფიქრებულხართ და ამ გაცხარებულ ბაასში მონაწილეობას არ იღებთ?!—დაეკითხა დიასახლისი კიკოს და გვერდთ მიუჯდა.

— მე?.. არ ვიცი!—დაბნევით უპასუხა და იმისკენ მიბრუნდა.

— თეკლეს სიმშვენიერემ ხომ არ გაგიტაცათ, რომ სულ იმას უცქეროდით?!

— მე?..

— მე შეგამჩნიეთ, უარს ნუ ამბობთ!.. საშინელი მღელვარებაც შეგეტყობთ, ხელი რომ ჩამოგართოთ...

— ვის არ ააღელვებს მაგისი სიმშვენიერე!..— ძალ-დატანებულის ღიმილით უპასუხა მხოლოდ იმისთვის, რომ ეპასუხნა რამ.

— თქვენ არ იცნობთ მაგას, რა ნაირი კეთილი და, ამასთან, ხომ ჰხედავთ, რა

მშვენიერიც არის! მაგრამ, საწყალს, ქმარი მეტის-მეტი უზნეო და სულელი გამოადგა. — უკანასკნელი სიტყვები წუწუნით წარმოსთქვა დიასახლისმა.

— მგონი, მაგის ქმარი, ვიდრე მაგის ქმრად გახდებოდა, მაშინაც სულელი და უზნეო იყო. ამისთვის აქ „გამოადგას“ ადგილი არა აქვს. უთუოდ იცოდა, როგორც იყო არჩილი და ამისთვის ეხლა აღარ უნდა ინანოს.

— რა ვიცი, იცოდა თუ არა, და გინდაც სცოდნოდა, რას იზამდა, როდესაც მამამ მოისურვა. ერთად-ერთი ღირსება მაგის ქმარს ისა აქვს, რომ ძალიან მდიდარია და, ამასთან, გამოჩენილის თავადიშვილის გვარისა. ხომ კარგად იცით, ჩვენი მამები რა ნაირად ყურადღებას აქცევენ ამ ღირსებას?!. თეკლემაც, რაკი დედის - ერთა იყო, აღარ აწყენინა და მამას თავისი თავი მსხვერპლად შესწირა...

— გმირობა ჩაუდენია!..

— თქვენ იცინით და მე კი მაგას სწორედ გმირობას ვუწოდებ...

— გეფიცებით, სიცილის გუნებაზედ სრულებით არა ვარ!...

— მაინც რალაცნაირ კილოთი სთქვით.

— მე, აკი მოგახსენებთ...

— ქალბატონო, პატარა ხანს აქ მობძანდით!— მიჰმართა დიასახლისს მოსამსახურე გოგომ, რომელიც, ის-ის იყო, შემოვიდა და კიკოს სიტყვა გააწყვეტინა.

— ოხ! — სიამოვნებით ამოისუნთქა, დიასახლისი რომ წავიდა, და კუთხე დაიჭირა, სადაც სხვა ველარავინ მოთავსდებოდა. დიდ-ხანს ელოდა: ან ეხლა დაიწყობენ „ლარიბ სტუდენტების ფონდზე“ მსჯელობას, ან ეხლაო, მაგრამ სტუდენტები ვილას მოაგონდებოდა ამისთანა გამწვავებულ ბაასის დროს. როდესაც ბაასმა უკიდურესობამდის მიაღწია, და საათმა, შუა-ღამე უკვე შესრულდაო, უთხრა, კიკო წამოდგა. დიასახლისს თვალი მოჰკრა. მივიდა და ხმა-დაბლივ გამოემწვიდობა.

— გაპარვა გინდათ, ბატონო კიკო, აკი დამპირდით, გაგაცილებთო?!.

— მე?!

— დიახ, თქვენ!.. ოხ, რანაირი გულ-
 მავიწყი ჰყოფილხართ!.. — ღიმილით უთხრა
 კიკოს თეკლემ და დიასახლისს გამოსა-
 მშვიდობებლად ხელი გაუწოდა.

— თუ დაგპირდით, დიდის სიამოვნე-
 ბით!.. — წამოიძახა და მთლად გაწით-
 ლდა.

— აი, თეკლე, დიდი ეშმაკი ხარ!..
 შენ წასვლა გინდოდა და, კიკო რომ
 მიდის, გინდა ისარგებლო...

— რას მეუბნები, გენაცვა! ჩემთვის
 სასიამოვნოა შენთან ყოფნა, მაგრამ ცო-
 ტა უგუნებოდ ვარ. — თითონაც გაუკვი-
 რდა თავის სიტყვებისა. არ იცოდა, რი-
 სთვისა სთქვა ეს.

— დღეს ხომ ვერ მოვასწარიტ ფონდ-
 ზედ ლაპარაკი და მაშ როდისლა შევი-
 კრიბნეთ? — დაეკითხა დიასახლისი თეკლეს
 და კიკოს.

— მგონი, ამ ორიოდ-სამ დღეში ვინც
 აქ არის, ყველა სოფელში წავა და, არ
 ვიცი, ენკენისთვემდის კრების დანიშვნა
 მოსახერხებელია, თუ არა. — უბასუხა კი-
 კომ და კარებზე გავიდა.

— ეს რა უბედურებაა, ამ საქმეს ბოლო ვერ მოვუღებთ?! ეხლა რომ გაგვეთავებინა, ამ ზაფხულს სოფლებში ბევრ ფულს შეაგროვებდა ყველა ჩვენგანი, — დაღონებულის კილოთი წარმოსთქვა დიასახლისმა და თეკლეს საგამომშვიდობისოდ აკოცა.

— განა არ შეიძლება, ფული ამ ზაფხულს მაინც შეიკრიფოს. — უბასუხა კიკომ და მაშინადვე დაუმატა: — ღამე მშვიდობისათ!..

— რასაკვირველია!.. არ დაგვივიწყოთ. მოდით ხოლმე, სოფლიდან რომ დაჰბრუნდეთ.

— ვეცდები!..

VII

— კიკო, ნუ თუ არ გინდა დავიწყო ჩემი ამბავი?! — ხმის კანკალით შეევედრა თეკლე და ახლოს მიუჯდა.

— წმინდათ შევასრულე თქვენი თხოვნა: დავივიწყე ყველაფერი, რაც ჩვენს შორის მოხდა.

— კიკო, გენაცვა, დაანებე თავი მაგ კილოთი ლაპარაკს!.. მოიგონე ის ღამე!.. ღმერთო, ერთხელ მაინც კიდევ გამაგონე ის ნაზის გრძნობით სავსე ხმა და მითხარ: „სამუდამოდ“...

— კმარა, თეკლე... რაც იყო, ის აღარ დაბრუნდება... შენი წერილი რომ მივიღე, კინალამ გავგეჟღი... ისე შემძულდა ჩემი თავი, რომ კინალამ თავი მოვიკალ. გიჟსავით ვიძახდი: ისე როგორ გავკადნიერდი, რომ თეკლეს, ციურ არსებას, ჩემის ჭუჭყიანის ხელით შევეხე. რამდენადაც ჩემ თავს ვამცირებდი, იმდენად შენ გამაღლებდი. მაგრამ, ოხ, ღმერთო, რად მოხდა ეს?!... ნეტავი, ნეტავი სულ ისე ყოფილიყო: ჩემი თავი საძაგლად მეცნო და შენ კი.... ისევ ის თეკლე ჰყოფილიყავი ჩემს წარმოდგენაში!... მაგრამ, იმას ვამბობდი, სურათი სულ შეიცვალა, როდესაც შევიტყე, რომ შენ არჩილის, იმ სულელის და, უკაცრავად, ბრიყვის მეუღლე გაჰხდი!.. ჩემს წარმოდგენაში შენ ჩემი ადგილი დაიჭირე და მე კიდევ—შენი. შენ დაეცი ჩემ თვალში

და მე კი ავმალლდი... ოხ, ნეტავი სხვა, ჭკვიანი შენი ღირსი შეგერთო ვინმე! მაშინ მე ისევ შენი თაყვანის-მცემელი ვიქმნებოდი... ეხლა კი...

— კიკო, მაკმარე!... გეფიცები ძალა იხმარ...

— გაჩუმდი გაჩუმდი!... სხვა რომ მოატყუო, მე ვერ მომატყუებ... შენ სრულის შენის ნებით და, ამასთან, სიხარულითაც მისთხოვდი! შენ შეჰლახე შენი წმინდა გრძნობა, შენი ადამიანობა და სიმდიდრეს და გვარიშვილობას მიჰყიდე.

— კიკო, გევედრებდი მაპატიე! მე თითონ ვიტანჯები. ვგრძნობ, რა საზიზღარი ნაბიჯი გადავდგი, როდესაც შენ წერილი მოგწერე. ის არ მოგწერე, რასაც გული მეუბნებოდა. გონებას დავემორჩილე... წმიდა გრძნობა სიმდიდრეზე, პატრის-ცემაზე გავცვალე. ამას მართალს ამბობ. მაშინ მართო გრძნობა არ მაკმაყოფილებდა. მეგონა, გრძნობა შორს ვერ წამიყვანს-მეთქი. მაგრამ ეხლა კი ვხედავ, ჩემო კიკო, რა შეცდომა, რა დანაშაულობა ჩავიდინე. რაც ჯვარი და-

ვიწერე, ერთი წამიც არა მქონია ტკბილი. გებრალეობდე, კიკო, ხომ ერთხელ მაინც გიყვრადი! ეხლა სიმდიდრე, პატივის-ცემა, დიდი გვარის რძობა მაქვს, რასაც ჩემი გრძობა ვანაცვალე, მაგრამ, ოხ, ღმერთო, თანაგრძობა აღარა მაქვს! სიმდიდრესთან გულის სილატაკე, სიცალიერე, მარტოობა შევიძინე... კიკო, ვერ წარმოიდგენ, რა მტანჯველი, მქეჯნავი ყოფილა მარტოობა, გულის სიცალიერე! — გულ-ამოსკვნით წამოიძახა და ქვითინი მოართო.

— სააქაოსვე ჯოჯოხეთი, — განაგრძო თეკლემ ქვითინით, — გავიჩინე მე უბედურმა!.. და შენც... კიკო, კიკო, ნიშნს მიგებ!.. არ მეგონე... აჰა, დასტკბი ჩემის ტანჯვით!..

— თეკლე, გენაცვა, დაჩუმდი!.. — ცრემლებმა მოულობო გული და ხვევნა დაუწყო...

— თეკლე, ჩემო კარგო, გაჩუმდი! — თითქმის ტირილით უთხრა და გულში ჩაიხუტა...

— კიკო, კიკო, კიდევ გამაგონე ეგ



ხმა!... ახ, რა ბედნიერი ვარ!.. რა ტკბილია ეს წამი... თბილი, ნეტარი!..—აღტაცებით გაიძახდა თეკლე და თან კიკოს ახლა თითონ იკრავდა გულში, თავზე, შუბლზე ჰკოცნიდა...

— ჩემო კიკო, ჩემო, ჩემო, ხომ სამუდამოდ ასე ვიქნებით?! ბედნიერები... კიკო, კიკო!..—ჩაჰჩურჩულებდა ნიავსავით კოცნის ღროს თეკლე... კიკო კი მოდუნდა, მოიქანცა და პასუხის მიცემის თავი აღარ ჰქონდა...

— ჰო!.. თეკლე!.. ჩემო...—აჰკვნესდა კიკო ძალა-გამოცლილი...

— კიკო, კიკო!.. ჩემი ხარ, განა?! ჩემი, ჩემი, ჩემი!..

— ჰა?!. 'შენი?!. ჰო!.. არა... მერე!..—უეცრივ მოიკრიფა ძალა და ზეზე წამოდგა.

— წავიდეთ!..

— მოიცა, კიკო, რატომ მაგრე შეიცვალე? ხომ ჩემი ხარ?!.

— მერე!.. მერე!.. წავიდეთ ეხლა!..—უპასუხა გადაწყვეტით და კარებთან ელექტრონის ზარის ღილს თითი დააქირა.

— ორ საათზე ჰკეტავენ „პურ-ღვინოს“. ეხლა კი, აი, მესამეც, ჩქარა შესრულდება, — უთხრა კიკომ და საათი აჩვენა.

— მოხუცო, რა გერგება?! — დაეკითხა კიკო მოსამსახურეს, რომელიც ზარის დარეკაზედ საჩქაროდ კაბინეტში გაჩნდა.

— ორი მანეთი.

— აი, აქეთ მობძანდით, იქით კარი დაკეტილია! — მოახსენა მოსამსახურემ და ეზოსკენ გასავალი კარი მარდად გაუღო.

VIII

— ეეებ!.. — გაახილა თვალები თუ არა, თეკლეს გულის სიღრმიდგან აღმოჰხდა ეს ხმა.

რად?.. თითონაც არ იცის. ჰგრძნობს, რომ ძალიან იქეჯნება, გული დახურული, დაბეჭდილი აქვს; ტანი მოშლილი, გონება დაბუნდოვებული და სული ხომ...

— ეეებ!... — კიდევ ამოჰხდა გულიდან თეკლეს და თვალები წყლით აევსო.

განძრევა უნდოდა. თუმცა ერთი წყვილი ცრემლიც გადმოჰვარდა, პირველ წყვილს მეორეც მოჰყვა, მაგრამ ჩუჩუნიც

არ მოილო; ხელის აღებაც ეზარება, რომ თვალები მოიწმინდოს. თითქოს, მთელი ტანი დადამბლავებული ჰქონდესო, ისეა ლოგინში მოღეშილი...

რადა?..

არ იცის. ეხლა თეკლე ისეთ მდგომარეობაშია, რომ არავითარი აზრი თავში არ ებადება: არც წარსული, არც აწმყო იმისთვის არ არსებობს, და არც რამ ახსოვს...

რად?..

არ იცის. პასუხის მოგება ვერ შეუძლიან. ან-კი როგორ მოგცემსთ პასუხს, როდესაც გონება დაჩლუნგებულია, დადუნებული?!

ჰგრძნობს მხოლოდ ერთს: სხეული, გონება, გული, სული მოდამბლავებული აქვს და...

— ღმერთო, ღმერთო!.. ერთი წვეთი მაინც!.. ერთად-ერთი წვეთი! — მთელის სხეულის მოკუმშვით წამოიძახა თეკლემ და მღუღარება გადმოჰხეთქა.

გონება გადაეწმინდა და სხეულიც მოძრაობაში მოუვიდა. ეხლა კი შეუძლიან

პასუხის მოცემა. „ერთი წვეთი მაინც!“ —
აი, პასუხი.

„ერთი წვეთი მაინც“ თანაგრძნობისა
რომ იყოს, მაშინ თეკლეს სული და
სხეული გადიშლებოდა, აღფრთოვანდებოდა და...

— კიკო, კიკო, ნუ თუ ჩემს შეცდომას არ მაპატიებ?! — ლოგინში წამოჯდა და, თითქოს წინ უდგას ვინმეო, ისე შეევედრა.

მოაგონდა წინანდელი ღამე. მოაგონდა, როგორ ივახშმა კიკოსთან ერთად „პურ-ღვინოში“ და იგრძნო კიდევაც, რომ ის, თუმცა ბოლოს დროს ეხვევოდა, ეალერსებოდა, გულ-წრფელი არ იყო.

— იქნება მართლა კიკომ მაპატივა და ისევ დაუბრუნდა ჩემი სიყვალული?! — წამოიძახა და ზარი დაურეკა მოსამსახურე გოგოს.

— რა გნებავეს, ქალბატონო?!.

რისთვის დაურეკა ზარი, რისთვის დაუძახა გოგოს?!. არ იცოდა. დაიბნა მოსამსახურის კითხვაზედ.

— რა მნებავს?! რა ვიცი, რა მნებავს?!
ჰო, მართლა, არჩილი შინ არის?!

— არა. წუხელის არ მოსულა.

— წუხელის არ მოსულა... ჰო... მართლა, რა დროა?

— ათი საათი გახლავსთ.

— ეხლა კი მომაგონდა, რისთვის დაგვიძახე: წერილი ხომ არავის მოუტანია?!— დაეკითხა თეკლე და ლოგინიდან იატაკზე ჩამოვიდა.

— როგორ არა, ქალბატონო, ვილაც ბიჭმა მოიტანა და სთქვა: ქალბატონს კნენას გადაეციო...

— მოიტა ჩქარა, ჩქარა!..— დაბნევით უთხრა და თითქმის კისრის კვრით გააბრუნა მოსამსახურე გოგო...

— კიკოსგან იქნება, კიკოსგან!.. წუხელის მითხრა: „მერე, მერეო“. ღმერთო, რას მომწერდა?!. იქნება, დაუბრუნდა უწინდებური სიყვარული და... ღმერთო, ღმერთო!.. ვუყვარვარ ისევ კიკოს, მე იმისი ვიქნები და ის კიდევ ჩემი!...— ნაწყვეტად გაიძახოდა და ოთახში პერანგა, ფეხ-შიშველა დარბოდა...



— ოხ, რა ბედნიერი ვიქნები!..

— აი!.. — შემოიტანა ამ დროს მოსამსახურე გოგომ წერილი და გაუწოდა...

— კარგი, წადი!.. — კონვერტი გამოჰგლიჯა ხელიდან და გოგო დაითხოვა.

„ჩემო თეკლე, — დაიწყო წერილის კითხვა ტანის კანკალით: — მე ჩავუკვირდი ჩემს თავს, ჩემს გრძნობას და, ვფიცავ ზეცას, მთელ ღამეს არა მძინებია. სულ ჩემ გულს ვუკვირდებოდი. მინდოდა, წამიერი გულისთქმა ძრიელ გრძნობად გარდამექმნა, რომ შენს უკანასკნელ კითხვაზე „ჰო, შენი ვარ სამუდამოდ“ მეთქვა, მაგრამ...“

„დაივიწყე, ჩემო თეკლე, ყველაფერი, რაც ჩვენს შორის...“

თვალთ აუჭრელდა, თითები მოუდუნდა, და წერილი ხელიდან გაჰვარდა.

„ჩემი წერილი... რაც მე მივწერე... კიკო, კიკო?“ — კვნესით წამოიძახა და ორსავე მხარეს ჩამოშლილ გიშრის ფერ, ხშირ ხუჭუჭა თმას, რაც ძალი და ღონე ჰქონდა, დაეჯაჯგურა.

— ღუდუკის ხმა!.. ეტლი ჩვენს კარებ-



თან შედგა!.. ვინ... ზარის ხმაც!—ნაწყვეტად გაიძახდა თეკლე, როდესაც ქუჩიდან დუდუკის ხმა შემოესმა და რამდენიმე ეტლი იმათს კარებთან შედგა.

სარკმლიდან უნდოდა გადაეხედნა, მაგრამ ამ დროს შემოესმა კიბეებიდან ფეხის ხმა და „ჩაჰბერე, კიკლი, ჩაჰბერე!..“ ძახილი და...

— არჩილი, არჩილი! — წამოიძახა და სასოწარკვეთილი იქვე ჩაეხვია.

— ლეკური, ლეკური! — დაიღრიალა არჩილმა, როდესაც ბრახა-ბრუხით, კარებების შემოჯახუნით შემოვიდა ზალაში, და თითონ კი თეკლეს ოთახისკენ წამოვიდა.

მედუდუკეთ ლეკური გააჩაღეს. არჩილმა კი ორივე ხელები თეკლეს ოთახის კარებს ზედ მიწყვეტით მაგრად ჰკრა.

კარის ორივე ნახევარი უეცრივ შეიღო და...

— არჩილ! — შეჰყვირა ზიზლით, ფეხზედ წამოქრით თეკლემ, როდესაც კარებში გაღეშილი არჩილი გამოეცხადა, და გაქცევა დააპირა.



— ოხ, ჩემო თეკლე, ჯერ არ ჩაგიცვამს?! ჰა?! ოხ, რა მშვენიერი ფეხები გქონია! — ნერწყვ-მორეულმა წამოიძახა და ხელი წაატანა თეკლეს ფეხს. დაკუზვის ღროს პირქვე დაეცა, მაგრამ ფეხში მაინც სწვდა და მაგრად დაიჭირა.

— არჩილ, რას შვრები! — შეუტია და მაგრად გამოსწია ფეხს, მაგრამ ვერას გახდა.

მდულარე გადაესხა, დაიფუფქა. უნდოდა, იატაკი ჩანგრეულიყო და შიგ ჩავარნილიყო, რომ სხვას მაინც არ დაენახა ეს სურათი, მაგრამ იმის სურვილი არ ასრულდა: იატაკი არ გასქდა, არ ჩაინგრა და არჩილის ამქრებიც ღრექით შემოიციქრებოდნენ. არჩილი კი ენა-დაბნევით გაიძახდა: „რა ფეხებია, რა ფეხებია!“ — ო და ჰლოშნიდა თეკლეს ფეხს.

კიდევ შეეცადა ფეხის წართმევას, გამოსწია ფეხს, მაგრამ ღონე-მიხდილი იქვე სავარძელს მიესვენა...

— სულ ერთია!... — ამოკვნესით წამოიძახა და ქირის ოფლი შუბლიდან ხელის გადასმით გადაიწმინდა.

ეხლა სულ-ერთი იყო იმისთვის. ესე
პერანგაც რომ გამოეტანათ შუა ზალაში
და ეთრივნათ, ამასაც გულ-გრილად,
უგრძნობლად გადაიტანდა.

9 მაისი—97 წ.
სად. ვაზიანი.

„ეჰ!...“

(სურათი)

აღარა ახსოვს-რა გეგესა. გაშმაგებული
გამორბის ტყიდან და პირდაპირ ვენახის-
კენ. თითქოს თავის იქ ყოფნით კალთას
გადაათარებდა და თავს ააცდენდა განად-
გურებას...

კივის მიდამო. დედამიწა შეძრწუნდა.
კენესა, ტირილი, ხარხარი მიდამოსი აირია;
თავზარ-დამცემი გრგვინვა-ლა მოისმის.
გეგე მაინც გარბის. ჩოხის ძველა შემოუ-
კალთავებია. ფეხ-შიშველა, დახვრეტულ
შავ-პაჭიჭებში, მთლად გაზუნზლული,
ოდნავ წელში მოხრილი მირბის. მას არა
ეყურება-რა. შექალღარავებულ თმა და
წვერ-ულვაშებიდან წყვილი მისი თვალი
გამოაკვებსებს, და მხოლოდ ერთი სურვი-
ლის ამოკითხვა-ლა შეგიძლიანთ: „დროით,
დროით მივიდეს თავის ვენახთან“...

უეცარი გრიგალი უეცრივეე მოის-
პო. დამშვიდდა მიდამო. ოდნავ ფოთლის



შრიალი-ლა მოისმოდა და მცენარეებიდან
ჩამონადენი წვეთების წკაპა-წკუპი...

სწორედ ამ დროს მიიღბინა თავის ვე-
ნახამდის, — მარგილის თავს ხელი წაავლო
და ფეხი შეაღერა გადასახტომად, მაგრამ
სხეული სულ მოუღუნდა და ქარაფაფა
ძეძვის ღობეს მოწყვეტით გულით მიეყ-
რდო. ორივე ხელებით დაყრდობილი,
პირ-გამშრალი გადასცქეროდა თავის ვე-
ნახს და ერთ-წამს მოსაზრება შეუდგა...

სჩხვლეთავდა-ლა ქარაფი?! არა ჰგრძნო-
ბდა. მის თვალ-წინ გადაშლილმა სურა-
თმა შებოქა გრძნობა და მოსაზრება მი-
სი... მხოლოდ სარები (ჭიგოები), მხო-
ლოდ სარები და გაროკილი ხეები-ლა
იყო ვენახში. დანარჩენი ყოველივე: ვაზი,
ხის ტოტები — ფოთლითურთ, სეტყვის
კაკლები ერთმანეთში იყო აღუფხული
და აქა-იქა მოგროვილი! ბალახიც კი გა-
ნადგურებულიყო, თორემ სხვას ხომ სი-
კეთე არ დაჰყროდა...

„ვაიმე, ვაიმე!..“ — ტუჩების ოდნავ
ცმაცუნით მოსისინებდა მისი ხმა. მეტის



თქმა აღარ შეეძლო. ყოველივე ამ უნებ-
ლივ ამოკვნესაში იხატებოდა.

ვენახი იყო მისი მასაზრდოებელი. ყო-
ველი მცენარე, ბალახიც კი ნაცნობი
იყო, ყოველივეზე დიდი ამაგი ჰქონდა.
მას უვლიდა, თავს ევლებოდა, და იმის-
განვე ცხოვრებას მოელოდა. მთელი
წლის სარჩოს ვენახი აძლევდა. მტერ-
საც, მოყვარესაც ვენახი უსტუმრებდა.
ეხლა?!

გზირი, მამსახლისი, მეველე, მენახირე,
მეჯოგე, ჩაფრები, ბოქაული, მღვდელი,
რომელთაც აკმაყოფილებდა ამ ვენახის
შემოსავლით, მის თვალ-წინ აირივნენ.
ეხლა ჩარეგვილი ვენახი კი არაა გადაშ-
ლილი, იგინი ირევიან. ცხადად ჰხედავს
იმათ მრისხანე სახეს, იმათ მოძრაობას,
სახრეებს, მათრახებს, იმათი ხმა მკაფიოდ
მოესმის... ოხ, ოხ, რამდენი ლანძღვა,
გინება, დამცირება!.. ღმერთო!..

აგერ მისი დაწიოკებული ცოლშვილი
თავზარდაცემული მას შესცქერის და იმის-
გან მოელის შველას, მაგრამ...

ისევ ვენახი გადაეჭიმა. ისევ მხოლოდ



გაროკილი ხეები და სარები დაინახა და სასოწარკვეთილებით წამოიძახა:

— ღმერთო!.. — და ზეცას მიაპყრო მორღვეული თვალები. მხოლოდ ღვთისგან-ლა ელოდა შევლას. სასოებით მას მიჰმართა და...

სწორედ ამ დროს დაგლეჯილ ღრუბლებიდან მზემ ღრეჯით გამოუქყვიტინა. მწუხარე გეგეს მზე მხიარულად მიეგება, და ამ გარემოებამ იგი სულ დაამცირა. ზეციდან-ლა მოელოდა თანაგრძნობას და ზეცამაც იგი მასხარად აიგდო. მთლად განადგურებლი, ისე, როგორც მისი ვენახი, იქავე უნუგეშოდ ჩაეხვია და ღობის ძირას მიგროვილ სეტყვის კაკლის გროვას მიესვენა.

მზის ღრეჯაზედ დედამიწამაც ღრეჯა დაიწყო: აქა-იქ გუბეები, სეტყვის კაკლის გროვა ბჭყვრიალებდა, თვალს უჭრიდა თვალთა მქონთ; ფერდობებიდან კიდევ ნიაღვრის წყალი ტკბილად, თითქოს რამდენიმე წუთის წინად არავითარი ვნება არავის მისდგომიაო, ჩამოჩხრიალაბდა და მოეღვარებდა....



— ეჰ!.. — ამ სურათმა უნებურად ხელის ჩაქნევით გულის სიღრმიდგან ამოათქმევინა.

რას მოასწავებდა მისი „ეჰ!“, რომ გეკითხნათ, ვერ აგიხსნიდათ. იგი განრისხებული სწრაფ წამოდგა და საჩქაროდ თავის გარეგვილ ვენახს მოჰშორდა...

„ბედნიერება მხოლოდ მაშინ ვიბრძენ!...“

I

„... — იცი, ჩემო მეგობარო, — დაიწყო
ერასტიმ, — როდესაც ჩვენ შემთხვევით
შევხვდით კარგა ხნის უნახავები და ერთ-
მანეთს ავ-კარგი გამოვკითხეთ: „ბევრ-
ჯერ, ძალიან ბევრჯერ უთქვამთ ჩემს
მშობლებს და ნათესავებს, სხვებსაც:
„ღმერთმა გაგაბედნიეროსო“, და მეც
გულში მსიამოვნებია... ბევრჯერ, ძალიან
ბევრჯერ სმის დროს სავსე ჭიქით მოუ-
მართავთ ჩემთვის და უთქვამთ, შენც კი
რამდენჯერმე გითქვამს: „შენ საბედოს
გაუმარჯოსო“!.. გამხარებია და გულის
ფანცქალით თვალ-ყური მიდევნებია: ვინ
გამოსცლიდა სავსე ჭიქას ამ სადღეგრძე-
ლოს დროს და ვინ არა. რა სიამოვნე-
ბით გიახლებოდნი სამადლობელს მის მა-
გივრად!.. გაბედნიერება ჩვენში, ხომ იცი,
რასაც მოასწავებს?! მეც აგრევე მეგონა.

მოუთმენლად ველოდი, როდის იჩენდა თავს ჩემი საბედო, რომ გავბედნიერებულნიყავ. აკი ერთხელ, ამ სამი წლის წინად შევხვდი ერთს ასულს, რომელიც პირველ გაცნობაზედვე თვალში მომივიდა. ერთი ორჯელ კიდევ ვნახე და უფრო მომეწონა. მოწონება სარჩულად სიყვარულს ედება ხოლმე, და მეც ასე დამემართა. მშვიდი, წყნარი, გულ-კეთილი და ამასთან მარილიანიც. კაცი ვერ იტყოდა, გასაგიჟებელი სილამაზისააო, და ვერც წინააღმდეგს, ესე იგი, ულამაზოაო. მოკლედ რომ გითხრა, ჩვენი დროის სილამაზისა იყო. მაგრამ გარეგნობას ვინ აქცევდა ყურადღებას?... სული, სული და სული!... აი, ჩემო ელიზბარ, რამ წარმიტაცა. კრავი იყო, კრავი...

„...ასაკში მოსულმა, საცოლოდ ყელ-მოღერებულმა უსიტყვოდ წამოვიძახე: „აი, ჩემი საბედო, მეთქი“ და საბედო ბედათაც გადავაქციე. ჩქარა მისი მშობლები გავიცანი და ჩქარაც ყოველივე ჩემი გარდაწყვეტილება მათ გავაგებინე. უფრო ჩქარა მე და ჩემი ელისაბედი დაცოლიქმა-



რებულნი ამავე დღეს ჩემ მამა-პაპეულ მამულში გავემგზავრეთ...

„...ქ. ქუთაისში რომ ვყოფილიყავ და იქაური ქალი მეთხოვნა, ჯვარის დაწერამდის უკვე ყოველისფერი მეცოდინებოდა უსახელო წერილებით ჩემი მიჯნურის შესახებ. მაგრამ, ჩემდა საუბედუროდ, ყოველივე ეს ტფილისში მოხდა და მეც სწორედ ტფილისისებურად ფილოსოფიურად ხელი ჩავიქნიე და არც კი ვაგრძნობინე, თუ ყოველივე შევიტყე. „იქნება უმგზავს, საზიზღარ არსების მსხვერპლია და, ნუ თუ,—მე ვფიქრობდი მაშინ,—ამისთვის უსაბედო მსხვერპლს ხელი უნდა ვკრა?...“ არც ის ჩაეთვლება დანაშაულად, რომ ჯვარის წერამდის არა მითხრა-რა, რადგანაც ჩემი ელისაბედი მეტის-მეტად კდემით მოსილია და ვერ გამიბედავდა, მეთქი... მაგრამ, წარმოიდგინე, ჩემო ელიზბარ, ამ ჩემ ფილოსოფიურ ხელის ჩაქნევას არა ფილოსოფიური შედეგი მოჰყვა...

„მე ხომ არაფერი ვაგრძნობინე, სამაგიეროდ აღერსს უფრო ვუმატე, მაგრამ



ჩემი ელისაბედი, ეს კრავი, წყნარი და მშვიდი ზღარბად გარდიქცა: რამდენადაც ალერსს ვუმატებდი, ის უფრო ეკალს უშვებდა და მაშინებდა მასთან მიახლოვება...

II

„...ჩემო ელიზბარ, ნურას დროს ნუ გეგონება, ვითომც გასათხოვარი ქალის ხასიათი გაიგევი. ქალის ხასიათს მხოლოდ მაშინ გაიგებ, როდესაც ცოლად შეერთავ. მეც მეგონა, ელისაბედს კარგად ვიცნობ, მეთქი; მაგრამ, როდესაც მასთან სამუდამო კავშირით შევეერთდი, მხოლოდ მაშინ ვიცანი ნამდვილი ელისაბედი, მხოლოდ მაშინ შევიტყე, რაც იყო ნამდვილად ელისაბედი, რა ხასიათების პატრონიც იგი იყო...

„დღე დღეს მისდევდა, კვირა კვირას და მე და ელისაბედი კიდევ ერთმანეთში სიძულვილს ვუმატებდით. მაგრამ, არა, არა!... მხოლოდ ელისაბედი უმატებდა. ძმობას გეფიცები, ელიზბარ, ჩემ მხრივ არავითარი მიზეზი არ იყო, რომ ელისა-

ბედი ისე მომქცეოდა. რა ვიცი, თუ ალერსი და სიყვარული სიძულვილს დაჰბადავს, მაშინ მეც დამნაშავე ვყოფილვარ! მეტი დანაშაულობა მის წინ არა მიმიძღვის-რა. ნეტავი ეთქვა ჩემთვის, რა მიზეზით შემიძულა პირველი დღიდანვე და, ვფიცავ ყოველივე სიწმიდეს, თუ კი რაიმე სიწმიდე არსებობს კაცობრიობაში, მე მყისვე, თუ კი ჩემ ხელთ იქმნებოდა, მოვსპობდი. მაგრამ მე ჩემი ვქმენ და იმან თავისი და არ მითხრა ყოველ ჩემ კითხვაზე, თუ რაა მიზეზი, რომ მაგრე მექცეოდა. ის მოკლედ მიპასუხებდა: „თავიდან მომშორდი!.. რას ჩამციებიხარ“-ო. რა უნდა მეთქვა?! მეც გაჩუმებული, გულჩაწყვეტილი ვშორდებოდი და სასოწარკვეთილი... მეგობარო, მაშინ უნდა გენახევი, რომ ჩემი მწუხარება ამოგეკითხნა, შემომეჩივლნა შენთვის. ეხლა კი იმდენად არც ენა მიჭრის და, თუნდაც ენა მიჭრიდეს, აღარც ის გრძნობა ექმნება, რომ მოგიყვე. წარსული ვაება ყოველთვის ცოტათი გაქარწყლებულია ხოლმე შემდეგში. ამისთვის წარსული ჩემი ტან-



ჯვის აღწერვით არ შეგაწუხებ... მაგრამ, ჩემო ელიზბარ, იქმნება ჩემი მოთხრობით თავი შეგაწყინე?! — უეცრივ შესწყვიტა სიტყვა და საშინელის მოწყენილის სახით დამეკითხა:

— ერასტი, თუ მაგრე გგონია, შეწყვიტე შენი მოთხრობა!.. — გულწრფელად ვუბასუხე ერასტის.

მე და ერასტი ერთად შევიზარდენით ბავშვობიდანვე, თითქმის ერთადვე დავამთავრეთ სწავლა უცხოეთში და ამ დროის განმავლობას ყოველთვის მეგობრებად ვითვლებოდით. მხოლოდ სწავლის დამთავრების შემდეგ დავშორდით ერთმანეთს და ერთმანეთისა აღარა ვიცოდით-რა.

ეხლა რამდენიმე წლის დაშორების შემდეგ შევხვდით და ნუ თუ მე გულმოდგინედ არ მოგისმენდი ჩემი ძველი მეგობრის თავ-გადასავალს?!

ეს შემატყო ერასტიმ და თითქმის ბოდიშის მოხდით გასაგრძო: „ჰო, იმას გეუბნებოდით: მთელი წელიწადი გავიდა ჩვენი დაქორწინების შემდეგ და მე მაინც ვერ შევიტყე მიზეზი იმის სიძულვილისა. რაღა

დამრჩენოდა?! დაემორჩილდი ჩემ ბედს და, ხშირად რომ თვალში არ წაფხიროდი და სიძულვილი უფრო არ გამემწვა-ვებინა, ვარჩიე იშვიათად შევხვედროდი. გადავწყვიტე და კიდევაც ამ გადაწყვეტილების განხორციელებას შევუდექი; მთელი კვირაობით და ორ კვირაობით თოფით ხელში ტყეს და ველს ვაძლევდი თავს. ნულარ მკითხავ, რანაირი ცხოვრება მქონდა ნადირობის დროს?!. არ დაიჯერებ, ელიზბარ, ორი წლის განმამავლობაში არც ერთხელ თოფი არ მისროლია ნადირისათვის. სანადიროდ დავდიოდი და ნადირს კი არ ვეძებდი, ელისაბედის განშორებას...

„კვირაში თუ ორ კვირაში ერთხელ ვბრუნდებოდი სახლში და...“

— ოხ, მონადირეს გაუმარჯოს! ნანადირევისათვის ურემი გავგზავნოთ?!.— ზიზღით მომესალმებოდა ხოლმე ელისაბედი...

„მე ხმა გაკმენდილი შევდიოდი ჩემ ოთახში და თავ-რეტ-დასხმული ძაღლივით მივეგდებოდი. ან კი რა უნდა შეპა-

სუხნა?! ეხლაც რომ დავუფიქრდები და ჩემ თავს ვეკითხები: „რა უნდა მეპასუხნა იმისთვის“, პასუხი ვერ მომიძებნია....

„სულ გადვიკარგებოდი სადმე, მაგრამ, ეს ოხერი ჩვენი ცხოვრება, ჩვენი ჩვეულება მაყენებდა... თითონ მეც, მართალი გითხრა, არ მინდოდა მამა-პაპის ოჯახის, ძველი ჩვენი ოჯახის სანთელი გამექრო. მხოლოდ ეს მიკავებდა, და ნადირობიდანაც კვირაში, თუ ორ კვირაში ერთი-ორი დღით ვბრუნდებოდი სახლში, რომ ბიჭებისთვის რაიმე განკარგულება მიმეცა. ცხოვრება საჭირო იყო...

„ხომ იცი ჩემო ელიზბარ, ყოველთვის წინააღმდეგი ვიყავი მოხელედ ყოფნისა. მეტის-მეტე შეცდომად ვთვლიდით და ვთვლი, თუ კი ცოტაოდენი მამული ვისმეს აქვს, მოხელედ შევიდეს. ამ აზრისა ვიყავი და კიდევაც ასე ვიქცევოდი. მამა-პაპათ დამიტოვეს კარგა მამული, მომცეს შესაფერი სწავლა და ჩემ მხრივ დიდი ცოდვა იქმნებოდა აქეთ-იქით მერბინა, არ მომეწოლო ამ მამა-პაპეულისთვის და ჩემი ცოდნა მოძმესათვის არ გამეზიარე-

ბინა: ვიმეორებ, მხოლოდ ეს მიქერდა და არ გადავიკარგე. ერთ ლუკმა ჰურს ყველგან ვიშოვნინდი საზრდოდ. მინდოდა პირ-ნათლად გამოვსულიყავ ჩემ წინაპრებთან და ღირსეულად გადამეცა...

ერასტი საშინლად დაიქმუხვნა. ეტყობოდა, რაღაც მწარე აზრი, საშინლად მწვაფი მოაგონდა. მე გაჩუმებული თვალს ვადევნებდი მის სახის ცვლილებას...

„...ჰო, ჰო, გარდავცემდი და კიდევაც გარდავცემ.—ცოტათი სახე დამშვიდებულმა განაგრძო:—მაგრამ... ელიზბარ, ელიზბარ!... თვალ-ცრემლიანი ერასტი ნიდაყვით მაგიდას დაეყრდნო და ნაწყვეტად განაგრძო: კარგი რამ არის, ელიზბარ, როდესაც... პატარა არსება... შენი სისხლი და ხორცი... ჰო!..—თავი შეარხია, თითქოს აზრების დალაგება უნდაო, წელში გაიმართა და პირდაპირ მზერა დამიწყო.

„სისულელეა ამაზედ ფიქრი,--რამოდენიმე წუთის სიჩუმის შემდეგ დაიწყო ერასტიმ:—მე იმას ვწუხბდი, რომ შეილი არა მყვანდა. ვნატრობდი, რომ შეილი

გვეყოლოდა. იქმნება მაშინ ელისაბედი სხვანაირად მოქცეულიყო, დამტკობოდა...

„ყოველთვის სამწუხაროდ მიმაჩნდა და მიმაჩნია, როდესაც ახალგაზდა კვდება, ქალია ეგ, თუ კაცი, სულ ერთია, რომელთაც თავიანთ მგზავსი ამ ქვეყნად არ დასტოვეს. და არას დროს არ შემებრალეზია და არც შემებრალეზა ის, გინდაც სულ ახალგაზდა იყვეს, რომელსაც შვილი ეყოლა, და თავის მაგიერი დასტოვა ამ ქვეყნად. თითქოს მაშინ ცხოვრებას მეტი აზრი ეძლევა, ცხოვრება შენი, როგორც მამისა, მიზნიანდება... მაგრამ ამას ძალიან შორს მოვეკიდე, და ამის გაყოლა ჩემ ამბავს გაუთავებელს გაჰხდის...

„ასე იყო, თუ ისე, მე ვერც შვილით გავიხარე, — დაიწყო ერასტიმ რამდენისამე წამის სიჩუმის შემდეგ: — სამი წელიწადი ვიცხოვრე იმასთან, და, არ დაიჯერებ, სამჯერ რიგიანად, ტკბილად არ შემოუხედნია. ნეტავი შენა, ელიზბარ, რომ ჯერ ცოლი არ შეგირთავს და...

— მოიცა, ბიძიავ, — სიტყვა გავაწყვე-

ტინე ცოტა არ იყოს წყრომით: — შენი ელისაბედი ხორც-შესხმული ტარტაროზი ყოფილა და რატომ გგონია, ყველა ქალები ელისაბედს ემგზავსებიან?!. ელისაბედისთანა ქალები ძალიან იშვიათნი არიან და სწორედ მებრალეები, რომ შენ შეგხვედრია ელისაბედი...

— ღმერთმა ნუ ჰქმნას, ყველა ქალი ელისაბედს ემგზავსებოდეს!.. მაგრამ არც ისე ცოტანი არიან, როგორც შენ გგონია.

— სწორედ შენი ელისაბედისთანას არ შეეხვედრივარ და არცა მგონია, შეეხვდე.

— აკი წელან ვთქვი: „ქალის ხასიათებს მხოლოდ ქმარი გაიცნობს“, მეთქი. შენ ჯერ ქმარი არა ჰყოფილხარ და ამისთვის...

— თუ მე ქმარი არა ვყოფილვარ, სხვები ხომ არიან, სხვებს ვხედავ, როგორ ტკბილად ცხოვრობენ.

— ეჰ, ჩემო ელიზბარ, დავანებოთ ამას თავი. ერთს კი გეტყვი: ყველა ქმრებმა რომ ჩემსავით გულ-ახდით გაიამბონ, იქნება

ათასში ხუთიც არ იყოს კმაყოფილი თავის მეუღლისა.

მინდოდა მეწინააღმდეგნა, მაგრამ თავი შევიმაგრე, რადგანაც, ვშიშობდი, კამათი გაგვაბამს, და ერასტი ელისაბედის შესახებ აღარას მიაგებოხს...

III

„...ხვალ,—ვეფქრობდი ველად გასული სანადიროდ:—სამი წელიწადი შესრულდება, რაც მე და ელისაბედი დავქორწილდით. ხვალინდელმა დღემ იქმნება გავლენა იქონიოს და შემირიგდეს, თუმცა კი მე არას დროს არ გავწყრომივარ...

„გადავწყვიტე დილა ადრინად სახლში მისვლა, ელისაბედთან მხიარულად მისალმება და ჩვენი ჯვარის წერის დღის მოგონება...

„გადავწყვიტე და იმ წამს სახლისკენ გამოვწიე.

„ჩვენი სახლის ახლო, სულ ხუთი ვერსის მანძილზე მშვენიერი მთიანი ტყეა. ძალიან მიყვარდა და მიყვარს კიდევაც ეს

ტყე. იგია ჩემი ბავშვობის ბედნიერი დღის მოწამე და დიდობის უბედურებისაც. ხშირად, ხშირად ტყის ბაასისთვის შემთხვევითია უმწიკვლო ბავშვური კისკასი და დიდობისას გულის კვნესა! სწორედ ამ ტყის პირას გადავსწყვიტე ღამის თევა და დილით შინ დაბრუნება...

„ის იყო სულდგმულთ ხმაურობა მისწყდა და პირდაპირ მთის მწვერვალიც ოდნავ გაშუქდა, რომ მე მივედი იმ ტყესთან და განაპირას მდგომ ას წლოვან ვერხვის ახლოს მწვანეზე გულ-აღმა დავწექი. თოფი გვერდით მოვიდე, ხელები თავ-ქვეშ ამოვიწყე და ჩემი გონება პირდაპირ მთის მწვერვალმა, რომელსაც თანდა-თან შუქი ეპარებოდა, ჩანთქა.

„ნაზი სინათლე ცაში გაფანტულ ღრუბლებს მიეშუქა და ააფერადა, ოდნავ მბჟუტავ აქა-იქა ვარსკვლავთ ბჭყვრიანება მოაკლდათ, და ჩქარა, სულ ჩქარა სხივიარობა დაჰკარგეს, როდესაც მთის წვერიდან მძიმედ ამოცურდა მთვარე და დედოფლურის ღიმილით არე-მარეს თვალის გადაავლ-გადმოავლო, რამაც ყოვე-

ლივე გააოცნება და ააფრთოვანა, გარდა
 ვარსკვლავთა, რომელნიც შურის თვალით
 შორით უჭვრეტდნენ... ტყე ოდნავ ახმა-
 ურდა დედოფლის გამოჩენაზე და მიესალ-
 მა; მეც დედოფლის მისალმებასთან ერთად
 ჩემს ელისაბედსაც მივესალმე; გული გა-
 დვუშალე და იმანაც სამაგიერო მომიწყო.
 ეს მისალმება დაედო ჩემს ოცნებას სარ-
 ჩულად და მერე სად და როგორ მიმოვ-
 ლო, რა ნეტარება გამოიარა, ამის ამო-
 კითხვა შენთვის მომინდვია...

„კარგია ხოლმე ხანდისხან ოცნებით
 გატაცება. ყოველივე ისე მოძრაობს, რო-
 გორც შენ გინდა, გსურს და წამს გგო-
 ნია, ვითომ სინამდვილეა; ვითომ ყოვე-
 ლივე იმას ოცნება კი არ ამოქმედებს,
 ცხოვრების ჩარხი და შენც სიამოვნების
 ოფლი გასველებს...

„ჩემმა გონებამაც შემოფარგლა დიდი,
 დიდი წრე; ბევრგან, და თითქმის ყველ-
 განაც, ისე შეუხამა მოქმედებანი, სადაც
 ყოველთვის მე გამარჯვებული დავრჩი,
 ყოველივე ჩემ სასიამოვნოდ მოეწყო და
 ბოლოს საიდანაც დაიწყო, ელისაბედი

დამისკუბა თვალ-წინ ყოველივე მისი ღირსებით, და მეც გონს მოვედი; უეცრივ ელისაბედის მოგონებაზე ტანში ჟრუანტელმა დამირბინა, და თვალი არე-მარეს მივაველ-მოვაველე, რომ გონებიდან არა სასიამოვნო სინამდვილე გამედევნა. არე-მარე ისევ ისევ ფანტასტიური იყო: მთები ტყით შემოსილნი, თითქოს ერთიერთმანეთისკენ მიივლტოდნენ სიყვარულით გადასახვევენად და ღელეებში ჩახვეულნი ტკბილად, ტკბილად ეაღერებოდნენ ერთმანეთს; აგერ, თითქოს მათი ტკბილი აღერსი კიდევაც მოისმის, მეტი-მეტი აღელვებისგან ხმა მიჰსუსტებიან და ოდნავ ძლივსლა სისინობენ...

„დედოფალი?!

„დედოფალი კიდევ ცის შუა გულიდან დაჰყურებს და აცხოველებს მათ სიყვარულს; იგი თავის სხივებთან ერთად აწვეთებს სიყვარულს, რომ არე-მარე მთლად სიყვარულად გარდიქმნას, და მეც უბადრუკს, მომხვდა რამდენიმე წვეთი დედოფლისა და, ვაი, ცრემლად გადმოვაფრქვიე...

„მივიხედ-მოვიხედე და მარტოდ ვიგრძენ თავი. გეყურებაა, ელიზბარ მარტოდ, მეთქი?! და ამ გარემოებამ ამიჩუყა გული, ჯერ ჩქარი სუნთქვა ამივარდა, მერე შემიდგა სულ სუნთქვა, და, როდესაც სუნთქვა დავიწყე, სუნთქვასთან ერთად ცრემლი გადმომსკდა ნაკადულად...

„მაგრამ გონებამ ელისაბედი თავის მკაცრის სახით ისევ წინ წამომიყენა და უეცრივ ცრემლი გამიშრა. ვუმზერდი ეხლა ელისაბედს. თან და თან მისი მკაცრი სახე იფერებოდა; იგი ჩქარა დაიფერა და ვითა ეთერი თავს მევლებოდა. მეც გული მომეწმინდა. სიმწვავე, რომელმაც ცრემლი მადინა, გამიქარწყლდა, და ეთერთან ერთად ნავარდობა დავიწყე...

IV

„ღმერთო ჩემო!—წამოვიძახე გონება დაბნევით, როდესაც პირდაპირ მთის მწვერვალს თვალი მოვკარ, რომელსაც თან და თან შუქი ეპარებოდა: „მე კარგად მახსოვს ეს სურათი! — ვიძახდი უსი-



ტყვოდ: ნუ თუ ჯერ... მაგრამ მთვარე
 ცის შუა გულში ვნახე და... აგერ ნაგ-
 ლეჯი ღრუბლებიც!... ეგენიც... —წა-
 მოვჯექ და თვალი მივაავლ-მოვავლე.

„შემომესმა ტყიდან განუწყვეტლივი
 დიადი ჟივილი ფრინველთა. მხოლოდ ამ
 ხმამ გამომარკვია, რომ უკვე თენდებო-
 და, და ჩემგნით ნანახი სურათი მთვარის
 ამოსვლა სინამდვილე იყო. ეხლა კი დი-
 დებული ცის მნათობი ამოდოდა... ხელ-
 მეორედ მივაავლ-მოვავლე თვალი ცას და
 ვიგრძენ განსხვავება ფერებისა, რომლი-
 თაც დიდებული მნათობი აყვავებდა არე-
 მარეს.

„მე ჩამძინებიყო, და ეს ამისთვის და-
 მემართა.— მაგრამ, ელიზბარ, მგონი შენ
 კიდევაც მოიწყინე?!— უეცრად დამეკი-
 თხა ერასტი, და ისევ არც კი მაცალა
 ხმის ამოდება, თითონ განაგრძო: „ახლა
 ჩქარა მოვრჩები ჩემ ამბავს; ბარემ სულ
 დავათავებ, რაკი დავიწყე“...

— თუ ძმა ხარ, ნუ შეამოკლებ, ყვე-
 ლაფერი დაწვრილებით მიაშბე!— შევევე-
 დრე მე.



„—რაც უნდა ძალიან გავაქიანურო, ჩქარა ეღება ამ ამბავს ბოლო...“

„ჰო!...—რამდენიმე წუთის სიჩუმის შემდეგ დაიწყო ერასტიმ:—იმას ვამბობდი. რაწამს გამოვერკვიე, ისიც მომაგონდა, რა განზრახვითაც დაფუახლოვდი ჩემ სახლს, და მაშინვე შინისკენ გავემგზავრე...“

„სოფელში რომ შევედი და მეზობელი გლეხები სალამს მაძლევდნენ, ცოტა არ იყოს მათმა ღიმილმა შემაფიქრიანა, და ჩემ იმედებს ცოტათი ფრთები შეაკვეცა... მივედი სახლში. მოჯამაგირეები და დედაკაციც იმავე ღიმილით დამხვდნენ. მე ვითომ მათ ღიმილს არ ვამჩნევ, პირდაპირ ჩემ ოთახისკენ წავედი. ელისაბედის ამ დროს შეხვედრას არ მოველოდი, რადგანაც იგი გვიან იღვიძებდა. ამისთვის გადავწყვიტე: როდესაც გოგოს დაუძახებს, მეც მაშინ შევალ, მეთქი და...“

„შევედი ჩემ ოთახში. ოთახი, როგორც დავტოვე, ისევ ისე დამხვდა. მაგიდას მოფუჯექ და უეცრივ იქ აყუდებულ წერილს თვალი მოვკარ...“

„ხშირად მოსულა წერილები ჩემ შინ არ ყოფნის დროს, მაგრამ ეგრე არ დამხვედრია.

„წერილები ყოველთვის მარჯვნივ ეწყვნენ ხოლმე, და მაგრე აყუდებული კი არას დროს არ დამხვედრია თვალში წასაჩხირავად. მაშინვე იმ წერილს თავი გადავუხიე ხელების კანკალით და გადაშლის უმალ ჩემი სახელი ამოვიკითხე: „ერასტი, — ასე იწყებოდა წერილი, — მე შენი საქციელის გაძლება აღარ შემძლიან“...

„ხელები უფრო ამიკანკალდა ბრაზისაგან... ჩემდა უნებურად წერილი დავსრისე, დავსრისე და მინდოდა სარკმლიდან მესროლნა, რომ თავი შევიმაგრე. ცნობის მოყვარეობა აღმეძრა. მინდოდა შემეძტყო, ჩემი ელისაბედი კიდევ რას მომწერდა, რომ მომზადებული დავხვედროდი, როდესაც იგი თავის ოთახიდან გამოვიდოდა. წერილი ისევ გავშალე, ნაოქები გავუსწორე და კითხვა დავიწყე: „შენ ხელში ერთი დღე კარგი არ მინახავს. მომეწყინა ამდე-



ნი ტანჯვა და ამისთვის ვარჩიე მოგშორებოდლი...

„ჩემ თვალებს არ ვუჯერებდი. ეს სიტყვები კიდევ, კიდევ და კიდევ გადავიკითხე. „ღმერთო, ღმერთო!... ნუ თუ ელისაბედი მომშორდა?!.“ გავიძახდი ხმა-მალლა და ოთახში დავრბოდლი.

„წერილი კიდევ გადავშალე და თავიდან ბოლომდის ჩავიკითხე. წერილის ბოლოს მწერს: „ერთი ეს თხოვნა მაინც ამისრულე და გამომიგზავნე ნება თავისუფლად ცხოვრებისა ამ ადრესით: ქ. №...“

„უთუოდ მემასხრება, მეთქი“, — გავიფიქრე და მაშინათვე ელისაბედის ოთახისკენ გავექანე. კარი ყუნწამდის გაღებული დამხვდა. იქაურობა აწეწილ-ლაწეწილი იყო. საჩქაროდ გამოვბრუნდი, ახლა სხვა ოთახებში ძებნა ლავუწყე. უეცრივ გოგო წინ შემეფეთა...

— სოფო, ქალბატონი სად არის? — ქაქანით დავეკითხე და მკლავი მაგრად დავუჭირე...

— რა მოგახსენო, ერთი კვირაა, რაც

სადლაც წაბრძანდა. — გულ-მტკივნელობით მიპასუხა გოგომ.

— არა სტყუი?!

— ზიარების მადლმა, მართალს მოგახსენებ.

— მაშ წავიდა, წავიდა?! — ატაცებით ჩავეკითხე სოფოს და პასუხი აღარ ვაცალე, მაშინვე გარედ გამოვევარდი.

— ბიჭო, აღექსი, ცხენი დროით მომიმზადე! — გადავქყვივლე და მოუთმენლად ველოდი ცხენის მომზადებას.

„ამ ლოდინის დროს იქავე სახლის კუთხიდან ოდნავი ტუტუნის შემომესმა. მორიდებით გავიხედე იქით და დავინახე, სოფოს გარს შემოჰხვევოდნენ სოფლის დედაკაცები და გაფაციცებით უსმენდნენ იმას. რასაკვირველია, სალაპარაკოდ მე ვეყოლებოდი, და ამისთვის ყური არ ვათხოვე...“

„უეცრივ ცნობის-მოყვარეობამ შემიპყრო და სოფო მოვიხმე.“

— შენ აქ იყავ, როდესაც ქალბატონი წავიდა?

— აქ გახლდით, ბატონო!



— მაშ გეცოდინება, მარტოკა წავიდა, თუ ერთად ვისთანმე?!

— აქედან კი მარტოკა წავიდა, და მერე კი, არ ვიცი....

— კარგი.

„შეკმაზული ცხენიც მოიყვანეს, საჩქაროდ მოვახტი ცხენს და სწორედ კარგ დროს მივედი სამაზრო ქალაქ №—ში. მაზრის სამმართველოში მოხელენი ჯერ ისევ იქ იყვნენ. საჩქაროდ, მიცნობდნენ, დამიმზადეს სამუდამოდ საკუთრად ცხოვრების, სადაც კი ენება, საბუთები, და მაშინათვე ფოსტაში გავაქანე...“

„როდესაც ელისაბედთან გასაგზავნი საბუთები ჩავაბარე ფოსტაში, ბედნიერება მხოლოდ მაშინ ვიგრძენ. ერთი ეს-ლა აჩრდილებს, ჩემო ელიზბარ, ჩემ ბედნიერებას, კიდევ არ დამიბრუნდეს ელისაბედი...“

ვაჩუმდა ერასტი. მეც გაჩუმებული ძირს ჩავიცქირებოდი და არ ვიცოდი სიჩუმე რა ნაირად დამერღვია. სწორედ ამ დროს ჩემ გასახაროდ ჩემი მეგობარი ვახუშტი თავს წამოგვადგა



და მხარზე ხელის დარტყმით ჩამო-
დახა:

— ცხვირი რა ძირს ჩაგიკიდნია, კაცო,
ქვეყნის ვალები ხომ შენ არ დაგაკისრე-
სო?!

— ააა, ვახუშტი, ასე უეცრივ საიდან
გაჩნდი?—დავეკითხე მე და შემდეგ სულ
სხვა საგანზე ჩამოვაგდეთ ბაასი...

მ რ ი მ კ უ რ ნ ა ლ ი

დღეს თხუთმეტი აპრილისა. თხუთმეტი დღე-ლა დარჩა, თხუთმეტი! მერე მაისი... ოხ, რა ცოტა დრო-ლა დარჩა!... თხუთმეტი დღე-ლა უძევს წინ. მერე კი... „თუ ნიცაში არ წახვედი, მაისს ველარ დაესწრებო“. ხომ ასე უთხრა შალვას მკურნალმა?!... და, აი, ეს წყეული სიტყვები მოსვენებას აღარ აძლევენ. მაგრად, მაგრად ჩაჰსმიან თავში შალვას და ნელა, ნელ-ნელა ტვინს უღრღნიან. გულის სიღრმემდისაც სწვდება ეს ღრღნა. იქაც სიმწვავეთ უღიზინებენ, საშინელის სიმწვავეთ! ახ, რა ძნელია!... დღე-მუდამ ეს ერთი წინადადება უჩუჩუნებს თავში. თითქო ამის მეტს ადგილი აღარასა აქვსო. ეს მესამე თვეა, რაც მკურნალმა უთხრა და მას შემდეგ, ჯერ მესამე დღე, დღე კი არა, მესამე წამი არ გასულა, რომ ამ სიტყვების ადგილი სხვა სიტყვებს დაეჭიროს...



„თუ ნიცაში არ წახვედი, მაისს ველარ დაესწრები“. ცოცხლად ჰხედავს მკურნალს, და ეს წყეული სიტყვები ყურში ნელა ეწვეთებიან. მაშინვე ელდა ეცა. არსება მოუშხამა, და მოშხამულის არსებით ნიცას მაგივრად თავის სოფლისკენ, თავის დედისკენ, მოხუცებულ დედისკენ გამოეშურა. ხმის ამოუღებლივ მოსვლის უმალ სარკმლის გვერდით ლოგინი გაიშალა და...

„თუ ნიცაში არ წახვედი, მაისს ველარ დაესწრები!...“ ეწვეთეთ, ეწვეთეთ!... მშვენივრად მოქმედობს თქვენი ძალა: ყოველ დღე სიცოცხლე აკლდება. რა იყო წინად, ამ სამი თვის წინად, ვიდრემდის წვეთობლივ დაიწყებდა თქვენი შხამის მიღებას?!...

მაშინ კიდევაც დადიოდა, ფერიც კარჰქონდა; მხიარულობდა კიდევაც...

ეხლა?...

ჩამომხმარი, ტანში ჩარჩეული-ღაა საბანში გახვეული. მორღვეული, მუდამ ნალველით სავსე თვალები და ოღნავი სუნთქვა-ღა ამხილებენ, რომ კიდევ ცო-



ცხალია, თორემ სხვა არაფერი. ხომ მოძრაობა, სიმხიარულე მაშინვე მოესპო?... ხომ ლაპარაკის თავიც აღარა აქვს და მოხუცებულ დედის კითხვებსა და ქვითინზე ხომ მარტო თვალის მოხუჭვით უპასუხებს ხოლმე?!... აგერ, ეხლაც დედა ოდნავ ქვითინებს, ცდილობს ქვითინი შეიმაგროს და თავის შალვას, ერთადერთ ნუგეშს არ გააგონოს, მაგრამ რა დედის გულმა მოითმინოს და არ იქვითინოს, როდესაც ერთად-ერთი შვილი იმის თვალის წინ სანთელივით დნებოდეს, და მთლად დადნობას ყოველ დღე მოვლოდეს?!...

ეყურება შალვას დედის ქვითინი. გულს უკლავს, ისევე მომაკვდავს. უნდა უთხრას: „დედი, ნუ სტირი! მე არ მოვკვდებიო“. მაგრამ როგორ უთხრას, როდესაც ის წყეული სიტყვები ტვინს უღრღნიან; როდესაც სწამს, რომ მაისს ვერ დაესწრობა, და მაისამდის ხომ სულ თხუთმეტი დღე-ღაა?!... ჩვეულებისამებრ ყურებზე მოიხვია საბანი. არ უნდა დედის ქვითინი გაიგონოს. თვალებს კი სარკმელს არ

აშორებს. დღე-მუდამ ასე იყურება გარედ, განთიადიდან დაღამებამდის. რაც კი მის სარკმლის ახლო ცვლილება ხდება ბუნებაში, ყოველივეს თვალყურს ადევნებს. არა გამოჰპარვია-რა. ბუზიც კი არ გაფრენილა მის სარკმელთან, რომ შეუმჩნეველი დარჩენოდეს...

გაშტერებული უმზერს ეხლაც შალვა სარკმლის ახლო მცენარეობას, ადგილს. ახ, დღითი-დღე რა ცვლილება ეტყობა არე-მარეს!.. რასაც კი აქნობამდის სიცოცხლის ნიშან-წყალი არ ეტყობოდა, ეხლა მოძრაობაში მოსულა...

„შვილო, თბილა! გარედ გადი, გაიარე.—მორიდებით დასჩურჩულებს თვალცრემლიანი დედა, მაგრამ შალვას არ ეყურება.

ის თითონაც ჰგრძნობს სითბოს. ჰხედავს, როგორ ეაღერსებიან მზის სხივები ახლად გადაშლილ ხეებს, ველებს, როგორ ჰყუპალობენ იქავე ახლოს მოჩუხჩუხე წყალში; ჰხედავს, ამ ნაზ სხივებს როგორ გამოუწვევიათ ყველა სულდგმული გარედ სანაფარდოდ, სააღერსოდ.

აგერ, ბელურეებს რა ყოფა აქვთ ხეებზე, როგორ ნაზად არხევენ ფრთებს; შრომანიც სარკმლის ახლო დამჯდარა, აულია თავი მაღლა და გატაცებით, დაუსვენებელივ ჯიღჯიღობს ნისკარტის კაბუნით, თანაც ფრთების რხევას აყოლებს და დრო-გამოშვებით ბუქნავს; აგერ მერცხლებიც წყვილ-წყვილად როგორ ელვასავით სარკმლის ახლო გასრიალდებიან, „ქყავ!“ — დასქყივლებენ ერთმანეთს და შორს, შორს, სადღაც იკარგებიან; ქიალუა?.. მუმლი?.. ამათ ვილა აღევნებს თვალ-ყურს!.. უხარიან, ყველას უხარიან სიცოცხლე, ყველას! ყველა...

„შენ?.. — ეჩურჩულება იღუმალი ხმა:
„შენ კი სქკნები... შენ ხომ მაისს...“

„ეეებს!..“ — ამოსკდა გულის სიღრმიდან, და გულ ჩათუთქულმა თვალეები მოხუჭა. „ბზუუ“ — მოესმა შალვას ბზუილი და ამასთან ერთად სარკმლის მინაზე ფრატუნნი. გაახილა თვალეები და დაინახა, როგორ ბზუილით დიდი, ბანჯღვლიანი ბუზი, რომელიც გუშინ, გუშინ-წინ, ამის წინადაც სარკმლის კუთხეში ეგდო გაციე-

ბული, უსულოდ, იბრძვის გარედ გასასვლელად...

„შენ კი გარედ გასვლას ველარ ეღირსები!..“ — წაჰჩურჩულა კიდევ იმავე იდუმალმა ხმამ.

პასუხად შალვა სიმწარით გაიკლაკნა ტანში და გვერდი იცვალა.

იმის მორღვეულ, მოელვარე თვალებს დედის ცრემლიანი თვალები შეჰხვდა. ბუზი კი ბზუოდა, ბზუოდა და ხან ერთ სარკმლის მინას დაარტყამდა თავს და ხან კიდევ მეორეს.

— დედი!.. — მიმქრალის ხმით მიჰმართა დედას.

— რა გინდა, გენაცვალოს დედა, შევილო?!.. — ნიაფსავით წამოდგა და მიუახლოვდა.

— ეს ბუზი...

— ჰო, შევილო!..

— გუშინ მკვდარი იყო და ღღეს კი, ვერ ჰხედავ, როგორ...

— სითბომ გამოაცოცხლა და ეხლა გარედ მიიბრძვის.

— ვიცი, ვიცი!.. რატომ მე კი...



— შენც კარგად გაჰხდები...

— ეეჰ!..—სახე მოელმიჯა, და თვალები მოეხუჯა.

— მე მაისს ველარ დავესწრები!...

— რად ამბობ მაგას, გენაცვალოს დედა, და...—ველარ დაათავა. გული ყელში მოეხჯინა, და ქვითინი მორთო.

ბუზი კი ისევ ბზუოდა და სარკმლის მინებს ეფრატუნებოდა...

— დედი!...

— აქ ვარ, შეილო!..

— ეგ ბუზი...

— რა გაგიხდა ეგ ბუზი?!. აი!..—გაჯავრებულმა წამოიძახა და გადაეწოდა მოსაკლავად.

— არ მოჰკლა, არა, არა!..—წამოიწია ლოგინიდან და ხელი დაუჭირა.

— არ მოჰკლა, დედი!.. — შეევედრა შალვა დედას, რომელსაც უკვე ხელში უფართხალებდა ბუზი.

— არ მოვკლავ, შეილო, არა!.. დამშვიდდი!..

— გაანთავისუფლე, გარედ გაუშვი!—

ძლივას წარმოასთქვა აღელვებულმა და მოქანცული ბალიშზედ მიესვენა....

— წაიყვა!..—განუმეორა თხოვნა და თვალები მოხუჭა...

— სსს!..—ხელი აიღო და გარედან შემობრუნებული დედა ოთახის შუა შეაყენა.

— შვილო...

— მოიცა, მოიცა, დედი!... არ გეყურება სამცხენას ზარების წკარუნი?!..

— არა!.. უთუოდ ყურები გიბჟუის.

— აგერ, აგერ!.. თანდათან ახლოვდება...

— მართლა. ეხლა კი შემომესმა... უთუოდ მკურნალი იქნება. ყვავილი საშინლად მძვინვარებს. მამასახლისმა ამას წინად აცნობა, და აბა სამცხენით მეტი ვინ მოვა?!.

— მკურნალი!... — გაგრძელებით წამოიძახა შალვამ, და სახე მთლად დაელმიჭა.

— შვილო, ვთხოვ, რომ გნახოს!...

ამ სიტყვებზედ უარესად მოელმიჭა სახე და პირისახე საბნით წაიჩულა, რომ დედის სიტყვები აღარ გაეგონა.

დედა მიჰხვდა, რის ნიშანიც იყო საბნის წახურვა და ამისთვის ხმის ამოუღებელივ გულ-ხელ დაკრეფილმა მხერა დაუწყო. საწყალს თან ცრემლები ღაპა-ღუპით ჩამოსდიოდა.

ზარების წკარა-წკური თანდათან ახლოვდებოდა, და უეცრივ ეხოდან შემოესმა მეეტლის ხმა „ტპუუ“-ო.

შალვას დედა მაშინვე გარედ გავიდა. — ღმერთო, ნუ თუ ის მოვიდა?... — ღმობიერად წამოიძახა, როდესაც ეტლიდან ჩამომხდარ ქალს თვალი შეასწრო, და მაშინვე მისაგებებლად გაქანდა...

— თქვენ...

— გატყობთ, შალვას დედა ბრძანდებით!... — სიტყვა აღარ დაათავებინა ახლად მოსულმა, და მაშინვე გადაეხვია.

— მე მეგონა ჩემ წერილს არ მიიღებდი, შეილო, რას მოვიფიქრებდი, რომ წამოხვიდოდდი.

— დედი, შალვა როგორ არის?...

— შენი მტერი და დუშმანი იყოს, შეილო, ისე, როგორც შალვა არის!... — ტირილით უპასუხა და გულში ჩაიკრა.



— პირზედ საბანი რად წაუხურავს?.. —
დაეკითხა ახლად მოსული, როდესაც
ოთახში შევიდნენ და საბან-წახურული
შალვა დაინახა.

— ეგრე იცის, შეილო!.. წაიხურავს
საბანს და, ქვეყანაც რომ დაინგრეს, მა-
შინაც ვერას გაიგებს, ისე გაერთობა
ხოლმე ფიქრებში.

— ხომ არა სძინავს?

— არა!..

— მაშ შეიძლება საბანი გადავხადო?!...

— სწყინს, როდესაც მე გადავხდი
ხოლმე და შენგან კი, არ ვიცი, იწყენს
თუ არა.

— საბანს ნუ მხდი, რა გინდა? — წყრო-
მით წამოიძახა და თვალეზ-მოხუჭული
სარკმლისკენ გადაბრუნდა.

— შალვა!..

— ჰა?... შენ?!. ელიკო!... ელიკო!... —
ნაწყვეტ-ნაწყვეტად გაიძახდა შალვა და
თან გულში იკრავდა ელიკოს.

— ოხ, ჩემო გარგო, მაპატივე, მა-
პატივე!... — მე... მე... ვსცდე... ბო-
დი!.. — ძლივს დაათავა შალვამ სიტ-

ყვა და ღონე-მიხდილი ბალიშზედ მიესვენა.

— გენაცვა შალვა, რადროს პატივების თხოვნაა?!.. განა ჩემი აქ მოსვლა იმის თავდები არ არის, რომ არ გემღურვი?!....

— ახ, შენთან რა დამნაშავე ვარ!... ელიკო, სირცხვილით შემოხედვასაც ველარა ვბედავ!..— გულამოსკენით წამოიძახა, და ცრემლები მისდა უნებურად გადმოსცვივდა.

— მაგისტვის რადა სწუხარ, შალვა?!.., ბედნიერად ჩავთვლი ჩემ თავს, თუ ეხლა მაინც დარწმუნებული ხარ, რომ შენ, მხოლოდ შენ მიყვარხარ. ხომ ეს იყო მიზეზი შენი უკანასკნელი წერილისა, რომლითაც უარი გამომიცხადე?..

— ელიკო!.. ელიკო!.. ნეტავ არ მოსულიყავ!— ტანმა ჩხვლეტა დაუწყო, გველივთ გაიხლაკნა და მაგრად, მაგრად თვალებზედ ხელი მიიფარა.

— როგორ, შენი ავადმყოფობა შემეტყო და არ მოვსულიყავ?!....

— ვინ შეგატყობინა?!.

— ვისაც უნდა შეეტყობინებინა, ეგ ხომ სულერთია!..

ელიკოს პასუხზე შალვას დედა გატრიალდა და ფეხ-აკრეფით გარედ გავიდა.

— დედამ ხომ არ მოგწერა?..

— დედამ ხომ არა იცოდა-რა და, აბა, როგორ მომწერდა?!.. ამას თავი დავანებოთ და ის მითხარი: ექვი ხომ აღარა შემოგაქვს-რა?—ჰკითხა ელიკომ და შუბლზედ აკოცა.

— ელიკო, ნუ მეკარები!..

— ვითომ რატომო?

— მე ქლექით ავად ვარ და შენც არ გადაგედოს.

— ხა, ხა, ხა, ხა... ეგ მე კარგად ვიცი, გადამედება თუ არა!—გულიანის კასკასით უთხრა და უფრო მოეხვია.

— ელიკო, მე არ გეხუმრები!.. მე...

— გაჩუმდი, გაჩუმდი, თორემ, აი!... აი!... აი!...—„აი, აი“-ს გაიძახდა ელიკო და თან შალვას ტუჩებს ეკონებოდა.

შალვაც ვეღარ ეწინააღმდეგა. ელიკო გაშმაგებით ჰკოცნიდა და ის კი ამ დროს უსიტყვოდ ჰკიცხავდა, რომ ელიკოს, ამ



ანგელოზს ხელი ჰკრა და შეურაცხყოფა
მიაყენა.

— ჰა!... ჰა!... ჰა!... ვაიმე, ქლექი გა-
დამედო!... — დაღონებულმა სამჯერ ოდ-
ნავ ძალად ჩაახველა და გულზედ ხელი
დაიდო.

— ელიკო, ნუ მასხარობ!... — ღიმილით
უთხრა და ხელი ხელზედ მაგრად მოუ-
ჭირა.

— მაგრად, მაგრად მომიჭირე ხელი!...

— მეტი ღონე აღარა მაქვს!...

— „მეტი ღონე აღარა მაქვს!...“ —
დააჯავრა ელიკომ და ხელი თითონ
მოუჭირა.

„ელიკოს ღირსი არ ვიყავ, და ღმერ-
თმაც არ მომცა!“ — მწარედ გაურბინეს
თავში ამ სიტყვებმა, და ელიკოს ცრემ-
ლით სავსე თვალებით ღმობიერად შეჰ-
ხედა.

— შალვა, რა მოგივიდა?!

— არაფერი! — უბასუხა, და ცრემლები
ლოყებზე გადმოუგორდნენ.

— ჩემო შალვა!..

— დღეს აპრილის თხუთმეტია!...

— მერე? — განცვიფრებით დაეკითხა ელიკო და ცრემლები მოსწმინდა.

— მაისს ველარ დავესწრები.

— ვინ გიწინასწარმეტყველა?..

— მკურნალმა!..

— ხა-ხა-ხა!... — გადიკასკასა და შემდეგ უეცრივ მოიღრუბლა და ისე დაიწყო: — მაისის პირველისთვის შავეზის ჩაცმა მომინდება. ტირილით და თავში ცემით საფლავამდის მიგაცილებ და...

— ელიკო მასხარად მიგდებ, თუ რა არის?!...

— მასხარად კი არა და, შალვა, იცი რა გითხრა, მე პური მომშივდა და ცოტა რამე შევჭამოთ, შენც ხომ მოგშივდა?...

— მე კი არა მინდა-რა და შენ კი ეხლავე ჭამე რამ. აი დედა შემოვა და მოგვიტანს.

— მინდა შენთან ლოგინში ვჭამო რამ და შენც, რასაკვირველია, ერთ ლუკმას მაინც აიღებ.

შალვას დედამ საჩქაროდ მიუტანა ელიკოს და შალვას რაც კი რამ ებადა და

სიხარულით შესცქეროდა იმათ. უხარო-
და, რომ ელიკო, როგორც მტრედი თა-
ვის ხუნდს, ისე აძლევდა შალვას საქმელს.

— ნეტავ ეს თხუთმეტი დღე თხუთმეტი
წელიწადად მაინც გარდაიქცეს!.. — წა-
მოიძახა შალვამ, როდესაც ქამა გაათავეს,
და ელიკოს ხელი დაუჭირა.

— შალვა, რა მშვენიერი სოფელი ყო-
ფილა ეს სოფელი! ხომ აქაურ მცხოვ-
რებად ითვლები?...

— ჰო, აქაური ვარ!

— ჩემთვის არას დროს არ გითქვამს
ეგ.— ალერსით უთხრა, თავისი თითები
შალვას თმაში გახვია და ოდნავ, ოდნავ
თითებს არხევდა და თავის კანს ეხე-
ბოდა.

შალვას ესიამოვნა, ესიამოვნა ძლიერ
და განძრევისა ეშინოდა, რომ ელიკოს
თითების ცაცუნნი არ შეეყენებინა.

ელიკო მიუხვდა სიამოვნებას და დიდ
ხანს, დიდ ხანს არხევდა თითებს, ვიდრე
შალვას ამ სიამოვნებაში არ ჩაეძინა.

— შენ კი გენაცვალოს დედა, შეილო!..
— დაბალის ხმით წამოიძახა და ელიკო

გულში ჩაიკრა, როდესაც ის მძინარე შალვას მოჰშორდა.

— რამდენი ხანია ძილი არ მიჰკარებია მაგის თვალს!.. — განაგრძო შალვას დედამ ისევ დაბალის ხმით: — და ეხლა შენის წყალობით, აგერ, როგორა სძინავს ..

— არა უშავს-რა, დედი, შალვა ჩქარა ლოგინიდანაც ადგება.

— შენს პირს შექარი, შვილო! დღე და ღამ სულ ბორგავდა, უაზროდ მაისს გაიძახის და...

— დედი, ჩვენ ეგ მაისი როგორმე უნდა დავავიწყოთ.

— შენა, შვილო, შენ თუ დაავიწყებ, თორემ მე ვერა მომიხერხებია-რა! — თვალცრემლიანმა წამოიძახა და აღგზნებულად ელიკო ისევ გულში ჩაიკრა...

*
* *

გათბა, გათბა დედამიწა. საღამოს სიომ წამოჰბერა და გაღებულ სარკმლიდან შემოუთამაშა იქავე სარკმელთან მწოლარე შალვას, რომლისათვისაც ელიკოს ხელი თავზედ დაედო და ისიც შალვასავით გარედ გაიციქირებოდა ელიკოს თვალები

უბრწყინავდნენ, ტუჩები სიამოვნებით ელიმებოდნენ. შალვა კი უეცრივ მოიღრუბლა. ის წყეული სიტყვები კიდევ ჩაეწვეთნენ ყურში. „მაისს ვერ დაესწრებო“... შემოესმა, და ტანი შეერყა....

— ნაუუ!..— გაისმა დიდი ზარის ხმა სამრეკლოდან და შორს, შორს ჰაერში გაიფანტა. შალვა გამოათხზლა ზარის ხმამ და ელიკოს დაეკითხა:

— ხვალ რაობაა, რომ ზარი დარეკეს?!

— ხვალ?... ხვალ?...— გახარებული წამოხტა ელიკო და პირ და პირ დაუდგა...

— ელიკო, რატომ მაგრე მიცქერი?...

— შალვა, გენაცვა, იცი ხვალ რა დღე არის?!..— ტაშის შემოკვრით წამოიძახა და შემოეხვია...

— ელიკო, ვერა გამიგია-რა?!.

— ხვალ შიო მღვიმელის მიცვალების დღეა!...— მედიდურად წამოიძახა და თავის-გაქნევით თმები შეარხია.

— როგორ?... სტყუი, ელიკო!... ხვალ მაისის ცხრაა!

— დიად, ბატონო, ხვალ მაისის ცხრაა. — ზარის რეკვას კი უფრო მოუხშირეს და მოუხშირეს.



— ტყუილია, ტყუილი! — წამოიძახა შალვაძე და ლოგინიდან ჩამოვიდა.

— თუ არა გჯერა, ეკლესიაში წავიდეთ.

— წავიდეთ!

«ღირსო მამაო შიო...» — შემოესმა ეს სიტყვები მეფსალმუნესი, როდესაც ეკლესიაში შევიდნენ, და შალვა ყურს არ უჯერებდა. კარებში შეჩერდა და დიდ ხანს გაშტერებული იდგა და ადგილიდან აღარ იძვროდა.

«ღირსო, მამაო შიო...» — შემოესმა კვლავ მეფსალმუნეს ხმა...

— ღმერთო!.. მაშ მე მაისშიაც ცოცხალი ვარ? — თვალეზზედ ხელი მიიფარა და ქვითინი მოართო. ელიკო კი სიამოვნებით შესცქეროდა მოქვითინე შალვას და ღმერთს მადლობას სწირავდა, რომ შეცდომითი რწმენის მსხვერპლი არ შეიქმნა შალვა.

— მე აღარ მოვკვდები, ჩემო მკურნალო! — მოურიდებლივ გადაეხვია ელიკოს კარიბჭეში და იმისი მკერდი ცრემლით დააღბო.

ი უ ღ ა

(საადღგომო ეტიუდი)

I

— მომგვარეთ კაცი ესე, ვითარცა გარდამაქცეველი ერისა. მეც განვიკითხე, მაგრამ, როგორც თქვენ თითონ ჰნახეთ, ბრალი ვერა ვპოვე-რა. ეს არას დროს არა ყოფილა გარდამაქცეველი ერისა. სრულებით უბრალოა. იროდმაც, რომელსაც ვაახელ, ვერა ჰპოვა-რა. ამისათვის ვაკმარებ, რაც სასჯელი მივაყენეთ და განვათავისუფლებ. — მაღალის ხმით ეუბნებოდა პილატე ბრბოს და დრო გამოშვებით გადაჰხედავდა ხოლმე იესოს, რომელიც მის წინ ღრმად ჩაფიქრებული, ფერ-მიხდილი ეკლის გვირგვინით იდგა და, თითქოს მის სიკვდილ-სიცოცხლეზედ არ იყოს ცილაობაო, არავითარ მონაწილეობას არ იღებდა. იგი დაღვრემილის თვალებით ძირს ჩაიციქირებოდა და ვვედრებოდა უფალსა, რომ ბრბოსთვის მიეტევებინა ეს საქციელი.



ბრბო კი მღვდელთ-მთავრებისაგან წაქე-
ზებული ჰყვიროდა პილატეს საპასუხოდ:

— ეგ მაცდურია!... ხალხს ჰრყუნის!...
კეისრის წინაღმდეგია!...

— გაიგონეთ, ეს უბრალოა და ყოვე-
ლივე თქვენი ნაამბობი ცილის წამება!...

— როგორცა ვხედავთ, შენც კეისრის
წინაღმდეგი ჰყოფილხარ, რომ მაგ მემ-
ბოხის, ტახტის მაძიებელის განთავისუფ-
ლება მოგისურვებია!...— წამოიძახეს აქა-
იქ ბრბოდან მღვდელთა და მღვდელ-
მთავართა, რაც ბრბომ აიტაცა და ერთ
ხმად იგრიალა:

— ჰაა, შენც კეისრის წინაღმდეგი ჰყო-
ფილხარ!..

პილატე შეკრთა, არ მოელოდა, რომ
ამგვარ ცილს თვით მასაც შესწამებდენ.

„ეს ბრბო—გაიფიქრა შეშინებულმა უნე-
ბურად—არავითარ საშუალებას არ დაე-
რიდება, რომ ნიშანში ამოღებული კაცი
დაამხოს და, შესაძლებელია, მეც თან მი-
მაყოლოსო.“ ამისათვის სასოწარკვეთილმა
თავი ძირს დახარა და იესოს განთავი-
სუფლების იმეთი დაჰკარგა.

— ხალხნო! — უეცრივ თავი მალლა აი-
ლო ცოტახნის წუხილის შემდეგ პილა-
ტემ და გაბრწყინვების სახით ხალხს მიჰ-
მართა: დღესასწაული მოახლოვებულია.
მამა-პაპათ ჩვეულება თხოულობს სადღე-
სასწაულოდ ერთ-ერთ პერობილის განთა-
ვისუფლებას. ხომ იცით, ამჟამად შეპერო-
ბილია ბარაბა, ავაზაკი, კაცი-კალია. იმის
სახელს სულ რამდენიმე დღის წინად ში-
შით და ძრწოლით ახსენებდით. ის არ
ინდობდა არც კაცს, არც ქალს და უსუ-
სურ ბავშვებსაც კი. რომელი გნებავთ
განვათავისუფლო: ბარაბა თუ ეს უბრალო
კაცი?

— ბარაბა, ბარაბა მოგვიტევე ჩვენ.. —
იღრიარა ბრბომ, და ეს ხმა შორს, შორს
გაისმა...

— ვინ?... ბარაბა?... ჩაფიქრდით, ვის
განთავისუფლებას თხოულობდით?... — თავ-
ზარ დაცემული პილიტე ეკითხებოდა
ბრბოს. მაგრამ დაბრმავეებული ბრბო მა-
ინც თავისას გაიძახოდა.

— ბარაბა, ბარაბა მოგვიტევე ჩვენ!...

— მაშ რა ვუყო ამ კაცს, რომელსაც



„მეფე ურიათა“-ს უწოდებთ?...—განრის-
ხებული პილატე დაეკითხა ბრბოს.

— ჯვარს აცვი, ჯვარს აცვი ეგე!..

პილატე მოაშალა, მოდუნდა და წყა-
ლი მოითხოვა.

— მე უბრილო ვარ და ამ კაცის სი-
სხლი მე ნუ მომეთხოვების!..—გადიბანა
ხელები და შემდეგ იესოს შოლტი გა-
დაჰკრა იმის ნიშნად, რომ უკვე ყოვე-
ლივე გათავებული იყო, და იესო შეეძ-
ლოთ წაეყვანათ ჯვარსაცმელად*).

-- ჩვენ თავს და ჩვენ შთამომავლობას
მოეთხოვოს მაგისი სისხლი!...—აღტა-
ცებით შესძახა ბრბომ და იესოს გარს
შემოეხვია, რომ კაიაფთან **) ცემა-ტყე-
პით წაეყვანა.

— ხა, ხა, ხა, ხა!..—გვერდიდგან მო-
ესმა იესოს გულის სიღრმიდგან ამონა-
ხეთქი შხამით და გესლით გაჟღენთილი
ყრუ ხარხარი, როდესაც პილატემ ბრბოს
თხოვნისამებრ ჯვარ-ცმა მიუსაჯა.

* მთლად ეს ამბავი თითქმის სიტყვა სიტყვით
მოყვანილია სახარებიდან: იხილე სახ. მათ. XXVII;
მარკ. XV; ლუკ. XXIII; იოან. XIX.

***) კაიაფი უფროსი მღვდელთ-მთავარი იყო.

იესომ იცნო ეს ხმა, და ცემა-გვემას, დამცირებას ისე არ უმოქმედნია, როგორც ამ ხარხარმა იმოქმედა...

გული დაეკოდა და ღმობიერად გაიხედა იქით, საიდგანაც ხარხარი შემოესმა.

წყვილი მოელვარე თვალი, რომელშიაც გამარჯვებული გულის სიღრძო იხატებოდა დაჰხვდა იესოს თვალებს...

— მაცდურო, ეხლა-ღა იხსენ თავი შენი!.. — ისარივით სტყრორცნა იესოს ეს სიტყვები მოელვარე თვალების პატრონმა და, თითქოს ემალება ვისმეო, გვერდით მდგომთ ეფარებოდა და ძირიდგან გამოაკვესებდა თვალებს...

იესომ არ მოარიდა თვალი. თვალი თვალში გაუყარა და უნდოდა ეთქვა რამ, მაგრამ სიტყვის მაგივრად თავი ოდნავ ჩაიქნია და წყვილი ცრემლი ქუთუთოებზედ გამოეკიდა და ფერ-მიხდილ ლაწვებზედ ჩამოსაგორებლად კრთომა დაიწყო.

— ხააა!... — მოპირდაპირე კი უფრო მოიხარა, გველსავით თვალები შეაკვესა და უნდოდა გამარჯვების ხარხარი მიეხალა იესოს ცრემლებისათვის, პირიც დააღო

და მხოლოდ ყრუდ „ხაა“-ლა ამოჰხდა, რადგანაც ვერ გაუძლო იესოს თვალებს, და ხარხარი შუაზე გაუწყდა. საჩქაროდ რიდე ჩამოიფარა და გატრიალდა.

II

— ფუი, საზიზღარი, როგორ შემო-
მაშტერდა?!. როგორ მეც შევეკრთი?!. ხა,
ხა, ხა!... ბავშვივით კი გამაჩუმა და გამო-
მაბრუნა. სწორედ მომჯადოვებელია, მომ-
ჯადოვებელი.. პილატეც როგორ მოუ-
ჯადოებია!.. რანაირად სცდილობდა იმის
განთავისუფლებას... ისაც, ისაც ევრე
მოაჯადოვა... ისაც... ოხ, მარიამ, მა-
რიამ!.. ისე როგორ მოგაჯადოვა მაგ
მაცდურმა, რომ... რომ... მაგრამ, ზოგი
ეხლა მოაჯადოვოს, როდესაც ჯვარს აცვა-
მენ... მარიამ, მაშინ ხომ დარწმუნდები,
რომ ეგ საზიზღარი მატყუარა იყო, რომ...
ოხ, რანაირად მეშინოდა, როცა პილატე
განთავისუფლებას სცდილობდა... რო
გაენ თავუსუფლებინა?!.. არა, ეგ შეუძლე-
ბელი იყო!.. თვით ძალნი ცისანიც რომ
ჩამოსულიყვნენ მაგის დასახსნელად კაიფს
ბრჭყალებიდან ვერ გამოჰგლეჯდნენ...

შენ უნდა მოჰკვდე და მოკვდები კიდევაც... — ასე მიბუტბუტებდა რიდე ჩამოფარებული და თან ბრბოს მიაზღვევდა, რომ ნაპირას გასულიყო.

ბრბო კი ყვიროდა, მის სიხარულს საზღვარი არა ჰქონდა. ყველა სცდილობდა, ეკლის გვირგვინით შემოსილ იესოს მიახლოყებოდა, რომ რაიმე შეურაცყოფა მიეყენებინა და შეურაცყოფის დროს, რაც შეიძლება ქკუა-მახვილობა გამოეჩინა, რომ ბრბო გაეცინებინა. იესო კი ძალა მიხდილი, ხმის ამოუღებელივ მისდევდა შეიარაღებული ლეგიონთ, რომელთაც გზა ტაძრისკენ ეჭირათ, სადაც კაიაფი და სხვა მღვდელთ-მთავრები შემოსილები ელოდნენ იესოს...

ბრბომ რამდენჯერმე შეაყენა ლეგიონები. ქუჩა, ამ ქუჩის-პირა სახლების ბანები, სარკმლები მთლად მოკირწყლული იყო დიდით და პატარით, ქალით და კაცით. ლეგიონები იძულებულნი შეიქმნენ წათებისთვის მიემართნათ და იმათ საშუალებით გაეპოთ ბრბო, რომ ცოტათი მაინც ფეხი აეჩქარებინათ...

— ვის ვემალეები? რა მაქვს მოსარიდებელი, რომ რიდე ჩამოფარებული ვსდგევარ?! — ამაყად წარმოსთქვა რიდე ჩამოფარებულმა, როდესაც ბრბოს განაპირას გავიდა და თავისუფალ ადგილიდან მზერა დაუწყო ამ საოცარ ბრბოს მსველობას. ამ სიტყვებთან ერთად რიდე მოიგლიჯა და შორს გადასტყორცნა...

— ეს იუდაა, იესოს მოწაფე, რომელმაც მასწავლებელი გაყიდა და ეხლა, ვერა ხედავ, როგორ ურიცხვად სტკბება იმის ტანჯვით! — ანიშნა ერთმა ქაბუკმა მეორეს და ხალხში შეერია.

მეორე ქაბუკი კი შეფერხდა და დააშტერდა. იუდამ ვერ შეუძლო ამ ქაბუკის მზერას. სახე დაეღრიჯა და პირი უკულმა წაიღო. ქაბუკმა კი ზიზლით მიაფურთხა და გვერდით ჩაუარა.

გულს ლახვარი მოჰხვდა, როდესაც პირველმა ქაბუკმა ანიშნა ამაზედ მეორეს, და მეორეს მიფურთხებამ ხომ გული სულ გაუპო.

— ამან ოც და ათ ვერცხლად გაჰყიდა თავის მასწავლებელი. — ახლა სხვებმა წა-

მოილაპარაკეს და ცხვირ წინ ჩაუ-
არეს...

— ოც და ათ ვერცხლად!... ვინ გამო-
ამყლავნა ეს?!— წაილულლულა და საჩქა-
როდ განშორდა ამ ქუჩას.

რაკი რიდე ველარ იპოვა, თავი ღარ-
თით მოიბურა და თითქმის სირბილით
გასწია მისახვევ-მოსახვევ ქუჩებით...

„... მღველ-მთავარნი უმადურნი არ
იქმნებიან. ისინი გამიწევენ მფარველობას
და ხმას გააწყვეტინებენ ბრბოს... უმა-
დურნი! იესოს სიკვდილი უხარიანთ და
თან კიდევ მე მიკიჟინებენ, მკიცხავენ. მე
მივანიქე ეგ სიხარული და მევე კი მა-
ფურთხებენ!... — მილაპარაკობდა იუდა
გზა და გზა და ღართით თავს უფრო და
უფრო იბურავდა.

ჩქარა გაირბინა ქუჩები. თითქმის არც
კი ვინმე შეჰხვედრია გზაში. ტაძართან
მივალა თუ არა, მაშინვე დიდ დარბაზში
შევიდა.

ლურჯად შეღებილი და ოქროს ვარ-
სკვლავებით მოჭედილი ცა-დაქნილი, რო-
მელიც სამოც და ათ წმინდა პორფირის

ოქროთივე მოვარაყებულ სვეტებს ენაბრებოდა, ოქროსივე ლამპრები, კანდელები და ქალები, ოქროს ქსოვილებით შემოსილი მღვდელთ - მთავარნი და მღვდლები პირველ შესვლაზედ ადამიანს თვალებს უბლატებდა. იუდასაც ეს დაემართა, ის ცოტა ხანს შესდგი კარებში და, თვალი რომ შეაჩვია, წარსდგა კაიაფის წინაშე.

— ამბავი, იუდავ?!—დაეკითხა კაიაფი იუდას, რომელსაც სირბილისაგან გულამომჯდარს სუნთქვა თავის დონეზედ არ დასდგომოდა.

— მშვიდობა!... პილატემ იესოს ჯვარცმა მიუსაჯა და ეხლა აქეთ მოჰყავთ.

— ეგ ჩვენც ვიცით... ხომ გახარებს, იუდავ, ეს ამბავი?

— მახარებს, მაგრამ...

— რა უყო?...

— მე... ხალხი გამცემს მეძახის...

— ხომ არა სტყუის?...

— ოც და ათ ვერცხლად გაჰყიდა თავის მასწავლებელიო, მიყვირის!...

— ეგაც ხომ მართალია.

— ზიზლით მაფურთხებს.... ურიდეოდ ვერ გავსულვარ გარედ...

— მერე „ჩვენ და რა?“*) ნუ ჩაიდენდი მაგ სამარცხვინო საქმეს და არავინ გიკიჟინებდა...

— რაო?! — დაიყვირა იუდამ და თვალები გააკვესა: — თქვენ მოვალენი ხართ...

— ჩვენ ჩვენი მოვალეობა შევასრულეთ. ოც და ათი ვერცხლი ხომ სრულად მიიღე?... — სიტყვა გააწყვეტინა კაიაფმა და ზეზე წამოდგა.

— აი თქვენი ვერცხლი!.. — ზიზლით მიაყარა იუდამ ოცდა ათი ვერცხლი მღვდელ-მთავართ და კაიაფს, თითქოს საბრძოლვენლად იწევსო, ისე დაუწყო ცქერა.

— იუდავ!.. წადი!..

— მე ეხლავ წავალ პილატესთან და ვეტყვი, რომ თქვენ მართალი კაცის სისხლის დაღვრა გინდათ!

— გვიან-ლაა.

— მაგრე მიხდით, ბილწებო, მადლო-

*) სახ. მათ. XXV^{II}, 4—5.

ბას?!. თქვენ მაწანწალა-მატყუარა ხელთ მოქეცით და თქვენ კი... იმაზედ უარესი მაწანწალა-მასხარეები თქვენა ჰყოფილხართ!...— შეჰყვირა იუდამ და გამოტრიალდა...

— საზიზღარო, შენთვისაც მოვიცლით!... — მიაძახა კაიაფმა და მძიმედ ქშენვა დაიწყო. სხვა მღვდლები კი ამდროს უკმაყოფილოდ თავებს იქნევდნენ.

III

უკანასკნელ წუთებამდის კიდევ იმედი ჰქონდათ მოწაფეებს. ეგონათ, იესო მიეცა მტრებს ხელთ, თავიც მიაღწერს იმისთვის, რომ უეცარ თავის დახსნით ამ უკიდურესს ტანჯვისაგან შთაბეჭდილება ძლიერი იქნება და ამ განცვიფრების დროს მეფედ გამოცხადება ადვილად შესაძლებელია. მაგრამ იესომ სული განუტევა. დაკრძალეს კიდევაც და ეხლა...

გათავდა ყოველისფერი. მოწაფეებს იმედი გაუცრუვდათ. დაიქსაქსნენ ყველანი. აღარა სწამდათ-რა ადამიანისა. როგორ წარმოიდგენდნენ, რომ ის, რო-

მელიც სამს წელიწადს მათთან სცხოვრობდა და ამ სამის წლის განმავლობაში თითის გაქნევაშიაც კი სიცრუე არ შეუმჩნევიათ, მთელის თავის ძლიერებით მოატყუებდა?! რწმენა შეერყათ და პირველ ხანში მკვდრებსავით დადიოდნენ... ამათ სასოწარკვეთილებას ის უბედურებაც თავს დაატყდა, რომ მღვდელ-მთავართ მათი შეპყრობის ბრძანება გასცეს. ისაც აღარ შეეძლოთ ეხლა, რომ ერთად მოეყარათ თავი და აეხსნათ ერთმანეთისთვის ეს მოვლენა, თავიანთი აზრი ერთმანეთისთვის გაეზიარებინათ. ესენი იძულებულნი შეიქმნენ სათითაოდ საძალავები მოენახათ. ზოგი, ვითა ნადირი ქალაქ გარედ უდაბნოში იმალებოდა და ზოგი კიდევ ქალაქში—ნაცნობებთან.

იოანე მოციქულიც ქალაქში მოჰყვა და იმალებოდა ვინმე მარიაშთან, მეტად მშვენიერ და იესოს დიდად თაყვანის-მცემელთან. ორნივე ერთად სტიროდნენ თავიანთ დაობლებას და ემდუროდნენ ცას. მარიამის მამა კი ამშვიდებდა ორთავეს და ანუგეშებდა...

შუა ღამისას მოვიდა ვინმე ჯაბუკი და უთხრა იქ მყოფთ, რომ კაიაფს იოანეს აქ ყოფნა გაუგია და შეიძლება ამის შესაპყრობლად ამაღამვე თავს დაგესხათო. ამისათვის, საჭიროა—დასძინა ჯაბუკმა— ეხლავე თავს უშველოსო.

ჯაბუკმა და მარიამის მამამ მაშინვე გაიყვანეს იოანე გარედ და დასამალავად სხაგან წაიყვანეს. მარიამმა კი კარი ჩაკეტა და მამას ლოდინი დაუწყო.

— ეხლა კი დროა!—სიხარულით წამოიძახა ღართით მიბურულმა და კარი დააკაკუნა.

— ვინა ხარ?—დაეკითხა მარიამი შიგნიდან.

— მე ვარ, კარი გამიღე!...

— როგორ?! შენ?! აქ რამ მოგიყვანა, შე წყეულო?!

— მარიამ, მარიამ!... ნუ მწყევლო, კარი გამიღე!.. მეც ხომ...

— წადი, წადი, შე გამცემო, შე მოლალატევ!...

— მარიამ, განა ვის ვუღალატე?... შენ ხომ არა! ის მაცდური იყო. ხომ ჰნახე

ეხლა, რომ მატყუარა იყო და შენის სიყვარულის ღირსი არ იყო. მარიამ... გამიღე კარი და დაწვრილებით გიამბობ. ყველამ მაფურთხოს, გამკიცხოს, ოღონდ შენ ნუ!..

— ოხ, საზიზღარო არსებავ!.. დაიღუპე, სახლს ნუ მიბილწავ!...

— მარიამ, ჩემს გრძნობას მაინც ნუ შეურაცხყოფ!

— წყევლიმც იყოს შენი გრძნობა და შენც მასთან!

— გააღე კარი, თორემ შემოვალ და შენთვის უფრო ცუდი იქმნება! — მრისხნედ შესძახა და კარებს ნჯღრევა დაუწყო.

— არ გაჰბედო, თორემ ფეხს შემოსდგამ თუ არა, მაშინვე მახვილით გულს გაგიბობ...

— ვნახოთ!.. — წამოიყვირა და უფრო გამხეცვებით დაუწყო კარებს ნჯღრევა.

— საზიზღარო!.. წყევლიმც იყოს შენი სახელი და ზიზღით იხსენიებდეს მას ყოველი ერი უკუნითი უკუნისამდე!..

— ააა!.. — დაიღრიალა იუდამ გარედ და შორს გადახტა.

— რა გინდა ეხლა შენ აქ; რაა?! —
 ღრიალებდა იუდა და თან გარბოდა, მა-
 რიამი კი განცვიფრდა და არ იცოდა
 რითი აეხსნა იუდას გაქცევა და ღრიალი.

IV

— ... მაცდურო, მატყუარო!.. შენ
 ხომ მოგკლეს, მოგკლეს, ჯვარს გაცვეს
 და ლოდით დაგკრძალეს?! — შეუტია იე-
 სოს, როდესაც ის ნატანჯის სახით, ოდ-
 ნავ თავის რხევით, თვალის ქუთუთოებ-
 ზედ წყვილის ცრემლით შებინდებისას
 წინ გამოეცხადა...

მთელი დღე უდაბნოში წოწიალობდა.
 გაუფრთხობდა ყველას. ერთი ადგილიდან
 მეორე ადგილას მშველის სისწრაფათ გა-
 დადიოდა. შებინდებისას კი აპირობდა
 მარიამის სახლისკენ წასვლას, რომ იმის
 ახლოს მოესვენებინა თავისი ტანჯული
 სული. სწორედ ამ დროს გამოეცხადა
 იესო.

— ... სანამ ცოცხალი იყავ, შენი სახე
 ყველაფერში ხელს მიშლიდა, მიცარავდა
 და მოჰკვდი და ახლა სიკვდილის შემდე-



გაც არ გინდა მომასვენო?!... ჰა?... ხომ გუშინ დაგკრძალეს?... ჰა?... მომშორდი, მომშორდი, შე წყეულო!—დაიღრიალა იუდამ და მახვილი იძრო...

— მომშორდი, თორემ მკვდარს ხელმეორედ მოგისპობ ამ მახვილით სიცოცხლეს.— შეუტია და რამდენიმე ნაბიჯი იესოსკენ წასდგა. იესო კი ისევ ისე შესცქეროდა, ისევ-ისე თავის რხევით, და წყვილი ცრემლი ისევ-ისე დაწვებზედ ჩამოსაგორებლად უკრთოდა თვალის ქუთუთოებზედ.

ააახ, წყეულო!...—თვალეები მაგრად მოხუჭა შეყვირებასთან ერთად და მახვილი პირდაპირ იესოსკენ სტყორცნა...

საღამოს მკრთალი ნათელი კი მთლად სიბნელით შეიცვალა და არე-მარე დაჰბურა...

— „იუდა, ამბორის ყოფითა მისცემა ძესა კაცისასა?!“ *)— ურში ჩაეწვეთა იუდას ნაღვლით და ლმობიერებით სავსე ხმა იესოსი.

— ჰა?! ხა, ხა, ხა, ხა!—თვალეებ და-

*) სახ. ლუკ. XXII, 48.

ქყეტილმა მიიხედ-მოიხედა და, რაკი ვერა-
 ვინ დაინახა, სიხარულით ხარხარი მორთო.

— „იუდავ, ამბორის ყოფითა მისცემა
 ძესა კაცისასა?!“ — შემოესმა ეხლა მეორე
 მხარიდან ისევ ის ლმობიერი, ნალვლით
 საესე ხმა.

— ააა, მშიშარავ, მშიშარავ!... ჩემმა
 მახვილმა შეგაშინა და ახლა იღუმლად
 მებაასები.— ხარხარით წამოიძახა და მახვი-
 ლის ასაღებად წავიდა, რომ მახვილის
 ტყორცნითვე მოესპო იღუმალი ხმაცი სე,
 როგორც იესოს სახე გააქრო...

— რა გინდა?! — დაიღრიალა საცოდა-
 ვად იუდამ და უკან ისე გადმოტრიალდა,
 რომ კინალამ წაიქცა.

ერთი ფეხი წინ-წადგმული დარჩა, მე-
 ორე საღსარში საშინლად მოეხარა, ტანი
 კი უკან გადმოეზნიქა და ასე მუსტებ წინ
 წაწვდენილი მოელვარე თვალებით ხმის
 ამოუღებლივ შესცქეროდა იესოს, რომ-
 მელიც ისევ ისე ლმობიერებით, ღრმა ნა-
 ღველით, აღსავსე სახით უეცრივ იმისა და
 მახვილის შუა გაჩნდა.

დიდ ხანს არ უმზერია იუდას. ჩქარა

პირი უკუ იბრუნე და რაც ძალი და ღონე ჰქონდა მოჰკურცხლა.

სად გარბოდა იუდა?.. თითონაც არ იცოდა. ის ანგარიშ მიუცემლად გარბოდა და უკან მოხედვისა ეშინოდა. თუნდ სულ ასე ერბინა, ოღონდ ის კი ნულარ ეჩვენებოდა.

სამი დღე-ღამის უქმელ-უსმელობით და უძილობით ჩამომხმარი იუდა აჩრდილსავით მიჰქროდა და ვიდრე, თავის და უნებურად გესთიმანის ბალში არ შევარდა, არ შემდგარა. აქ ის მოეხვია ერთ ხეს. ხელები გარს შემოურკალა და მაგრად, მაგრად ეკვროდა ზედ. უნდოდა სახე, სახე კი არა, მთელის სხეულით შეერთებოდა ამ ხეს, რომ უკან მოხედვა აღარ შესძლებოდა, რადგანაც ის წყეული, ის მაცდური ეგონა უკან ედგა...

მაგრამ... ოხ! ხეს ეკვრის და ეგერ ხიდგანაც გამოიქვრიტება ის... ის...

— ახ!.. — სასოწარკვეთილებით ხმა აღმოჰხრა იუდას.

მუხლები მოუდუნდა, მოეკეცა და უგრძნობლად პირქვე დაემხო...

— „იუდა, რომელი გეგულებს საქმედ, ჰყავ არდე.“ *)—გამოარკვია იუდა უგრძნობლობისგან ამ სიტყვებმა და აწმყოს დაუბრუნა.

— ვყავ ადრე და ისე ადრე, რომ ისე ადრე არცკი მოელოდი... შენ გინდოდა კიდევ... დედამიწიდგანაც ამოიქვრიტები?! ააა?!... აქ კი ქვეშ მიძევხარ!... დაგგლეჯ, დაგფლეთ!... თუმცა მახვილი იქ დამრჩა, მაგრამ კბილით, ხელებით დაგხოკავ!.. მართლაც იუდამ დედა-მიწას დაუწყო კბილებით და ხელებით ხოკვა და დიდხანს, დიდხანს ჩაჰბლუოდა.

— ჰეეე, ჩაგნთქე, თუ არა?!.

განშორდა მოჩვენება. იესო ჩანთქა. იუდა წამოდგა და წელში გაიშართა.

შავად ჩამომხმარი სახე, დასისხლიანებული პირი და ცეცხლის მფრქვეველი თვალები შესაზარ შეხედულობისას ჰხდინდენ იუდას...

იუდა იდგა წელში ამართული და ჩაქინებით სივრცეს გასცქეროდა...

— დედი, დედი, რად მიცქერი მაგრე

*) იოან. XIII, 27.



სასტიკად?!... განა შენცა მკიცხავ?! აჰ
 აჰ აჰ!.. — ღართის კალთა უეცრივ აი-
 თარა თვალებზედ და მუხლ-მოდრეკილმა
 მწარედ, მწარედ ქვითინი მორთო...

— შვილო, იწამე... ის ძე ღვთისაა! —
 გამოცხმაურა აჩრდილი.

— როგორ?!.. შენც მაგას იძახი?!...
 მაშ არა ჰყოფილხარ დედა-ჩემი, თუ მა-
 გისტვის შეარყიე საფლავი, ისა სჯობია
 წახვიდე და მოასვენო შენი ძვლები. წადი,
 წადი!... — ფეხზედ წამოქრით მიადახა აჩრ-
 დილს და რამდენიმე ნაბიჯი წინ წარ-
 სდგა.

განქრა აჩრდილი. იუღამაც თავისუფ-
 ლად ამოისუნთქა. ეგონა, ეხლა კი სულ
 გავიმარჯვეო, მაგრამ ამ დროს ხმა გა-
 ისმა: „აგერ იუღა სად იმალება. მასწავ-
 ლებელი გასცა და ეხლა კი იმძლება.“

— მე ვიმძლები?!... არა... არა! მე არ
 ვიმალები!... მე სხვა მოწათფებს არ ვგე-
 ვარ, რომ დავიმალო. მე აქ ვარ!.. —
 შეჭლრიალა და წინ წარსდგა.

— სხვა მოწათფებს სდევნიან და შენ
 კი, როგორც გამცემს, არ გეშინიან!...

— მეე?...

— მაგრამ...

— რა, „მაგრამ“?

— შენც ჯვარს გაცვამენ!...

— ხა, ხა, ხა!.. მე ჯვარს მაცვამენ?!
არა, არა და არა!...

ამ დროს უეცრივ შემოესმა ფეხის ხმა, რის გამოც ფოთოლსავით შეირყა და იქით გაიხედა, საიდანაც შრიალი მოესმა.

— იუდა, იუდა, ეხლა კი ველარსად დაიმაღლები!.. ხა, ხა, ხა!.. გეშინიან განა?!

— უცნაური ყიჟინი გაისმა იქიდანვე, და იუდამ იმ მხარესვე შორს, შორს, ხეებ შუა მოკრთალო ჩირაღდნების სინათლე შენიშნა.

— აღზდევით ეხლა ჩემზედ?!... ჰააა, უმაღურნო!... მაცდური მოგეცით ხელში, მოგაკვლევინეთ თქვენი მტერი და მადლობის მაგივრად მეც გინდათ ჯვარს მაცვათ?!

ყიჟინი კი თან და თან ახლოვდებოდა, სინათლე უფრო ჩაღებოდა...

— თქვენ, თქვენ!... ბრბოვ, ბრბოვ, საზიზღარო ბრბოვ, ვერ სცნობ მტერსა



და მოყვარეს, ვერ გაგიგია ვინ გმოკეთობს!... საკმარისია იმ საზიზღრებმა მღვდელთ-მთავრებმა და ფარისევლებმა თითი მიგიშვირონ ვიზედმე, რომ შენც ცხვარსავით ბლავილს მოჰყვე!... მაგრამ, მაგრამ, ხა, ხა, ხა, ხა!... იმ მხდალსავით არ დაგნებდები!...—იუდამ მახვილს გაივლო ქარქაშს ხელი, მაგრამ მახვილი აღარ დაჰხვდა. ამისთვის კეტს წამოავლო ხელი და საბრძოლველად გაემართა...

— ხა, ხა, ხა!... ვერ ჰხედავ იუდას, ოც და ათ ვერცხლად გამსყიდველს, როგორ მამაცობას იჩენს?!... ჯვარს ვაცოთ ეგა!—ხარხარით დაახალა ყიჟინა ბრბომ და თან და თან უფრო უახლოვდებოდა...

— მე... მე... ოც და ათ ვერცხლად?! არა, არა!... ჯვარს არ გეცმევინებით, არა?! მე საზიზღარი სიკვდილით არ მოვკვდები, არა!...—ხრიალით მიაძახა ბრბოს და საჩქაროდ ზეზედ აიქრა. კეტი კი ბრბოსკენ სტყორცნა.

იმავე სისწრაფით მოიხსნა სარტყელი, ხის ტოტს მოაბა, გამოამარყუშა და...

— უშრრ!...— ხე მთლად შეირყა და ფოთლებმა შრიალი მორთეს.

ხეზედ ფრინველთ გამოეღვიძათ ამ უეცარ შრიალზედ და დაფეთიანებულები უგზო-უკვლოდ გესთიმანის ბაღს მოედვნენ.

ხე კი კარგა ხანს შრიალებდა, ტოტს ჭაჭა-ჭუჭი გაჰქონდა, და ოდნავი დრო გამოშვებითი ხრიალი გამოისმოდა.

ამ დროს იესოს საფლავისკენ მიმავალთ მარიამ მაგდალინელმა, მარიამ იაკობისმამ და სხვა მანდილოსანთა წყნარის ბაასით ნელსაცხებელით ხელში ჩაუარეს ამ ხეს გვერდით, მაგრამ ხეზედ ჩამოკიდული იუდა კი ვერ შეჰნიშნეს...

ყარა-თათა 1897 წ.

ღვინის ქურდი

(ქიზიყელებზედ ქართლში გაგონილი პატარა ამბავი)

დიდი ხანია სოფ. ა—მ მიიძინა. მთვარესაც მოეწყინა ცის სივრცეზედ ხეტიალი და დასავლეთისკენ სადღაც ტყიან მთებში ჩაიბნა. მხოლოდ ვარსკვლავთ მთვარის შემდეგ იწყეს მეჯლიში და თვალებგაბრწყინვებულნი გადმოჰხაროდნენ მიძინებულ სოფელს. გაუხარდათ ვარსკვლავთ მთვარის, იმ ეულის, გულ-ცივის ჩასვლა. მისი ცივი სხივები ვარსკვლავთაც გულს უცივებდა და ოდნავ-ღა ბეჟუტავდნენ. ეხლა კი, როდესაც იგი ჩაეშვა მთებ შუა, გული გაუთბათ და მხიარულება და კაშკაშიც მოემატათ...

— ბიჭო, აბრი, აქეთ მოდი, შე გამჩენ , ე ლედვს მოერიდე, თორე...

— უუუ, აუ, აუ! — სიტყვა აღარ დაათავებინა ელიბოს სახლის ახლო ხუთიოდ ტალიკ მოსაუბრე ბიქს ლედვის ძირიდან გამოვარდნილმა ძაღლმა, რომელიც აბ-



რიას მაშინვე წვივებში სწვდა და ღრენით ღრღნა დაუწყო. ყველას, გარდა ძაღლისგან დატყვევებულ აბრიასი, ჩუმი სიცილი აუტყდა. აბრია კი დასწვდა ძაღლს ქეჩოში და უკანა ფეხებზე შეაყენა. ძაღლმა შეაკვესა თვალები და გამწარებულმა ქვედა ყბა ააკაპუნა და თან ჩახრეწილი ხმა ააყოლა. აბრიამ მაშინვე ფოლადი თითები მოუჭირა პირზე და ძაღლს წკმუტუნი დააწყებინა...

— თქვე ვერნებო, რა გაცინებთ?! მაიტათ, ვისა გაქვთ დეკეულის თეძო, თორე ე ბეხრეკი ქვეყანას შეგვიყრის! — გულმოსულმა დაბალის ხმით, მაგრამ მკვახეთ მიჰმართა მოცინავე ამხანაგებს.

აბრიას სიტყვებმა ყველანი გამოარკვია. საჩქაროდ იმის გვერდით გაჩნდნენ და ლელვის ძირამდის ძაღლის მითრევაში მიეშველნენ.

ლელვის ძირას წყნარად დაუშვეს ძაღლი, მაშინვე პირში უშობელის თეძო მისცეს და თითონ კი ელიბოს მარნისკენ ფეხაკრეფით წავიდნენ.

ხორცის სუნი მიედინა თუ არა ბეხრეკს,



ნერწყვი წამოუვიდა, რადგანაც მისთვის იშვიათი ხილი იყო და, თუმცა იმ სალამოს სალაფავით, რაც მარინემ გეჯით თავის ხელით მიართო, გამოძღა, მაინც ხარბად დაუწყო ღრღნა.

პატრონის ერთგული იყო ბებრეკი სიყმაწვილეშიაც. კიდევ ამისთვის შეინახა და დააბერა; მაგრამ ერთი სუსტი მხარე ჰქონდა. ხორცის დანახვაზედ ყველაფერი ავიწყდებოდა: პატრონიც და თავის თავიც.

ეხლაც ისევე დაემართა. ჩაუწვა უშობელას თეძოს და თავდავიწყებით წუწვნა დაუწყო, რადგანაც ღრძილებამდის მოცვეთილ კბილებით გლეჯა აღარ შეეძლო...

ტალიკმა ბიჭებმა ელიბოს დაკეტილი მარნის კარი შეაღეს და ქვევრს კიდევაც მოჰხადეს...

— აჰ, მირონსავით არის, ღმერმანი, მირონსავით! — წამოიძახა მიხუამ, როდესაც ღვინით გუდები და ერთი კაი ტიკქორა გაავსეს, და თან სავსე ჩაფუკა წვრილად უკანვე ქვევრში ჩაქცია.

სქელი წითელი ღვინო წმიდა სანთლის მკრთალ შუქზე მაცდურ ნაკადულად ჩადიოდა ქვევრში და ხუთ მოღიმარ შეღერებულ ბიჭების გაბრწყინებულ თვალებს უღიზინებდა; თან წინწკლებს გარს უხვად ისროდა, რის დანახვაზედაც მაყურებელთ პირს ნერწყვი მოსდიოდათ.

— რატო მაგრე წვნიკად ასხამ, შე ვერანავ, ბარემ ერთბაშათ ჩაასხა!.— წაუბუზღუნა გიომ და მხარში ხელი წაჰკრა.

— მზად არის, წავიდეთ, თორე ჩვენ ლოდინში სული ამოჰძვრებათ ი ხალხს,— სთქვა აბრიამ, როდესაც ტიკქორას პირი მოაკრა და იღლიაში ამოიჩარა.

— წავიდეთ!... - სთქვა მიხუამაც და ქვევრს სარქველი დაათარა.

— იი, რა სულელები ვართ:— თითქმის კარებში დაიწყო ივანემ და უკანვე დაბრუნდა.

— რა მოგივიდა, კაცო, წამოდი!— თითქმის ყველანი მიბრუნდნენ ვანუას სიტყვებზედ და ერთად დაეკითხნენ.

ეგონათ, თუ დაავიწყდათ რამე, რომ ივანე უკანვე მიბრუნდაო.

— რაღა რა მომივიდა, თქვე ოხრებო, — ჩუმის ხმით დაიწყო ივანემ და სანთელი ისევ აანთო. ქვევრის პირას ვიყავით და ღვინო კი გემოით არა ვნახეთ. რას გვეტყვიან ი ხალხი? მასხარად აგვიგდბს..

— აი ამოგაგდოს ქრისტემ ყე!.. ღრეჭით უთხრეს და ქვევრს ისევ მიეხვივნენ.

— მართლა და რას გვეტყოდნენ ი ვერნები! ვილა გადურჩებოდა იმათ!.. — ღრეჭით წამოიძახა აბრიამ და სავსე ჩაფუკა ქვევრიდგან ამოწუნწკლა.

— აბა, ჩქრა დალიე!... — ყველამ ერთად უთხრა და თვალებს ბზინვა დაუწყო.

— ივანე, შენ გაცოცხლოს ღმერთმა. შენ რომ არ მოგეგონებინა, ჩვენ სირცხვილით ხვალ ტოლ-ამხანაგებში ველარ გავერევიდით! დალოცა ივანე აბრიამ და ჩაფუკა მოიყუდა

ივანემ კმაყოფილებათ წვერზე ხელი ჩამოისვა და უღოვაშებში ჩაიცინა..

ყველამ ჩამოირიგა ჩაფუკა და ივანე აღდგებოდა. ყველაზე ბოლოს ჩაფუკა ივანეს ერგო. ივანემ დიდის სიამოვნებით



მადლობა გადაუხადა ამხანაგებს და, როცა აფუკა გამოცალა, დაიწყო ღვინით დასველებული უღვაშების წუწნით ლაპარაკი.

— იიიი. რა ძაან ღვინოა!. ნაწლავები სულ არ ჩამწვია!.. თუ ლუკმა არ დაეაყოლოთ, ბინებამდის ვერ მივალთ. აბა ერთი მოუთაროვოთ, ელიბო შენახული კაცია, შესასუსნი ექმნება რამ.

— ე ღმერთო გამწყრალი, ქკუის კოლოფად არ გადიქცა!..—სიცალით დაიძახა მიხუამ და სანთლით კუთხეში მიიღრბინ-მოიღრბინა.

ივანემ კი ჩაფუკა ისევ ამოავსო; ისე ესიამოვნა წითელი ღვინო, რომ კიდევ მოუნდა. სხვებიც სული-მწარედ მოელოდნენ გამეორებას.

— ბიჭებო, ხახვი და პური რამდენიც გინდათ!..—აღტაცებით წამოიძახა მიხუამ და სწრაფად წინ დაუყარა რამდენიმე შოთი და შემქენარ ფოჩებიანი ხახვის კონა.

დამშეულ მგლებსავით ეძგერნენ და საჩქაროდ ხახვსა და პურს სვავებივით ულაპვა დაუწყეს...

მართლადაც დამშეულები იყვნენ. ბინებიდან სოფ. ა—მდის შვიდი-რვა ვერსი იყო. სწორედ შელამებისას, როდესაც მეძროხეები ვახშამს სჭავენ ხოლმე, გადასწყვიტეს ა—ში წამოსვლა, რადგანაც მაშინ დაკლეს აბრიას დეკეულა, რომელმაც უეცრივ კვდომა დაიწყო. „მიწის მგელი“ გამოუვარდა, თუ რა ღმერთი გაუწყრა, აბრიას „სალ-სალამათმა“ გათქვირებულმა დეკეულამ ფეხები ფშიკა და კდომა დაიწყო! აბა, როგორ მოჰკლავდნენ ისე უსულადოს!? მაშინვე ყელში ხანჯალი გაუყარა და სისხლი გამოადინა.

მეძროხეებისთვის ეს შემთხვევა დიდ მოვლენად ჩაითვლებოდა.

აბრია თუმცა მოწყენით დაჰყურებდა ყელ-გამოლადრულ დეკეულას, მაინც გულში ჩუმჩუმად სიამოვნობდა; უხაროდა, რომ რძე და მაწდნით მობეზრებულს ხორცის ქამა შეჰხვდება...

ხორცის ქამა უღვინოდ მეძროხეებისთვის წარმოუდგენელი იყო. ამისათვის ამოირჩიეს ოთხი მარჯვე ბიჭი, აბრიაც თან გააყოლეს და თან, რადგანაც ერთი

ორ ჩაფიანი ტიკის მეტი არ ჰქონდათ, გუდები გაატანეს.

თითონ კი აკაფეს უშობელი და ქვაბებით ცეცხლზე შემოდგეს. ლუკმა პურითაც არ გაინძრიეს ყბები, რომ შენაყრებულიყვენ, რადგანაც ყველა მათგანი ცდილობდა მოემშია, რომ ხორცი ბევრი შეექამა.

ერთი-ორი ლუკმა გადაყლაპა თუ არა, ივანემ ჩაფუკა აილო და დაიწყო:

— ეს ღმერთმა აცოცხლოს ამ ღვინის დამყენებელი და ცოლ-შვილი უცოცხლოს!

— ქრისტეს მადლმა ყე, ელიბო ძალიან კარგი კაცია! მაგას ამ სოფელში ტოლი არა ჰყავს; ღმერთმა დიდ ხანს აცოცხლოს! — წარმოსთქვა მიხუამ, როდესაც სავსე ჩაფუკა მიაწოდეს, და უსვენებლივ გამოცალა.

— ელიბოს მამა-პაპისა სულ არა დაჰრჩენია რა, — დაიწყო გიომ, როდესაც სავსე ჩაფუკა ხელთა ჰხვდა: — სუ თავის მარჯვენით შეუძენია, რასაცა ჰხედავთ.

— ამ ბნელაში რასა ვხედავთ, ე სანთელიც გვიქრება. — იოხუნჯა ივანემ.

— ეე, ივანე, ეგ ყე ველარ მოგივიდა შე გამჩენ...! — ღრეჭით შეუკურთხა გიომ და თან ღვინისაგან დასველებული ხელები გასაწმედათ გაპოხილ საცვეთებს გაუსვ-გამოუსვა.

— რო გვიქრება ყე, შე აჯამო, უნდა მივაშველოთ რამე თუ!.. — განაგრძო ისევ გიომ და ახლა ღვინით დასველებულ უღვაშებს მარცხენა ხელით წმენდა და-უწყო.

— ივანე მოგიკვდეთ, თუ ეხლავე არ გაგაჩირაღდნოთ! ამ სიტყვებით წამოხტა ივანე, სანთლის ნამწვს ხელი დაავლო და თახჩასთან მიირბინა.

წამს თითქოს კიდევაც სულ დაბნელდა. სხვებმა პირაც კი დააღეს, რომ გაელან-ძლათ ივანე, რადგანაც გაჩირაღდნების მაგივრად სულ დააბნელა; მაგრამ ყანყრა-ტოში მობჯენილი ლანძღვა უკანვე დაუ-ბრუნდათ, რადგანაც სინათლემ ერთი სა-მად იმატა.

ივანე თუნუქის მხრჩოლავ ლამპარით უკან დაბრუნდა...

— აჰათ, ესაც სინათლე!.. — მთლად

გაბრწყინვებულმა ივანემ დადგა ქვევრის პირას ლამპარი და იქავე ჩაიკეცა...

აქნობამდის თუ დაბალის ხმით ლაპარაკობდენ და ფრთხილობდენ, ეხლა კი, სამაგიეროდ, როდესაც მეოთხ-მეოთხე ჩაფუკა წითელი ღვინო ჩამოირიგეს, ცოტა არ იყოს შუბლი შეუხურდათ და სრულებით თავის-უფალ ხმით დაიწყეს ლაპარაკი. ცოტა ჩვეულებრივზედაც მალლა.

— ივანე, ჰაი, ივანე, რა გარგი იქნებოდა, არა, ბიჭო, როცა ცოტა სამწვადე წამოგველო?! — სინანულით ეღრიქებოდა გიო ივანეს და თან შოთს ჰღრღნიდა...

— კარგი იქმნებოდა, მა რა?.. ეი, რა შავაშიშხინებლით ამ ქვევრა პირას!.. — ივანეს მაგივრად მიხუამ უპასუხა, და მწვადების ხსენებაზედ პირში ნერწყვი მოუვიდა..

ივანემ კი გიოს სიტყვებზედ თავი ჩაღუნა და ეტყობოდა, რილასიც მოგონებას ცდილობდა...

— რა მოგივიდა, ბიჭო, მეფე სოლომონობა ხომ არ მოგენიქა, რომ მაგრე



ღრმად ჩაფიქრდი?! — მუჯღლუგუნის წაკვრით მიჰმართა აბრიამ და ჩაფუკა ამოავსო...

— ეს ღმერთმა შაიწყალოს ელიბოს ოჯახში გარდაცვლილები! — განაგრძო აბრიამ და წუნწკლიანი ჩაფუკა მოიყუდა.

— ამინ, ამინ!. — თითქის ყელამ დაიძახა. ივანე კი ისევ ფიქრობდა. აბრიამ ჩაფუკა ისევ ამოავსო და მუჯღლუგუნით ივანეს მიჰმართა:

— დილიე, ე ღვინო, რაც უნდა ბევრი იფიქრო, ქვეყნიერობისას შენ ვერას გაიგებ!

— ხა, ხა, ხა, ხა!.. მართალს ამბობს, კრიჰტეს მადლმა, მართალს!. — ხარხარი დაიწყეს აბრიას სიტყვაზედ სხვებმა. თითონ აბრიაც აჰყვა იმათ ხარხარს...

— ბიჭებო, გინდათ ამ წამშივე სამწვადე გავაჩინოთ?! — სიხარულით წამოიძახა ივანემ, თითქოს დანარჩენების ხარხარის სავასუხოდ, უფრო ხარხარი აუტყდათ ივანეს სიტყვებზედ.

— რა გაცინებთ, თქვე აჯმებო, მართლა გეუწანებით!.. — წყრომით უთხრა ივანემ.



— დაითვრა, აი, ხა, ხა, ხა!..—ისევ ხარხარი დააყარეს ივანეს.

— თქვე აჯმებო, ი დეკეულას ბარკალი დაგავიწყდათ, ძაღლს რო მიუგდეთ?!.

— ეეე, მართლა, კაცო, ი როგორ დაგავიწყდა!..—ერთ ხმად წამოიძახეს და ივანეს გაკვირვებით მზერა დაუწყეს.

— მაგანაც ჰთქვა, რალა?! — წარმოსთქვა ცოტა სიჩუმის შემდეგ მიხუამ: აქნობამდის ძვლებსაც დაჰკვნეტდა ი გამჩენ...

— ძვლებს კი არა, რკინას დაჰკვნეტდა! — დაცინვით სიტყვა გააწყვეტინა აბრიაამ: წელან ე წვივს სისხლიც ვერ გამოადინა.

— მაშ, აბა, ვნახოთ!.. — დაიძახა ივანემ: ღმერთმანი ერთი ციცქნაც არ ექმნება დაკლებული.

თქმა და ასრულება ერთი იყო. ხუთი ბიჭი ბარბაცით გამოვიდა მარნიდან და ბნელაში მღრჩოლავ ლამპრის შუქზედ ლედვის ძირას ძაღლის წინ მწკრივად გამოიქანდაკა; შორი ახლოდგან ღრექით ძაღლს მზერა დაუწყო. ძაღლმა კი ამათ

დანახვაზედ, მართლაც, ჯერ ისევ მთელ, მხოლოდ მტვრით მოგანგლულ დეკეულას ბარკალს წინა ტოტები გადააწყო და თვალის კვესებით კბილების ადგილას შავ ხაზ გასმული ჩაღვიძლებული ღრძილები გამოაჩინა.

— უუუ!... — ღრინავდა ძაღლი.

— უუუ!.. — აჯავრებდა ხუთივე ღრეკით ძაღლის ღრენას და ვერც ერთი მათგანი ვერ ჰბედავდა დეკეულას ბარკლის გამოცლას.

— აბა, აბრი, ისევ შენ!... — მიხუამ ჰკრა ხელი აბრიას და ზედ ძაღლზედ კი წააპირქვა.

— აუ, აუ!. — ძაღლმა ერთი ალიაქოთი ასტეხა და ზედ წაწოლილ აბრიას ღრღნა დაუწყო.

აბრია ძალა უნებურათ შეებრძოლა ძაღლს. როგორც იყო, ყელში მარჯვენა ხელი წაავლო და მაგრად მოუჭირა.

აბრია რო ძაღლს ებრძოდა, სხვები გულიანად კისკასობდნენ...

თქვე მამა ოხრისანო ყე, რა გაცინებთ?! ღროით აიღეთ ე ბარკალი და გამომწვა-

დეთ. — შეუტია აბრიაშ და ძაღლს ყანყრა-
ტოში უფრო მოუჭირა.

ხარხარით დაითრიეს ბარკალა მარნი-
სკენ გამოსამწვადავად.

აბრია კი ძაღლს ებრძოდა. იღლიის
ქვეშ ამოიღო ძაღლი და რაც ძალი და
ლონე ჰქონდა აწვებოდა; თან მაგრად
უჭერდა ყელში. ძაღლი გამალებით წინა
და უკანა ფეხებით ფხაქნიდა მიწას, თვა-
ლებში მტვერს აყრიდა აბრიას, ცდი-
ლობდა განთავისუფლებას, მაგრამ ამაოდ.

თითქმის ხრიალიც შესწყვიტა ძაღლმა,
მიწასაც ისე ღონივრად აღარ ფხაქნიდა
და თან-და-თან ყუჩდებოდა. მხოლოდ
გვერდები და მუცელი ებერებოდა.

— შე ვერანავ, ე მაგრე ჰკვიანად იყო,
ის არ გირჩევნია! — დამშვიდებით წამო-
იძახა აბრიაშ, როდესაც ძაღლმა მოძრა-
ობა შესწყვიტა: და თავისუფლად ამოი-
სუნთქა, თუმცა ძაღლის ყელში წაჭე-
რალი ხელისთვის არ უფოხნია.

— ე ძვალი აქვე მომიტანეთ, თორემ
ძაღლს თავს გავანებებ და ქვეყანას შე-
გვიყრის! — დაუძახა ამხანაგებს, როდესაც



მოეწყინა ძაღლთან ერთად მხარ თედოზე
წოლა.

— ეხლავე, ეხლავე! — გამოსძახეს მარ-
ნიდან და მიხუამ გამომწვადული ბარკალი
მოურბენინა.

აბრიას არსებობა კიდევაც დაავიწყდა
ამხანაგებს. იმათ გამომწვადეს და ძვალი
იქ დააგდეს. თითონ კი სახრეებისგან
შამფურები გააკეთეს და წვრილად და-
ჭრილ ხორცის ზედ აგება დაიწყეს.

როცა აბრიამ დაუძახა, მაშინ-ღა მოა-
გონდათ, რომ აბრია ძაღლს ებრძვის და
თრიკინი აუტყდათ.

— აქ მამე, პირში მივცე, თორე მომ-
ვარდება! — ჩამოართვა ძვალი და ძაღლს
დაღებულ პირში ჩაუდო.

მხოლოდ ეხლა-ღა გაანთავისუფლა ძაღ-
ლის ყანყრატო.

— ვერანას როგორ ესიამოვნა! არც კი
ინძრევა!..

II

— ბიკო, ბიკო, დაჰკართ ტაში!

— გოგონა, გოგონა!...

— გოგონა და გოგონა, გოგონა, ბიჭებო!...

„გოგომ სთქვა—ჩემმა ნალაფმა:
 ბიჭმა ვერ გადმიგორაო,
 ვერცა გამიხსნა სარტყელი,
 ვერცა-რა მომიგონაო!“

— დედაკაცო, ჰა, შე ვერანო, და-
 ჰყრუვდი თუ?!. არ გეყურება?!—პერანგა
 ელიბო კარებიდან უტევედა თავის ცოლს,
 როდესაც მარანში სარკმლიდან შეიხედა
 და უკანვე დაბრუნდა.

— რა დაგემართა, კაცო, რა იყო?!—
 შმუშნით დაეკითხა ირინე.

— ღმერთმა რო არ იცის შენი თავი
 და ტანი, ის დამემართა!. აბა, მარანში
 შაიხედე, რა ამბავია!.

„გადაგიხტი, გადმოგიხტი.

გაგიკეთე ფანჩატური;

შენი ფეხი, ჩემი ფეხი

ერთმანეთში ჩახლართული!“

— არალე და არალე!



... იჰ, ე სადა მღერიან?!.. გაკვირვებით დაეკითხა ირინე და ლოგინში წამოჯდა.

— გამოდი მეთქი, არ გეყურება?!..

ხმის ამოუღებლივ ირინე ამოუდგა ქმარს მხარში.

მწვადის ოშხივრით გაქდენთილი ბოლი უხვად გამოდრიოდა სარკმლიდან და იქ მდგომთ—ირინეს და ელიბოს.—ჰბურავდა..

— დედაკაცო, ჩვენია ე მარანი თუ?!.

— აბა რა ვიცი, ჩვენი რო იყოს, ხომ ეგენი აღარ იტლინკებდენ!..

— აბა, მიხო, ე შამფურიც გაიტანე და გავათავოთ!.. უთხრა აბრიამ, როდესაც თამაშობის შემდეგ მიხუა დასაჯდომათ დაიხარა.

ყველამ ითამაშა. ყველანი თავ-დავიწყებით თამაშობდა გოგონაზე. ყველამ კარგად იცოდა სიმღერა და ამისთვის ერთი ერთმანეთს სცვლიდნენ.

მიხუამ უკანასკნელი ხის შამფური მწვადით მოიტანა, და საჩქაროდ მწვადი...

— ეს ღმერთმა აცხონოს და შეიწყალოს ჩვენი მიცვალებულები!.. — წაუქცია

თავი პურზე ჩაფუკას აბრიათ და მოიყუ-
და.

— ამინ! — ყველამ ერთხმად დაიძახა.

— დედაკაცო რაღასაც ჩერჩეტობ, ჩვენ-
ნია, მა ვისია ე მარანი?!

— თუ ჩვენია, მა ისენი რას აკეთებენ
აქ?!

ქვევრის პირას მსხდომთ ყურები ცქვი-
ტეს. მკაფიოდ შეესმათ ელიბოს და ირი-
ნეს ლაპარაკი..,

ყბებსაც კი აღარ ანძრევდნენ, სულ
სმენად გარდიქცნენ.

— დედა-კაცო, ერთი ი ჩოხა გამამი-
ტანე!..

ირინე მაშინვე გატრიალდა.

აბრია-კი მაშინვე გარედ გამოვარდა და
სარკმელთან მდგომს კისერში სწვდა.

— ბიჭებო, ე ვილაც ოხერია, ღვინის
მოსაპარავად თუ მოვიდა?!

ელიბო შეეჭიდა და ყვირილი მორთო.
დანარჩენი ბიჭებიც გამოცვივდნენ; სა-
ჩქაროდ ასწიეს ელიბო და მარანში შეი-
ტანეს.

კარგია კიდევ ჩვენ აქ ვიყავით, თორე

ხომ ღვინოს მაიპარავდა!..—ძლივას-ლა აგნებდა ენას მიხუა.

— არა, ბუზის ტოლას ველარ გვამ-ჩნევდი, შე ქრისტე... რო მოჰდიოდი ღვინის მოსაპარავად?! — ჩაეკითხა ელიბოს აბრია, როდესაც ხელ-ფეხ შეკრული ელიბო კუთხეში მიაგდეს..

— აბრი, ერთი ჩაფუკა ღვინო მაინც დაალევიწე, ვინ იცის, ღვინისთვის რა-ნაირად სული მიჰდის! — ღრეჭით მიჰმართა ივანემ, როდესაც აბრიამ ჩაფუკა ისევ ამოავსო..

ელიბო კი გონს ვერ მოსულიყო, თუ ეს რა დაემართა. გაჩუმებული ათვალე-რებდა მარანს, თითქო ეცნობებოდა კიდევაც მარანი და არც ეცნობებოდა. მაგრამ ეს კი კარგად იცოდა, ღვინის მოსაპარავად არ მოვიდა.

„მაშ რადა მწამებენ ღვინის ქურდობას“?! — შეეკითხა თავის თავს ელიბო და პასუხი კი ვერ მისცა..

— ღვინოს კი არა, ქირს დავალევიწებ! — წამოიძახა აბრიამ და შემდეგ ხელ-ფეხ გაკრულ ელიბოს მიჰმართა:

— არა, ავი კაცის მამისა და დედის სულიცა, ე ღვინის მოსაპარავად რო მოჰდინხარ, ქრიჰსტე აღარა გწამს?!

ირინეს კაბა გადაეცვა. გამოვიდა ქმრის ჩოხით გარედ და მიათვალაიერ-მოათვალაიერა ქმარი და რაკი ის ველარ დაინახა სარკმელთან, სახლშივე შეებრუნდა.

— იჰ, სადღაც წასულა!.. — კაბა ისევ გაიძრო და ლოგინში ჩაგორდა: „ჩოხათუ უნდა, თითონვე გაიტანოსო“ — დაუმატა, ლოყის ქვეშ მარცხენა ხელის გული ამოდო, მარჯვენა ხელი კიდევ მარცხენა ილლიაში ჩააცურა და დასაძილებლად თვალები მიხუჭა...

— ბიჭებო, წავიდეთ, თორე ბინაზე აღარ მიგვიშვებენ!. — დაიძახა გიომ და ბარბაცით ღვინით სავსე გუდა ზურგზე მოიგდო.

— ყველა წმიდა იყოს შამწე... კარგადავლიეთ. აი!.. შენ კი, ეი, ვილაც ღვინის ქურდი ხარ, ხვალ პატრონი თითონ გაგცემს პასუხს!.. — თან ბარბაცებდა ივანე და ძლივას ლაპარაკობდა.

— აბა, ახლა კი წავიდეთ, შიგ ხო არ ჩავიღრჩვებით!..

— წავიდეთ?— ერთხმად დაიძახეს ყველამ და თავიანთ გულები და ტიკები აიღეს.

— ღვინის ქურდობა კარგი არ არის, ხვალ თავს ლაფს დაგასხმენ! — თითქმის ყველამ მოვალედ ჩათვალეს თავიანთ თავი, რომ ელიბოსთვის ეს სიტყვები ეთქვა, როდესაც ბარბაცით გარედ გადიოდა.

ელიბო კი ამ სიტყვებზედ მწარედ იტანჯაბოდა.

„დახე, ჩემ სიცოცხლეში ქურდობა არ ჩამიდენია და ამ სიბერის დროს რა თავი მეჭრებაო!“ — თითქმის ტირილით უსიტყვოდ გაიძახოხა და სირცხვილით თვალებს-ლა მაგრად ჰხუჭავდა.


ს. ქვემო-ქალა.

შ. ანაგვისპირელი.



ს ა რ ჩ ე მ ე ი:

	83.
1) პატარა პეპელა.	3
2) ბუნების მეფენი	10
3) მიწა!..	21
4) ჩემი სამშობლო ჩემი გულია!.. . . .	42
5) ყოჩის გოდება.	70
6) „ბაღლი ჰყოფილხარ!..“	84
7) ღირსი ვარ ამისა, ღირსი!.. . . .	94
8) სულ ერთია!.. . . .	108
9) „ეჰ!..“	151
10) ბედნიერება მხოლოდ მაშინ ვგრძენ!.. . . .	53
11) ორი მკურნალი	179
12) იუდა.	197
13) ღვინის ქურდი.	221



პარლამენტის აროვნული ბიბლიოთეკა



K 7.196/2